

दानसेआरि

रौरोथोन

Vol.-1 * No.-1 * NOVEMBER, 2003

नैथि बर' गोरोबथा

अखाफोर, दैमा आरो आं....

मिस्टार हाइब्रिडनि गोलोपदै आरो मोदे

रौरोथोन

खोन्दोसे सैथिबिसान: नभेब्व '2003 इं।

ROURWTHWN • VOL.-1 • No. 1 • NOVEMBER 2003 • Rs. 10/-Only.

सुजु आफाद

गाहाय सुजुगिरि : मुझि हरिनारायण खाख्लारी (बेतन गैयि)

सुजुगिरि :

गबिन्द बसुमतारी (बेतन गैयि)

फणीन्द्र ब्रह्म (बेतन गैयि)

बादल बसुमतारी (बेतन गैयि)

ध्वजेन स्वर्गिआरी (बेतन गैयि)

खोन्दो आइदानि सुजुगिरिफोर :

ज्यति बसुमतारी

जेद. डि. बसुमतारी

शरत बसुमतारी]

रनेन मुसाहारी

गहीन बसुमतारी

साकुंलेसन मेनेजार: गुणेश्वर गयारी

रां दोनथुमगिरि : सुशील कु: ब्रह्म

बिखं महुर : रौरोथोन हानजा

बेसेन : 10.00 रॉल'

सिरां पाब्लिकेसन बर्ड

धालिगाव

प:अ: धालिगाव, जिला: बडङ्गाव

बिटिएडि (आसाम)

पिन: 783385

रौरोथोन : दानसेआरि खौरां लाइसि, सिरां पाब्लिकेसन बर्डनि जानानै मुझि राजा देवजित बसुमतारीजों फोसाव जानाय आरो 'अवेसिस् कम्पिउटार सिस्टेम' आव सेबखां जानाय ।

ROURWTHWN: A monthly Socio-literary News Magazine Published by Sri Raja Devojit Basumatary for and on behalf of Chirang Publication Board, Bongaigaon. and Printed by him at 'OASIS COMPUTER SYSTEM'.

मंगलसिं मास्थारा बाध्नाखौ बेवनो फोजोबनो सानबायमोन। फराखौ जुरिनो सानदोंमोनल'—थिक बे समवनो बयबो गाव गावनि जानो लुबैनायखौ बुंनो गुरु मोन्नानै बांबुला गयारिआ थ'ब सिखारनानै बुडे।

"सात! आं मेलेटारिसो लागोन।"

"मेलेटारिसो लागोन! मा आरमि अफिसार?"

"नडा सात। मेलेटारिसो।"

"ए! दे, जाबाय दे। बेबो मोजां। हादोर सिबिनाय।"

दसे सिरि माबा सानानै मंगल मास्थारा सोंफिनो,

"आसुसा! देनाय, देनाय, नोंनि मेगनखौ मेसेबनानै लानायसाय।"

"मानो सात?"

"मोसेबनानै बुं दे, नों मानो मेलेटारि जानो नागिरदों।"

थिननाय बादिनो बांबुलाया मेसेबो।

"दे दानिया बुंदो।"

"ओँ...मेलेटारिफ्रा आरमिनि ड्रेस गाननो मोनो.....

मोजां मोजां एके-47 लाबाय थानो मोनो..... मटरनिफ्राय ज्राम जुम बाजुमनो मोनो....."

"आरो?"

"आरो... 'फ्राम् फ्राम् फ्राम्...' गुलि हगारलानो मोनो।....."

मंगल मास्थारा खोनानानै गुरुलुब मोनखाडे, गोसो मोनम्रा मोनम्रा सोडे,

"इन्डियान आरमि ना बर' आरमिखौ होन्दों नौलाय?"

"इन्डियान आरमि सात।"

"नंगौ ना?"

"नंगौ सात।"

"मानो? बर'फ्राथ' बड'लेण्डनि थाखाय

सोमावसारदों बड' चुक्तिआ फेलें जानांगौब्लाथ' आरो फिरि गासे सोमावसारनो गोनांबो जानो हागौ। आरोबा माखासे सेंग्रा हानजाया बोराबनानै दंखायो। बिसोरनो 'सभारेन' बर' हादोद नांगौ होननानै बुंदों। बेल' नंवावआ। बड'लेण्ड एबा बर' हादोद जानायनि उनावबो मावनानै जाग्रा मानसिफ्रा हा-हु, खामानि, सोलेंथाइ एबा मानसि बादि थानानै थानो राहा मोनाब्ला आरोबाव मोनसे बिप्रायथाइ फैबावगोन। सोमावसारनाया जाफिन नांगौब्ला इण्डियान आरमिनि आखलखौलाय खोना खाबायदा? मा बादि अपारेसनआव थांब्ला दाहोना, लावखार, फरायसा, सेंग्रा-सिख्लाफोरखौ गावथार खानायनि उनाव बिसोरनि बिरकुडव 'उग्रपन्थि' नि मारखा सौनानै होयो? हागोनफा नों? 'फ्राम्-फ्राम्-फ्राम्' गुलि हगारला बायनो? हारिनि 'सेन्टिमेन्ट' लानानै?"

"थेवबो सात। हाबथारसिगौ आं।

"बड'रिजिमेन्ट"आ खुलिब्ला हामथारसिगौ! ओइट् (viii) पासब्लानो जायोदा, सात?" "मानोथो इसेबां उथुजुग? फरायग्रोनो!"

"आफाया बोराइथारबाय सात, खामब्ला मावयो। आरो आइआबो जौसो फानो।"

मंगल मास्थारनि खुंगाया खलोब जोखलोबो। आसि सोनानै लाखानाय बिजाबखौबो जोखलोब फिननानै दसे थं गसडे। दसे उनावनो अफिसनि बेलआबो 'थं' गाबो। माबा गोथौ सानबोलावरिआव लोहाबनाय मंगल मास्थारा बेलनि सोदोबखौ खोनानानै गुरुलुब सुथि मोनखाडे।

क्लास रुम सिनिफ्राय जु जु थै सोबजानानै जयद्रा जाबोनाय बादि मोखां गिलिरै 'खलथेब' 'खेलथेब' हावथै फैथा सोगाब बोनानै थोंगौरै ओंखार बोयो— होंगो—दोंगो कमन रुमथिडे,सिबाय, मंगलसिं मास्थारा!

★★★★★

रौरोथोनआव लिरबिदां हरनायनि नेमखान्थि

1. रौरोथोनआ थुनलाइ आरो समाजखान्थिआरि खौरां लाइसि (Socio-Literary News Magazine)
2. रौरोथोनआ दानसेआरि महर् नुजाथिगोन।
3. रौरोथोनआ बर' थुनलाइ, समाज, सोदोमन्नि, हारिमु, दावबाय थुनलाइ, बाइदि बाइदि आइदानि सायाव नोजोर बोनानै सुजुनाय लिरबिदांफोरखौ नाजावनाय जागोन।
4. रौरोथोनआ सोरबा सुबुं, फसंथान एबा राजखान्थिआरि हानजाफोरखौ थोंजोडै थांखिनानै लिरनाय लिरबिदांफोरखौ फोसावनाय नडा।
5. राव सोलायनाय एबा साया लानानै लिरनायलिरनाय लिरबिदांफोरनि बेलायाव लिरगिरिनि मुं आरो लिरबिदांनि गुबै मुंखौ मोजाडै लिरनानै हरफा थारनांगोन।
6. लिरबिदांफोरखौ देबनागिरि हांखोजों रोखा रोखा लिरनानै हरनांगोन।
7. लिरबिदांफोरखौ लेखा बिलाइनि फारसेल' लिरनाय आरो सारि मोननैनि गेजेराव फारगआ मोजाडै गद् गद् थानाय जानांगोन।
8. फोसाव जायि लिरबिदांफोरखौ हरफिननाय जाया।
9. लिरबिदांफोरखौ गाहायाव होनाय थडव हरनो हागोन।

The Chief Editor, ROURWTHWN,

C/o. P. Brahma, BRPL Township, Qtr. No. 784/A

P.O. Dhaligaon, Dist. Bongaigaon (Assam) Pin. 783385 • Phone : 241410

एजेन्सीनि नेम खान्थि:

1. गां बाजि (50) बिजाबनि एसेल 'सिनआव एजेन्सी होनाय जानाय नडा।
2. एजेन्सीनि थाखाय गांफायाव 5.00 रां अग्रिम होग्रो नांगोन।
3. बिजाबखौ भि.पि.पि. खालामनानै हरनाय जागोन डाकनि खरसाया जोंनि।
4. सोरबा एजेन्टआ भि.पि.पि. खौ बाइख 'आब्ला बिथानि अग्रिम रांखौ लाखिनानै एजेन्सीखौ सिफाइनानै होनाय जागोन।
5. गां 150 सिम एजेन्टनो 25%कमिसन होनाय जागोन, गां 250 नि बांसिन बिजाब फानग्रा एजेन्टनो 30% कमिसन होनाय जागोन।
6. एजेन्सीनि थाखाय खौरां लाहरनायनि थं:

Circulation Manager, ROURWTHWN,

C/o. Gobinda Basumatary, Dhaligaon High School,
P.O. Dhaligaon, Dist. Bongaigaon (Assam) • Phone : 242789

OR

Circulation Manager, ROURWTHWN,

C/o. GIAN BOOK STALL, Bijni, P.O. Bijni, Dist. Bongaigaon (Assam)

उदांसिनि सोमावसारनायाव बर 'फोरनि बिहोमा

✽ मुस्री विद्यासागर नाजारी

गुबुन भारतआरि मानसिफोर बादि सा-सानजा भारतआव थानाय बर 'फोराबो उदांसिनि सोमावसारनायाव बाहागो लादोंमोन। नाथाय दुखुनि बाधाय वेनो जे आसामनि जारिमिनआव उदांसिनि सोमावसारनायाव बाहागो लानाय बर 'फोरनि सोमोनदै बारा मोननो थाछ। माखासे जारिमिन लिरगिरिफोरा साफा-सानै बर' मानसिफोरनि सोमोनदैल 'गुसुडै लिरलादों। गुबुन हारिनि मानसिफोरनि सोमोनदै जेर बादि गुवारि लिरनाय जादों, बे बादि बर 'फोरनि सोमोनदै लिरनाय जायाखै। बेनिखायनो सम थानाय लोगो लोगो उदांसिनि सोमावसारनायाव बाहागो लानाय बर 'फोरनि बिहोमाफोरखौ लासै लासैनो बावनानै थानो हमजोबबाय।

उदांसिनि सोमाव सारनायाव गुबुन हारिनि राजखान्तिआरि दैदेनगिरिफोरा पुलिसजों खाजानो गिनानै बर' गामिफोरवसो थाखोमा हैदोंमोन। बे बादि थाखोमानाय समाव बिसोरनि जानाय-लौनाय आरो गाननाय-जोमानायफोरखौ बर 'फोरसो होदोंमोन। खना-गफा गामिआव थानाय बर' मानसिफोर नछमोनबला आसामनि कंग्रेस दैदेनगिरिफोरा गामिबो हमजा जोबगौमोन आरो जेलाव सोनानै दोनजागौमोन। बर 'फोरनि मदद नछमोनबला उदांसिनि सोमाव सारनाया आसामाव जाफुनाया गोब्राव जागौमोन।

1857 माइथाइआव जानाय 'सिफाही बिग्रायनाय' खौ जुदि भारतनि गिबि उदांसिनि सोमावसारनाय होननानै लानाय जायो, अब्ला जों नुनो मोनोदि 1882 माइथाइआव सोमदोन कछारीआ-सा-काछार हाजोआव ईराजनि बेरेखायै जुजिदोंमोन आरो 1883 माइथाइआव जुजियै जुजियै जिउ गारदोंमोन। सोमदोन कछारी नांनय बे दावहाखौनो जारिमिनआव बर' आरो ब्रिटिसनि गेजेराव नांजेननाय उदांसिनि सिगां दावहा बुंनय जायो। बिन उनावहाय 1919 माइथाइसिम उदांसिनि सोमावसारनायाव बर 'फोरखौ बाहागो लानाय नुनो थाछ। सोरबाफोर बर 'फोरा बे समाव

बाहागो लादोंमोनबलाबो बिसोरनि मुंखौ जारिमिन बिजाबआव एसेबो मोत्रो थाछ।

उदांसिनि सोमावसारनायाव बाहागो लानाय बर' मानसिफोरनि सोमोनदै 1920 माइथाइनिफ्रायसो एसे एसे मिथिनो मोननाय जादों। बे समनि पुलिस रेकर्डफोरनिफ्राय मोननाय मथेबला 1920-29 माइथाइआव बर' मानसिफोराबो उदांसिनि सोमावसारनायाव बाहागो लादोंमोन। बे समाव कटन कलेज आरो गुबुन गुबुन फरायसालिफोराव फरायनाय गोबां बर' फरायसा गथ 'साफोरा बाहागो लादोंमोन। बे फरायसा गथ 'फोरा गावबा गाव गामिआव थानानै उदांसिनि सोमावसारनायाव दैदेन हैदोंमोन। बे फरायसा गथ 'फोरनि दैदेननायाव गोबां बर' मानसिफोरा उदांसिनि सोमावसारनायाव बाहागो लादोंमोन आरो जेल जानादोंमोन। जाय बर' मानसिफोरा अनजिमा गैयि दुखु सहायनानै जेल जानादोंमोन, बिसोरनि गेजेराव दानि डिब्रुगड जिलानि कुल' सन 'वाल, गम्भिर सन 'वाल, गलाघात जिलानि जनका कछारी, बेदां कछारी, खटिप कछारी, भकेला कछारी, जरहाट जिलानि तिलक सन 'वाल, राम चन्द्र सन 'वाल, कामरुप जिलानि वाखुराम कछारी, लिला कछारी, बरपेटा जिलानि पुर्ण कछारी, आगोना कछारी, मेगां कछारी, आहिना कछारी, डाइना कछारी, बुदलु कछारी, गवालपारा जिलानि गबिन्द चन्द्र पाटगिरि बाइदि बाइदि मोननि मुछ मुंख' जाथाव। उदांसिनि सोमावसारनायाव बिथांमोनहा सान्ध हायि दुखु-दाहा सहाय नादोंमोन।

1930-39 माइथाइआवबो बर 'फोरनि उदांसिनि सोमावसारनायाव बाहागो लानाय नुनो मोनो। बे समाव गोबां बर' मानसिफोराबो इन्डियन नेसेनेल कंग्रेसआव हाब्बायमोन। माखासे सेंग्रा-सिखलाफोराथ 'कमुनिस्ट' सानथौखौ फोथाइनानै थाखो गैयि समाज दानायनि सिमां नुनानै खामानि मावनोबो आगान सुरबायमोन। लेखा-फरा रौनाय बर' सेंग्रा-सिखलाफोरा बिबिदोनो गामिबो

राजखान्तिआरि हाबा फारिआव बाहागो लाबायमोन। बे समाव महात्मा गान्धीआ दुलाराय भारतआवनो सोमावसारनायाव मोन। गान्धीजीनि सोमावसारनायाव बर 'फोराबो बाहागो लादोंमोन। जाय बे सोमावसारनायाव बाहागो लादोंमोन, बिसोरनि गेजेराव गलाघात जिलानि सिखा सन 'वाल, जरहाट जिलानि नमल चन्द्र सन 'वाल, खुलाइ सन 'वाल, खर्गेश्वर सन 'वाल, दरं जिलानि खादराम कछारी, धनीराम कछारी, नाकुवा कछारी, नरेन कछारी, कामरुप जिलानि हेम चन्द्र ब्रह्म, गवालपारा जिलानि मनिशंकर बसुमतारी, गंगाचरन पाटगिरि मोननि मुछ मुंख' जाथाव। उदांसिनि सोमावसारनायाव बाहागो लानायखाय, बिथांमोनहा गोबावनो जेल जानादोंमोन। बिथांमोननि अनगायैबो नाथाय सान्ध बर' मानसिफोरा उदांसिनि सोमावसारनायाव बाहागो लादोंमोन।

1940-47 माइथाइआव गुबुन हारिनि मानसिफोर बादि बर 'फोराबो उदांसिनि सोमावसारनायाव बाहागो लादोंमोन। गुबुन भारतआरि मानसिफोर बादि बिसोरबो हादरनि उदांखौ गोसो-मोदोमै मोननो लुबैदोंमोन। बेनिखायनो उदांसिनि सोमावसारनायाव बर 'फोराबो रासिननिफ्राय रासिनसो बाहागो लादोंमोन। बे समाव पुलिसजों खाजानानै जाय बर 'फोरा बावसिन जेल जानादोंमोन, बिसोरनि गेजेराव दरं जिलानि जान्था कछारी, मिथुराम कछारी, जरहाट जिलानि नमल चन्द्र सन 'वाल, जयराम सन 'वाल, माधिराम कछारी, नलबारी जिलानि कनक चन्द्र ब्रह्म, महेन्द्र बर', माधराम बर', बरपेटा जिलानि नगेन बर', धनकान्त बर', सावथाल बर', रामेश्वर बर', कातिराम कछारी, गवालपारा जिलानि नरपति बसुमतारी, निकुञ्ज बिहारी बसुमतारी, लाफाराम कछारी, जगेन्द्र कुमार बसुमतारी बिथांमोननि मुछ मुंख' जाथाव।

उदांसिनि सोमावसारनायाव गुबुन हारिनि मानसिफोर बादि बर 'फोराबो पुलिसनि गुलिआव जिउ गारनादोंमोन। नाथाय गोबां बर' मानसि थैदोंबलाबो बेफोरनि रेकर्डखौ दा मोननो थाछ। मानोना गावधार जानाय गोबां मानसिफोरखौ पुलिसआ फबनानै दोनदोंमोन एबा दैआव फोजाव हरदोंमोन। बेनिखायनो साफा-सानै बर' मानसिफोरनि रेकर्डखौल' मोननो थानाय जायो। जाय बर' मानसिफोरनि रेकर्डफोरखौ मोननो थाछो बिसोरनि

गेजेराव रतन कछारी आरो रावथा बर 'नि मुछनो सिगां फैयो। 1942 माइथाइनि 20 सेप्टेम्बर सानखालि रतन कछारीआ कंग्रेसनि मावफुडरि सोद्रोमा जानानै टैकियाजुलि पुलिस थानाय फरिफिला बिरहोनो थादोंमोन। फरिफिला बिरहोनो थानाय समाव रैखा हानजाखौ (Protection Force) बिथाड दैदेनदोंमोन। बे बादि फरिफिला बिरहोनो थानाय समावनो रतन कछारीआ पुलिसनि गुलिआव जिउ गारनादोंमोन। 1942 माइथाइनि 25 सेप्टेम्बर सानखालि रावथा बर 'आ पाटाचारकुसिआव ब्रिटिचनि हेंथायै सोमावसारनायाव बाहागो लादोंमोन। बे बादि बाहागो लानाय समावनो बिथाड पुलिसनि गुलिआव जिउ गारनादोंमोन। केहेरुखन्दा गामिनि लेरेला बर 'आबो 1942 माइथाइनि 20 सेप्टेम्बर सानखालि टैकियाजुलि पुलिस थानाय फरिफिला बिरहोनो थानाय समाव पुलिसनि गुलि नांनानै गोब्राव जखम जादोंमोन आरो उनावहाय जेलाव जिउ गारदोंमोन। तेजपुर खाथिनि बरपुखुरि गामिनि मनिराम कछारीआबो 1942 माइथाइनि सोमावसारनायाव टैकियाजुलि पुलिस थानाय फरिफिला बिरहोनो थानाय समाव मृत्यु बाहिनीनि (Death Squad) सोद्रोमामोन। बेवहायनो मृत्यु बाहिनीनि हान्जाखौ दैदेननाय सामाव बिथांहा पुलिसजों गावजादोंमोन। सानथाम-सानब्रैनि उनावहायसो बिथांनि गोथै शह 'खौ माइ थिलिनिफ्राय मोननाय जादोंमोन।

उदांसिनि सोमावसारनायाव बाहागो लानायखाय ब्रिटिस सरखारा माखासे मानसिफोरखौ बिग्रायारि महर होननानै आन्दामान निक 'बरनि सेलुलार जेइलआव दोनहरनानै साजा होदोंमोन। आन्दामान निक 'बर दिपखौ बे समाव "कालापानी" होननानै बुंनय जायोमोन। गुबुन हारिनि हांजार-बिजार मानसिफोरजों लोगोसे माखासे बर 'फोरखौबो बे जेइलआव दोनहरनाय जादोंमोन। दासिमबो मिथिनो मोननाय मथेबला बरपेटा जिल्लानि हारां पारा साख 'गुरि गामिनि गंगार बर 'आबो 1933 माइथाइआव पुलिसजों खाजानानै कालापानीआव दोनहर जादोंमोन। 14 बोसोर जेइल जानायनि उनावहाय 1947 माइथाइनि 15 आगष्ट सानखालिसो भारतआ उदां जानाय समाव बिथांखौ सेलुलार जेइलनिफ्राय हंगारनाय जादोंमोन।

★ ★ ★

गियान गोसार होनाय

गुबै — जन फुवार्ट ब्लेकि
रा: सो: — हरिनारायण खाख्तारी

आथिखाल मुगायाव गुबैयै बिजाबनि हेफाजाबै सोल्लोथाइ होनाय जायो। गियान फेहेरनायनि थाखाय आरो माखासे जोबोर गोनां बाहायथि बिद्या आरो बेफोरखी बाहायनायाव आखा-फाखा जानो थाखाय बिजाबआ जोबोर गोनांथार आइदा। नाथाय सोलो-गियान जौगासार होनायनि थाखाय बिजाबआ माब्लाबो गुदि आरो गुबै फुंखा जानो हाया। आनि साननायाव बिजाबनि गोनांथिखी गोबां समावनो बांद्रायै बुंनाय जायो। बेनि अनगायैबो, बिद्या आर्जिनो थाखाय बिजाब गांसे नडाब्लानो जाथरा होनानै साननानै लानायाबो बांद्रायनाय राव होनानै बुंजायो। बिजाबनि गोनांथिखी गनायसे आवबो बिजाबआ सोरजिसुला गोहोनि नडा। गांसे बिजाबआ हेफाजाब होग्रासो, हाबा मावफुनायनि दिग दिन्थिग्रासो, हाथियारसो। नाथाय हाथियार महरैबो बेयो नंगुबै नडा; मिथिगाया जौनो होनाय थार (गाहाम) आरो गुबै हाथियारफोरनि दाजाब लोगो हाथियारसो। हमनानै ला, टेलिस्कूप एबा माइक्रस्कूप जन्त्रफोर बादि। बेफोर जन्त्रफोरा गोबां आनजाद नाइबिजिरनाय आरो दिहुननायफोराव सोमो नांथाव आरो सानफेरथावयि हेफाजाब होदो। जायखी जौं सानस 'नोनो' सोनारनानै जौं जौनि मेगन थाइनैखी गारनो हाया। गावहा मेगन थाइनै गैखायाब्ला सासे मानसिा बे जन्त्रखी बाहायनो हाया। बे गनै जन्त्रआ मेगन नोजोरखी हेफाजाब एबा मदद खालामग्रासो, बांहोग्रासो नाथाय मेगननि बदलै मावग्रा नडा। बिजाबआ गियाननि गुदि एबा थार नंगुबै फुंखा नडा। थार फुंखाया जादों—जिउ, मावमोनदांथि, गावनि साननाय मोनदांनय आरो मावनायावसो। बेफोर गियान आदबजौं जागायोब्ला बिजाबनि हेफाजाबै गोबां थालांनय गोरोन्थिफोरखी फोसाबनो हायो, मिथिस 'यि' एबा गुसेब गियाननि रुंगुखी फुवारनो हायो। नाथाय मेगनजौं नुनो

मोननाय माव मोनदांथि गैयाब्ला बिजाब गांसेआ गोरान एबा गोर हायाव गोर्लैनाय अखा आरो सानदुं बादि जेबो हाबायाव नाडा।
गांसे बिजाबखी मोनसे गोथार बोहैथि दैमानि दै होननानै साननानै आरो बेनि थरथिसेआनो गियाननि गांनयखी अराय समनि थाखाय होखारगोन होननानै सानोब्ला गोरोन्थि खालामनाय जागोन। सांसे मानसिनि गावनि थुलुंगाया गावनि गोसो गोरबोनिफ्राय गाव हारसिडे सोमजिखाडेब्लासो बिगियाननि हाबा मावनो हाहोग्रा थुलुंगाखी मोनदांनो हायो। (धामहिनबा बिजाबनिफ्राय मोननाय गियानआ सोलोआरि जौगासारनायनि गुदि नडा, बेनि गुदिआ जादों गोथी मावमोनदांनयजौसो। बाध्राखी बिजाबनिफ्राय मोननाय बादि खोनायो, नाथाय बेवहाय गेदेरथार संधो बाध्राया हाबनानै दं। मणिक एबा हा सिंनि बिद्यानि बागै लिरनाय गांसे बिजाबआ खनि एबा हा सिंनि बेसाद नुफेरि मानसिनो गियान होनो हाया, थिग बिब्दिनो जिउनि बागै गोथीयै साननो-हनो रोडि खैफोद-आफोद आरो जेनाजौं मोगा-मोगि जाफेरि पण्डित मानसिखी थुनलाइ आरो सल 'न्थाइमा बिजाबफोरा बैफोरनि (जिउनि) बागै नंगुबै गियान होनो हाया। गोदै-रैसुमै देंखोनि मोनदांथि गैयि सासे मानसिनो मेथाइनि बागै सावराइनाय आरो लिरनाय बिजाबआ मेथाइनि बागै थार गियान होनो हाया। थिग बिब्दिनो गोसो गोरबोआव गोथारथि गैयाब्ला आरो सिबिनाय गोसो गैयाब्ला बाइबेलनि ब्रोसोनफोराबो सासे मानसिनो दोहोरोमनि मोनदांथिखी होनो हाया। बिजाबनिफ्राय मोननाय मोनफ्रोमबो गियानआनो खेंसालियै फैनाय, गुबुननि साननाय-हनया आरो सोल्लोनायनिफ्राय मोननाय। नंगुबै थार गियानआ सोमजिखाडे सानसुमै गोसोनि गोथां-गुदिनिफ्राय (Living roots). बाइहेरानिफ्राय मोननाय, मोगा-मोगि जानानै मोननाय मोनफ्रोमबो आइदाखीनो बियो गावनि

गोथां जिउआव बोजबनानै लायो, बाइहेरानि गियानखी बियो बाइहेरायाव थानो होआ।

बेनिखाइनो आं लाइमोन सोल्लोसाफोरखी बे बोसोनखी होनो सानो: बिजाबआव थानाय बाध्राखील' गिदि-गिदा आवराइनानै गावसोरनि फरायनाय एबा सोल्लोनायखी जागायालासेनो जेसे हायो एसे गावनि सोरगिदि मुलुगाव थानाय मुवा-बेसादफोरखी गोथीयै मोगा-मोगि नाइबिजिरनो आरो हमदांनो नाजा नांगी। सोरगिदि मुलुगजौं सिनाइथि जानानै बेफोरनि बागै थौंजोडे रोंमोनदांथिखी बुधुमना लानांगी। धामहिनबा गुबुननि मेगनजौं नाइनानै एबा गुबुननिफ्राय खोनानानै गियान बुधुमा लासेनो गावनो नाइनानै-दानानै बेनि बागै मिथिनो रोंनो नाजा नांगी। गियान जौगाखां होनायनि थाखाय बेनो जादों गुदि आरो गिबि हाबा। 'माबोरैहाय नाइबिजिर नांगी' बे मुनि सासे मानसिआ गांसे जोबोर गोनां बिजाब लिरदोंमोन। सोल्लोथाइ लानायनि गिबि थाखोआव बिजाबनि बे मुंआ मावदिन्थि महरै जौनि हाबायाव नांगी जायो। नाथाय दुखुनि बाध्रादि सोल्लोथाइनि बे थाखोखी बांसिनैनो नारश्रोदनानै दोननाय जादों। मिथिगायारी बिगियाननि गांसिबो आइदायानो जोबोर बेसेन गोनां, मानोना, बेफोरो मानसिनि गोसोखी बाइदि रोखोमनि हासार बहा खालामो आरो बाइदि बाइदि गुनजौं आबुं खालामो। बेल' नडा बेफोरो जौनि मेगन नोजोरखी थार ओंथिजौं बाहायनो सोल्लोनायानो जादों बयनिखुइबो हाबायाव नांसिननाय बिद्या। मोनसे बाध्राखी साननानै नाइयोब्ला जौं जोबोरैनो सोमो नांनो गोनां जायो। बेनो जादों, जौं बयबो मेगन थाइनैखी बेखेवनानै सोरगिदि जेखीबो नाइलाबायो, अदेबानि जौं जेबोखीनो नुनो मोना एबा नुब्लाबो नुयि बादि। बेनि जाहोनानो जादों, जौनि देहानि गुबुन बाहागोफोर (इन्द्रियफोर) बादिनो जौनि नुग्रा एबा नाइग्रा बाहागोआबो (दर्शन इन्द्रियआरि) हुदा आरो सर' खालामनानै लानायनि गोनांथि दं। बे बादि हुदा एबा सर' गैथिनि थाखायनो बिजाबनि सायावल' सोनारनायनि जाउनआव जौनि नाइनो रोंनाय (नोजोर) गोहोआ बुधुवा आरो मोलेले जानाडे आरो मोनसे समाव बेयो हाबा

मावफुनो हायि जायो। बेखायनो स्कुल कलेजआव लाइमोन हानजाखी बेफोर बाइदि आइदानि सायाव सोल्लोथाइ होनांगी, जायनि हेफाजाबै बिसोर जाहाथे नुनाइखी मोनथिनो, हमदांनो हायो आरो गोसो साज्राडै नाइआ लासिनो थालांनयफोरखी नाइनो मोजाडै सोलोडे। बेफोर आइदाखी गुदि एबा गिबि आइदा होननानै साननांगी। बेफोरनि मादाव जोबोर गोनांथार आइदाया जादों—बिफां-लाइफांनि बिद्या, बुहुम बिद्या, रसायन, दानाय-लुनाय, महर सावगारि आरो आरिमुफोर। जौनि स्कुलनि फरायसा-फरायसुलिफोरा सोल्लोथाइआरि दावबायनायनि थाखाय गुबुन गुबुन हादर आरो हाजो-लैथोफोराव थाडे, नाथाय बेफोरनि बागै बिजाबनिफ्राय सोल्लोनाइ बाध्राफोरखी मोकथाडव नुनाइजौं गोरोब होनानै नाइनो रोड, जायनि थाखाय बिसोरनि दावबायनाय आरो नाइनाया हाबायाव नाडि जायो।

गोथीयै नाइबिजिरनो हानाया धामहिनबा मोजाडै बोफ्ले-बोफ्ला बिजिरनानै नाइनो रोंनाया बाखोनायथाव बाध्रा, नाथाय थार ओंथिआव नाइबिजिरनो हानाया बेनिखुइबो बांसिन बाखोनाय जाध्राव। बबेखानि मुलुगआव नाइबिजिरनो गोनां आइदाफोरा सान्थ हायि दं। बेनि थाखायनो मोनसे थि आदब-खान्थिनि गोनांथि जायो, बे बादि नडाब्ला नाइबिजिरनाय गोहोआ अलखदआव गोर्लैनाडे। माबोरैहाय सिगालांनंगी बेखी आन्दायो। मोनसे थिरांथा आदबआनो जादों—थाखो राननाय। बेयो मोनसे आबुथिखी सामलाइग्रा खान्थि। बेनि हेफाजाबै गुबुन गुबुन आइदाफोरखी मोनसे थि आदब खान्थिजौं फारिआव लाबोनानै, गोरोबनाय आइदाफोरखी सरजाबनानै, बिसोरनि नाइबिजिरनायखी गोरलै खालामनानै होयो। थाखो राननाय आदबखी जौनि बिजिरग्रा गोहोआ थि खालामो। जौनि मेगनजौं नुनाय बे मुलुगनि बाइदिसिना सोरजनि गेजेराव मोनफा गुदि गोरोबथाइ थायो। गोथीयै नाइबिजिरनायनि हेफाजाबै बे गोरोबथाइखी हमदांस 'नानै' थाखो राननाय जायो। साज्रां-सा नाइनायाव जुदा बाइदि नुनाय मोननै एबा बेनि बांसिन मुवानि गेजेराव थाखोमानानै थानाय सरासनग्रा गुन एबा आखुथाइफोरा मोनसेआनो, धामहिनबा गोरोबथाइ गैयि बादि नुनाय गोबां बेसादिनि गेजेराव गोरोबनायखी गोफाद


रैरोथोन-4

रैरोथोन-3

नोजोरजोंसो हमदांस 'नो हाबो। बिजाबनि बाध्नाखौ आवरायनाई बेखौ हमदांस 'नो हाया। बेनिखायनो गियान-सोलो जोगासारनायनि साध 'नायाव गोथौ नाइबिजिरनायखौ गोनांथि होनाय जादों। गोरोब हांनायफोरखौ बिथा खालामनानै नो जिब मुलुग आरो लाइफां मुलुगनि बाइदि सोरजिथाइफोरखौ मोनफा मोनफा फोलेर आरो जोलैआव राननाय जादों। बेनिखायनो सासे सोलौंसानि गिबि हाबाया जानांगोन गावसेर नुनाय मुवा एबा जिबखौ नाइबिजिरनाई गावसोरनि मेगनाव गोगलैनाय गोरोबनाय आरो गोरोबिखौ रुजुनानै मिथिनानै लानाय। गुबुन गुबुन मुवा आरो जिबनि गेजेराव थानाय गोरोबनाय एबा गोरोबिखौ गोथी नोजोरजोंसो हमनो हागोन। मोदोमजों (देहाजों) साया सोरांजों खोमसि थानाय बादिनो, गोरोबनायजों गोरोबिआबो जेब्लाबो थायो। बे गोरोबनाय गोरोबिआ गुबुन माबा मोनसे सोरजियाब्लाबो बेफोरो मोनसे थाखोखौ गुबुन मोनसे थाखोनिफ्राय आरो मोनसेखौ गुबुन मोनसे जोलैनिफ्राय आलादायै दिन्थियो। मोनसे जिब एबां बेसादनिफ्राय गुबुन थाखोनि फरागथि साइख 'नायनि बिथाया थार नंगुबै जानांगौ, फरायनो एबा नाइबिजिरनो गाहाम जानायनि थाखाय गोसोजों बानायनानै (हमनानै) लानाय जानो नाड। बेनि बिथाया नंगुबै जानांगोन सोदोब बिहुं गांसेआव थानाय सोदोबफोरखौ फारि राननाय बादि एबा लेनेयेन खान्थिजों लाइफां बिद्यायाव बिबाराखौ थाखौ बोखावनाय बादि। बे बादि थाखो बोखावनाया गिबि बैसोआव गोदान सोलौंसाफोरखौ मदद होनो हांगौ, नाथाय बेखौनो मोनसेल'

नंगुबै राहा होननानै सानना लाबाय थायोब्ला थार गियान मोननायाव बेयो हेंथा होगोन। बाइदि रोखोम मुवा एबा जिबफोरनि गेजेराव थानाय गोरोबथिफोरखौ मोजाडै नोजोर होनानै गुबुन गुबुन बाहागोयाव बोखावनायनि हुदाखौ फरायसाफोरा उन्दै बैसोनिफ्रायनो सर' खालाम नांगौ। बे बादि खालामनो थानायाव नाइबिजिरनो लानाय मुवा बेसादफोरनि दोहोरोमआ मा, आरो बिसोरनि गेजेराव थानाय आखुथाइफोरखौ नोजोर होनांगौ। सरासनना मानसिफोरा बिबारनि मुंफोरखौ सा-साजां गोरोबनायखौ नाइनानै दोनो। बारसे बिबारा गुबुन बारसेजों मा बादिआव गोरोबदों-गोराबाखे बेखौ नाइनानै दोननाय नड। जैरे 'वाटार लिलि' होननानै वुडोब्ला 'लिलि' बिसोरनिनो जोलैसेनि होननानै सानजायो, नाथाय मोननैनि गेजेराव जेबो सोमोन्दो गैया। लाइफां बिद्या गोरों सासे मानसिआ बिफां-लाइफांनि आखुथाइ गुन आरो दालाइ-बिलाइफोरखौ गोथौयै नोजोर होगोन आरो बेयो 'वाटार लिलि'खौ पेपाभेर' एबा पपी जाथोनि थाखोआवसो दोनगोन। बे बादि खालामनायाव जाथावना आरो जुक्तिबो थागोन। आथिखालाव बे जुन्थिआरि मुगायाव गोथौयै नाइबिजिरनायनि हुदाखौ बांहोनो थाखाय लाइमोन सेंग्राफोरा खाबो मोनब्लानो जायखि जाया जिलाफ्राव थानाय दोनथुमसालिफोरखौ नाइननाया गाहाम। बेवहाय बिसोर बे जायगानि बयनिखुइबो गोनां मुवाफोरखौ सिं-सा मोजाडै नोजोर होनांगौ। गासिबो मुवाफोरखौ खुनसेयैनो नाइजिद लाडोब्ला गोसोआव जेबो थाया।

(उननि बिसानआव.....)



पस्ट मडार्ननि फ्लट संदाननानै: सलनि सायांव फनैसो

६३ राखाव बसुमतारी।

बिमुंखौ खोनाब्ला एसे गोनो-गोथो जागोनखौ नुहुरखायो। बिजाबनि मुं बेयो। लिरगिरिआ मुघि सुनिल फुकन बसुमतारी। बिजाबखौ समाइनयै सेब बुखांदों। बेसेना थामजि रां। सेथि सेबखानायनि माइथाइ-2003। गासै बिलाइआ 66 आरो गासै सल 'दड' दों जिथामल'। आनलाकि नाम्बार। गांनै खन्थाइ बिजाब आरो सावराइनय थुनलाइ सोरजिनो मोजां मोनग्रा सुनिल फुकनखौ रावबो मिथिथि गैला जानांगौ। सावरायनाय आरो बिजिरनाय थुनलाइआव आखाइ गोनां बियो। आथिखाल खन्थाइखौ बारनानै उन-गोदान एबा गदाय-गोदान बिदै थिसनग्रा बर 'फोरनि गेजेराव सुनिल फुकनआबो सासे बुंनगोन। बेवहायल' थाबथानानै थायालासै बियो सुंद' सल 'आवबो आखाइ होदों। होदोंथाइ होदों गोमोथाव रोखोमनि होदों। गोमोथाव मोन्दांथि जोंनो होफैदों। जायखो सानफेराखै बेखौ साननो फोरोंदों, सानहोदों। सरा-सनग्रायै फरायनाय सल 'फोरजों रुजुनानै नाइयोब्ला फुरायै जुदाथिआ गावनो गाव गुरब्ला नुजागोन। सल' खिन्थानाय एबा बुंनय आदबआ माब्लाबानो सोलाय जैनबाय। आनि नोजोराव बेनि आखु, आदब (style), बिथा (plot), आखु एरखानाय (depiction of characterstics) आरो सानबोलावरिफोरा सरजाबनानै मोकथाडव नुजानाय, सानफ्रोमबो जानाय जाथोयफोरजोंनो थारनो लोबबा गोनां। बेफोरनि राफोद मोन्दांथिखौ — 'मायां पास आरो मोसा गुफुर' मुंनि सल 'आव रोखायै मोन्दांनो हायो। मायां पास आरो मोसा गुफुर बे सल 'आव गावनि सोरजिनानो गावनि, समाज, सुबुनि खहा खालामो बेयो रोखा। सोरजिनानै आवसारियै हगारोब्ला (गोदै सोरजिआवबो) बेयो खैफोदनि गिरिबो जागोन। जायनि थाखाय मायां पास अजाया मोसा गुफुर (अजानिनो फिसाब्ला) खौ

जोबथारनायाव सिथारनोबो हायाखिसै। मानोना गावनो बेजोंनो आस्ति-बिस्ति हासुग्रा आथोनआव हमजादोंमोन। डाक्टरजों नाइजानो गोनां जादोंमोन। बे समावनो मोसा गुफुरआ गोबांखोनो अरथारो, खुनि खालामो आरो गुबुन सुबुडबो मोसा गुफुर सानजानानै जिउ होनांदोंमोन। नाथाय बिफाया बिखौ फिन मानसिआव सोलायफिनाखिसै, सोलायनो गिबाय। मानोना गोबां मायां पास अजाफ्रा मोसा गुफुरजों अरथार जादोंमोन। बेनिनो फिथाइआ थाइनयसै गिरलु होनाय। नंगी सल 'आ Symbolic; आथिखाल समाजनि मोखाडव हमजानाय थार जाथाइनि मोनसे बिन्दोआनो। बिब्दिनो बुहुमनि हाग्रामा, पस्ट मडार्ननि फ्लट सं दाननानै; नेरसोन; सेल्फ स्टाइल; मोनथाइ; बिमाइसो जायो; बैसागु; साइख; बुहुथ; अन्नप्रासन (ऑंखाम दौजेननाय?); अमाबैसा आरो रामु आरो सामु सल 'फोराव गोदान गोदान मोन्दांथि नुनो मोनो। फोरमाइनय आदबआ रादाबआरि दोहोरोमनि। बुहुथ सुंद' सल 'नि plot आ मन 'रन्जन लाहारीनि 'गावदां' सल 'नि बाइदिआनो। खालि फोरमाइनय आदबआ जुदा जादों। आइदाया नाथाय थगाइनो लामा गैया।

'अन्नप्रासन' सुंद' सल 'आव गुबुन हरिमुआ माब्रै मोनसे हारिआव ग्रेब हाबफैदों बेनि थिफाइ सननाया खेंसालिआयै गोसारदों। मालाइनि मुं दोननाय, लानो लुबैनाय आखुआ जौनिल' नड, बयनिआवबो दड'। लेखा गोरों बर 'फोरनिआ दुगा सिनबाव। गावनि मुंखौ गाबजिब्ला (बर' मुडै?) गन्थं बुगा बुगा मोननाया दोनखोमाथि सैथो थार। बर' साखि आवलानि हिनजावखौलाय मा सोमजानो! बिसोरना गावनि फिसाफोरनि मुंखौ आथिखाल गेदेमा सुबुं, जैरे— जर्ज बुश, साददाम, लाडेन बाइदि मुं दोननानै जोनोम सान फालिनानै 'रेड रिबन' आरो अमा बिबु, बिखा-खर',

बेव, समफल' बाइदिजों गव' हाबनाने लाडेननि 50 आरो बुशनि 50 बाइदि नानायासो लिरगिरिफोरनि नोजोराव Postmodern elements आ हमजादों। गावनिखौ बावगाव जौबनाने मालाइनिखौनो गोदै-मिलौदोलायनाय आखुआ बर'निआ देरसिन जागोन!! गौतम ब्रह्म आरो निला ब्रह्मनि फिसाज्जानि जोनोम सानआनो बेनि फोरमान। आयेनआव' सोलाय' लांबाय बे बादि जौ लौनायनि खान्थिआ। रोदा सुबाय। मोजांबो मोनबाय। नंगौ बर'फ्रा माब्लाबानो हारिनि आसार-खान्थिनि बेसेबा गोजान आवगाय लांबाय। हारिनि Tradition, customary loads आ दिने बर'नि सिथलायाव समाइलिआ। गासिबो गोदानथि हांखुर जालांबाय।

अमाबैसा सुंद' सल'आबो दोंसे मुजिथाव सल'। हांगार नाजरी आरो बिजि हाथासीनि राइजो जानायनि असे सावगावनिखौ नुनो मोननाय जायो। बेवहायबो गोदान रोखोमै जाथाइफोरखौ गाव गाहोनो नाजानाया रोखायै नडाब्लाबो खेंसालिआयै फुधिसारदों। बेरखांदों। गोदान समाज, हारसिनि समाज (?) बे मोन्दाथिआ आथिखाल नोगोर मोखाडारि जालांनाय बर'फोरनि जिउ खुंनायाव नुजानाया थारैनो बान गोनां। नंगौ। सल'आ रां-खान्थिआरि नोजोरनि। Element आल' नाथाय सल'मानि। थैवब्लाबो बेयो मोनसे सुंद' सल'।

'रामु आरो सामु'नि आखुआ दिने जौनि समाजआव गोदानै रोदा सुनो खाबु मोन्दों। रामुआ मानसि आरो सामुआ मोखा। रामु आरो सामुनि उल्थां-फाल्थां जिउ खुंनायनि

गोहोमआ मोकथाडवोनो दिने असे महर मोनदों। मोननायाबो जाहोन थागोन। सल'आ फिसा, नाथाय 'प्राइमेटाइजेसन' आरो 'ग्लबेलाइजेसन' बाथाया साननाने नाइनो गोनां जेंना नुजायोब्लासो सुस्रानायनि लामा फैयो। सायानि मोनदांथिआसो साननो गोनां आइदा। मोखाया हाग्रानि जुनार। नंगौ। नाथाय बेयो मानसि समाजआव थानाने जुथेयै खेला दिन्थिनाने जिउ खांनो हादों। गुबुन फारसंथि सायानि अनजालुआ मानसि जानानेबो मानसि समाजआव थानो हायाखै हाग्रायाव ओंखाम जानांदों। बेयो दुखु नांथावसिन बाथा। मोखायाबो माब्लाबा मोखाजों थानो हाया—मानसिआबो मानसिजों एखनब्लन थानो हाया—आथिखाल समाजनि गोदान मोनदांथि। नंगौ गोदान मुगाणि जिउ खुंनाया जोबोद गुदु जाबाय, थानाने थानायनि लामाफ्राबो गोरलै नलिया। जोबोद गोब्राब। बे 'Art of Living'आ दिने गोदान मुगाखौ बारनाने गोजाम मुगाथि आगान सुरलांदों! Postmodern एबा गदाय-गोदानथि। जेराव आइन-बाइन, नेम-खान्थिनि गोनांथि जाया। मिथिगाया जैरे उदां—मानसिआबो थानो लुबैयो!

सुनिल फुकन बसुमतारीनि थुनलाइआरि आनजादआ बर' थुनलाइनि मोनसे गोदान बिथि संनायाव, लाबोनायाव फेलें गैथि देरहासारनाय लाबोथों। गोथौ आरो गुवार बिथिजों हाबसोनाने बे सल'नि गोदानथिखौ संनो हाथों। गोदान गोदान बिदै लौनो सोलौथों। थुनलाइआरि मुलुगआव गावखौ सासे गोदान नोजोरै सावराइ होनो सोलौ होनायानो बे सल'नि गुबै थांखिरखा। ★★



दावबायनाय मजाया आलादा। चेन्नयनि बाचफ्रा गिदिर गिदिर गोलाव। उननि दरजाजों गाखोनाने आगोलनि दरजाजों ओंखार नंगौ। गावबां गाव खुसेरा फैसा लाखनाने उन्नि दरजा खाथिआव जबाय थानाय कन्दाक्टरनो भाराखौ होलांनाने गावबा गाव जिराइ हैनांगौ। अदेबानि सिदआ थोयाब्ला गसंनानेबो थानांगौ। कन्दाक्टरआ जौनि बादि गेजेर-गेजेर हाबखावनाने फैसा बिया। गाखोग्राफ्रानो गावबा गावसो होलां नंगौ। मादि आबुथि गोनां बिसोर। जौनिब्ला गरसेबो मोनगारनायसो नडा, बाराब्ला नडासे? सेन्नायनि सिडाव नाइथाव जायगाफ्रा जादों— इन्द-स्केनिक स्टाइलजों लुनाय माद्राज हाइकर्ट बिल्दि, दानि हाउस अफ एसेम्ब्लि बिल्दिआ गोदोनि ब्रिटिसफोर लुलांनय। सेन्ट मेरिस चार्स, मेरिना बिस, लैथो जिनि बालाबारि मारु बेवहाइ सानफ्रोमबो मेला जायो। बाइदि बाइदि गेलेग्रा मुवाफोरजों लोगोसे फिसा-फिसा नखरनि आइजें मोनो। एवफ्राम-सावफ्राम मेथाइ, लैथोनि नाफ्रा आंखौ जा आंखौ जा होन्नाने नेबाय थायो। बेसेबा गोजू-गोजी मोसी फाजि सिखांनाय लैथोनि दैनि झाव-झाव सोदोबक्रा रैसुमे देखो सिखारनाने गोरबो सिडाव थाखोमानाने थानाय खन्थाइगिरि आखुखौ फोजानो नागिरो। बेसेदि हाइनारि बेफोर नुथाइफ्रा दान्दिसेनि थाखाय जेन'बा सोगोनि गोजोन थिलिफ्रावसो दंफैयो बादि मोनलायलाडो। बेनिफ्राय फैदो, मेरिना बिसनि खाथिथारावनो सिथाबनाने थानाय फिस एखुरियामआव। लैथोनि बाइदि बाइदि नाजों बुनाय बे दिन्थिसालिआ लैथो सिनि फिसा-फिसा ना-रोखोमनि जिउफोरजों बुनाय। मा मा मुवाफोरदि थायो लैथो सिडाव। बरनाइनो रावनि आंखाल। सानट्रम केद्राडाइल बासिलिखा, गान्धी मन्दपम, राजाजि मेम'रियेल, कामराज मेम'रियेल, आन्ना मेम'रियेल, सिलिद्रेन पार्कनि मैदेर आरो बाइदि रोखोमनि फिसा गिदिर दाउ दाउसिनफोरनि बेयो नुथाइजों गथ'साफोरनि आवुं गेलेथिलि। गोसो बाइदि रंजा गेलेनो हायो वियाव। हैया-मैसा, हाजो बाखोनाने बारजोमग्रा बाइदि बाइदि। बेनिनो दियार पार्कआव बाइदि रोखोमनि मैफोर नुनो मोनो। गिदिरनि गिदिर उन्दैनि उन्दै बेसे रोखोमनिदि मै दं बेयाव। खाइसे खाइसेना गं गोलाव आरो खाइसेनिआ खान्द' गंनि। बेनि साखाथिआवनो दं, स्नेक पार्क। बियावलाइ जिबैनि बागान। उन्दै-उन्दै खान्द-खान्दानिफ्राइ लानाने गोलाव

गोलाव आरो गिदिर गिदिर मानसि मन'नो हानायसेबां जखनिबो गिदिर जिबो दं बेवहाय। मा मा गावनि दं, नुब्लासो बुजिनो हागोन नोंसोरबो। चेन्नयनि खाथि खालायावनो आरोबाव दंबावयो, —जोबोद रंजाथाव जायगा, नोंसोर बादि गथ' गथ'नि थाखाय, बेनो जादों फ्रक'डाइल बैंक। बेवहाइ गोबां जाथोनि गोलेरफोरनि थुदुर थावनि। थिखिट दान्नाने नाइनांगौ। लाख-लाख गोलेर दं बेव। सरासनसायै जों गोलेरखौ जोबोद गिथ्थाव दैनि जिब होन्नाने मोनथिगो नडासे? नाथाय गासिबो गोलेरफ्रानोदि बेदर खांखुवा बे नडा, बिसोरनि मोनसे जाथोया मैगं-फिथाइ-सामथाइ जानानेसो थानाने थायो। बिसोर जोबोद भद्र' आखुनि। बिनि साखाथिआवनो दं 'डलफिन सिटि' होन्नय जायगा। भारत हादोरआवनो बे मोनसेल' सिल नानि खेला दिन्थिग्रा थावनि। डलफिन नानि सोमोन्दै नोंसोर सल' एबा थार जाथायनि बाथा खोनाबाय जानांगौ। डलफिन नाफ्रा लैथोआव गव'नाय मानसिफोरखौ रैखा खालामोनों। जाहाजफोरनोबो लामा दिन्थिनाय खामानि मावयो। सिल नायाबो नाफोरनि मादाव सैथान आरो मेलेम गोनांथार ना। नोंसोर फोथाइनो गोब्राव मोनगोन, सिल नाया गमामा मलि बल गेलेंनो रोडो। बिगुमानि मात लाग्रा सिल नाया गावनि गुनधुथिजों जोबोद मोजां मोजे गेलेयो। माइख'फनाव गावसिनि रावजों राइजलायो। दैआव बिसोर रिनि खेला गेलेनो खुब मोजां मोनो। रि'मास्टरनि खिन्थानाय बादिब्ला बिसोर ना जायो नाथाय मोनसे रोखोमनि लैथोनि नाखौल' बिसोर जायोनों। सानफायाव बिसोरनो माफायाव नैजिबा केजि ना जानो होनांगौ। सेन्नायनि मिउजियामआबो जोबोद नाइनो गोनां थावनि। गोदोनि गोजाम मुवाफोरनि बुधुमनाय बे न'आव जमा जानाने दं 'बिसोरनि मादाव नोंसोर गोमोनो गोनां मुवायानो जादों— ना थिमिनि हाथाइ। बेसेबा गोजू बेसेबा गिदिर बे हाथाइखौ गोबां.बोसोर आवगाइ लैथोनि मारुआव मोनदोंमोन होन्नाने लिरनाय दं। नैजिनिफ्राय नैजिबा फुटसो गोलाव बेसेबा गिदिर बे हाथाइखौ नुब्ला सात्रो गोनां जायो, हाथायानो बेसे गिदिरब्ला बिनि मोदोमा बेसे गिदिर जाबावगोन लाइदा। आरोथ' दंबावयो, उन्दै उन्दैफोरनि थाखाय रंजाथाव जायगा गल्देन बिस। लैथोनि जिडाव बेसेबा गुवार जायगा आवग्रिनाने थानाय फैलाव गेलेग्रा थावनि। हैया-मैसां, खेंखा-खेंखि खास्रा ट्रेन, सारिखि खेला, मा मा।

दानिया फैदिनि 'इन्दियान सुइजारलेन्द' होत्रानै गाबफ्रि जाग्रा नोगोर, बांगाल रआव। रेल एबा उरांआव गाखोनानै थानो हायो। आं थादोमोन चेन्नयनिक्राय बाचजो। बिबारनि बारिजो साजाइफबेनाय बे नोगोरनि बाधोखी बुंजोबनो सानसे थोलोब्लाबो समासो जेन्नांगोन। बेनिखायनो आं नौसोरनो माखासेल' जायगा आरो नाइथाव थावनिनि सोमोन्दै बुंदिनि। बाचनिक्राय ओंखारनानै आं हथेल पुरनिमायाव जायगा लादो। फिसा नाथाय साखोन-सिखोन हथेल।

बिसोरनि नोगोरआव जानला-मानला गारि, मटर साइकेल एबा साइकेलफोरखी दोनलाबायनो मोना। मटरनि थाखाय मटर पारकि, साइकेल मटरनि थाखाय आलादा पारकि दंखाजोबो।

लामाफ्रा मिन-मिन बिलाइ गांसेबो गोलेसोनानै थानाय नुवा जोबोदं साखोन-सिखोन बेनि मेइन र'डफ्रा। बेनिफ्रायनो माइशुरखीबो गिदिनो खाबु दं। माइशुर नोगोरखी चन्दन नोगोर होत्रानै बुंसोलायो। आं सौहैदोमोन दसेरा फुजानि लाहार-

फाहार खालामनायनि समाव। गासोबो लामा गुबेखीनो बिसोरो बाल्वजो खोबजोबथारदो। मोनायाव बेफोर बाल्वफ्रा गासिबो अर जौब्ला जेन' हाथरिखनि राइजोयावसो बेराइदो बादि मोनो। फुजायाव बिसोर महाराजा पेलेसिनिक्राय राबत्रि मुर्थिखी लानानै हान्जा सुरो आरो गुबुन दाबसे जायगायाव लानानै बेखी सावगारहैयो। मैदेर गराइनि गारि साजाइ-आजाइ खालामनानै हानजा सुरनाय बे नुथाइआ गोसोनि गेजेराव अराइबो गाब गानानै थालाडो। बे माइशुरआवनो दं, महाराजा पेलेस, सामुन्दि हिल्स, बिबार आरो देनि जादुथिलि ब्रिनदावन गारदेन, समाराजेन्द्र आर्ट गेलारि, जूलजिकेल गारदेन,

बाइदिफ्रा मुख' जाथाव। बांगाल'रनि मुख' जाथाव दावबाय थिलिआ जादो, लालबाघ, बिघाना सौदा, उन्देफोरनि गोसोखी बोनानै लाधुमनो हाग्रा किउबान पार्क, बेयाव दं, पुतला ट्रेइननिक्राय जागायनानै बाइदि बाइदि गेलेग्रा आइजें। बानगाल र पार्क, बेंकाटापपा आर्ट गेलारि, गरमेन्ट मिउजियम, टिपु पेलास, बुल टेम्फुल, अवार्स्ट टावारफोर बादि जायगाफोरजो लोगोसे नौसोर बयबो मोनशिखानाय कलार। बे कलार होत्राय जायगायावनो स'नानि दामोल दं। बेनि अनगाबो बे सिटिनिक्रायनो गोबां फिसा फिसा नाथाय नाइनो गोनां जारिमिनारि बियाबफ्रा उसिकावनानै दं।

दानिया फैदिनि, नौसोरनि भुमखीर' मेपआव जोबथा थारनाय लैथो जिडाव थानाय दरसे जायगाखील' एसे बुंथिनानै


फोजोबदिनि, —जौनि भारत हादोरनि जोबथा खोलानि जाइगा कयना कुमारिआ। भारत लैथोमानि हाब्राडाव समाइना फिसा गंसे थावनि, जाय थायनिआ दावबायारिफोरनि गोसो गोरबोखी अराइ बोदोर खालामो। मोनथाम लैथोनि संगम थिलि बे कयना कुमारिआ। आरब

लैथो, बंगब लैथो आरो भारत लैथोमा। फ्लेटफर्मनि डरमिनेटरीयावनो थादो आं। बेनि अनगाबो आखमावबो एसेल' वेसेनजो थानो हानायनि राहा दं बियाव। जौनि सा-सानजा आरो बेंगलनिक्राय थानाय मानसिफ्रा जानाइनि थाखाय जारला जाहैयो। बेनिखायनो मोजाडै न'नि बादि जानोब्ला बेयाव हतेल कलकाता दं। फुडाव अरदार होखाब्ला बेंगली खाना संनानै जाहोयो। आं आरो लामायाव लोगो मोनलानाय साने बौराय-बुरि सानफ्रोमबो बे हतेलआवनो जाहैबाय थादो। बिसोर अमयापुरिनिमोन। एल-टि-सिजो दावबाय हैनाय, मास्ता



डलपिन चिटिआव सिल नानि बल गेलेनाय

मावो। आंखी लोगो मोत्रानै बुरेआ फिसाज्जानि फारसे गोसो खांहरनाया जोबदो होत्रानै खेबले-खेबले बुंबाय थादोमोन मानोना आंजो समान फिसाज्जला सासे जोबोद बाइगर न'आव थालादोमोननो। बेनि नाइनो गोनां जायगाफ्रा जादो, कयना कुमारि टेम्फोल महात्मा गान्धी मेम'रियेल, बाटटाकटाइ, सुसिन्द्रम टेम्फोल, नागेर कइल, पद्मनाभा पुरम पेलेस आरो बयनिबो गोसोखी बोनो हाग्रा स्वामी बिबेकानन्द रक मेम'रियेल। लैथोनि एसे गेजेराव बेसेबा गेदेर अन्थाइनि सायाव मन्दिर। जाहाजजो थालाय फैलाय खालामो। बुडो, बे अन्थाइआवनो जिरायनानै बिबेका नन्दआ धियान खालामदोमोन आरो बेनिफ्रायनो गियान मोत्रानै स्वामी जादोमोन। थाइसे अन्थाइनि गेजेराव मोनसे आगान दं जाइखी मानसिफ्र बिबेकानन्दनि आगान होत्रानै गनाइथिदो। बिबेकानन्दनि जिउ खीरां आरो घोरम बिजाबनि गिदिर लाइब्रेरी मन्दिरजो लोगोसे दंफायो। बेखी नाइनो थाखाय बुहुमनि गोबां जायगानिक्रायनो मानसिफोर जमा जाफेयो। लैथो जिनि बाजारसा लैथो सिङाव थाग्रा साम-संख'फोरनि बानायनाय गोबां मुवाफोरजो



बबेबा अखां राइजोआवसो गावखी दंहेयो बादि मोनगु लाइथारो। बिबिदो मोनाबिलिनि सान हाबनाय समाबो नाइनो गोनां, सानफा थोलो दावबायनानै जेन' सान मोदाइआ लैथोनि बे फैलाव एमाव उन्दुलानो जायगा लाहैयो। मोनाबिलिनि जारं सानआ गाब सारफावनानै बिनि लैथो आरो मिथिगा सिखलाखी हाइनानि राणी खालामनानै दावबायारिफोरनि गोसोखी मुडी होयो।

सिगाडावनो बुंखाबोदो नौसोरनो, दुलाराय भारतनि

मोनफ्रोमबो जायगानि बाध्राखी बे गुसु लिर बिदाडाव लिरजोबनानै बुथिजोबनो हाया होत्रानै। गोबां समाइना समाइना जायगा जौनि भारत हादोरआव दंबावयो। खोला भारतनिनो गोबां जायगाया जौनि नोगोरारीखी दोनथ'नानैब्लाबो गुबुनारी मानसिफोरनि गोसोखी बोक्थावनानै लाबोनो हानाय समाइनाथि दं। उबाव आं नौसोरनो खोला भारतनि गासिबो दावबाय थिलिफोरनि सोमोन्दै गुसु फोरमाइथि होबावगोन सम आरो सुजुग मोनब्ला, आरो जाहाजजो दावबायनानै आन्दामान-निक'बर आइलेन्दखी नाइहेनायनि सोमोन्दैबो बुंथिगोन। बंगब



लैथोनि बिखा सा-सा जाहाजजो दावबायनायादि बेसे रंजाथाव सानमोन। सानहरब्ला दाबो गोसो गोरबोआ बाजल'खानो नागिरा। बिदिब्ला बेनि सोमोन्दै खोनासंनो नौसोर लामा नाइनांसिगोन दे। ★ ★



मिस्टार हाइब्रिडनि गोलोमदै आरो मोदै

जेड. डि. बसुमतारी।

थं..... थं.....! इन्जुनि बाल कलकआव हरनि नै बाजिनि घन्टा गाबबाय। जौब्लाउ बिजि थिंगिनिआ हरखाब सिरि मोननानै बाइजोआव ओंखारनो फिसाइखी आखाइजो बुझाव हरबा खावसे बिसिन्नाया लांदां। खर'खी' दैखानानै टेबुलथिं नाइहरब्ला नुबाय— 'आबु बेन एथेम' इराजि खन्थाइआव सोरगोनि, मासे एन्जेलआ हर गेजेराव आबु बेन एथेमनि खटायार मोदान फबलायनाय स्रां खालामनानै बुहुमनि मोजां मोजां मानसिफोरनि मुंखीं सोद लिस्ट खालाम खोमानाय बादि जौल्लावआबो गंसे लेन्टन फोजोनानै माबा हिसाब खालामनायाव गोसो होथाबधारदो। फराखआ बेनोल' जौब्लावआ लेम्पनि सेमनिआव लेखा बिलाइ खोबधेनानै स्रांखीं गाव लिरनाय जायगायावल' कनसेन्टेड खालामनानै लादो जाहाथे लेम्पनि सोराइ गाबनि मोखां आरो बिजि-फिसाफोरनि उन्दुनायाव मोदा-मोदि जानो हाया, नाथाय एन्जेलआ मोदान फबलायनाय स्रां खालामनानै सो लिरदोमोन। मासे दिन खाना बेरेआ लेन्टननि सोरगिदि बिर्धि-बिर्धा खालामनानै जौब्लावखी रागा फोजोनो नाजब्लाबो हायाखी। थिंगिनिआ सुइस बर्डआव नाइदावब्ला नुबाय कारेन्ट इन्डिकेटरा जौथि जौनानै दं। कारेन्ट दंक्लावो बाल्ब फोजोइ बालानो लेन्टनसो सुदो, बेरो लेखा बिलाइ फांथे बावनाय। बेयो जौब्लावनि मोजां

हुदा, थिंगिनिआ मोनथिखागौ।

“माबा गोदान बेमार अरखां लायबाय नौखी उन्दुनो ओंखार लायि?”

दावब' बाप्तिनाय निजोम सिरि हर गेजेराव बिजि थिंगिनि हरखाब खेबज्रां, खासो राव होनायव गुरलाब बाग्दावनानै जौब्लावआ बिजिखी खिरि-मिरि रागा जौनो ओंखारदोमोनब्लाबो गावनि थांखिखी खिन्थानो एसे गुरै रावजो बुनायसै—“ए थिंगिनि, गोदान बेमारा आंखी अरदो बेयो थिग नाथाय बेजोनो आं खहा जानाय रां आरो दाहारफोरखी सुद आसोल सुख'से सुख'नानै एकाउन्टआव लाख टाखा दोनबावगोन मोनथिबाय?”

“हाबाव ग'साइ माब्ला सौफे बावगोन बे सानालाय?”

—थिंगिनिनि फिसाइखी जावखलाबनाय राव।

“नौनाथ' जेब्लाबो बे जावखलाबनाय, दान्दा गोलावजो दाउ होनायल'खासो। जिबोखी फोथाइब्लाबो आंखी फोथाइनो गोत्राव मोनो नौ। खाथिआव फैनानै खोनास फैलाय नौ, खिन्थानो आं आनि गोदान स्किमखी।”

“नांलाया दे खाथिआव थानो, बुनायसाय दोहोन कुबेरा मा मा फोरखोमानानै थांदो नौनो?”

“ए थिंगिनि, आनि टारगेदआ ऐबार टमेट' टमेट'ल' नड, हाइब्रिड टमेट' अबिना-2 जाय टमेट'आ फांसेआवनो

10 निफ्राय 20 के.जि.सिम फिथाइ थाइगोन। बे अबिनास-2 हाइब्रिड टमेट'खी बिगाबा गाइनानै खमावबो 10 (जि) लाख रां खामाइगोन आं, --जि लाख!” —बुनानै जौब्लावआ उसु-खुथु खालामनानै खर'खुरझाउलाबायदो।

“हि.....हि.....हि..... 10 लाख रां, हि.....हि.....हि..... फाग्ला जामारबाय नौ फाग्ला। तेजपुराव लांमार नांसिगोन नौखी। बिगाथाम कफि आबाद मावनानै मटर साइकेल क्लक खालामनानै लांजाबाय'दा बिगाबा टमेट' गाइनानै ट्रेक्टरखीनो लांजादोलाय नौ फाग्ला महम्मद टख्लब।”

“ट्रेक्टर लांजानो ना गोदान गंसे बाइदेर बावनो?”

“थु: नोडो लांसि-सिं।”

“हे..... मा होननाय जाखोलै बियो। खिन्था थारनोसैलां फागिलनो, रग'-रग' हिसाबखीनो।” —बुनानै जौब्लावआ केलकुलेटरखी सैरै सैरै खिन्थालाडो।

“बिगासे हायाव नै फुट जानथायाव गाइयोब्ला गासै 3,600 बिफां गाइनो हायो। एम्फौ अरफाइनाय, बेमार जानानै थैनायफोरखी गारनानै 3,000 बिफाड स' थाब्लाबो फांफायाव बा केजियै थाइयोब्ला 15,000 के.जि. टमेट' थार माने बुजि दोना थिंगिनि, बिगाफानि प्रडाक्सनआनो जायो 15 टन। बे 15 टन टमेट'खी बोथोर गिबि फाननो हायोब्ला खमावनो जिबा रां के.जि.आव मोनगोन। अब्ला बेनि बेसेना जागोन 15,000 X 15 = 2,25,000 रां। आं गाइनो नागरदो बिगाबा। बिगा बायाव मोनगोन आं 2,25,000 X 5 = 11,25,000 रां। हाबाव जौबायलै आं ऐबार। खोनादोना थिंगिनि गासिबो मार्जिनाव लाजोबब्लाबो फैयी 11 लाख 25 रोजा रां। उस्! बियन्ट इमार्जिनेसन!

थिंगिनिआ एम सायावनो आखिथिं साफेनलाय आगदाथिं साफेनलाय खालामनानै एसे कन्भिन्स जानाय बाइदि गारांजो गेजेरावनो मोनफानि उनाव मोनफा नाइ गोजोन सौहरबाय थादो।

“खरसआलाय?”

“गारबाय आं 1 लाख 25 रोजा रांखीनो। श्वेबोथ' 10 लाखआ रग' थायो।”

“दाहाराया?”

“दाहाराय' सुद आसोल 2 लाख सामथिल'सो जायो।

दाहार सुख'से सुख'नानै खमावबो सात लाख रां थाबावये बिदिब्ला मानो ट्रेक्टर गंसे बायबावनो हाया आंला थिंगिनि? बेखीनो बुंदोलै, —“Where there is will there is an way' होननानै। माने जेराव गो दं बेवहाय लामाबो दं होननानै बुंदो।

“बिगाबा टमेट' गाइनो नौहा आखाइआव बेसेबां रो रां दंजायो महम्मद टख्लब?”

साना ह'बा मावब'बला बायनानै फेल्लैल' जाग्राखा फिसाइखी महम्मद थख्लब मुं दोन्दो थिंगिनिआ।

“बेफोरो माबा मोनसे जालायगोनब्रा थिंगिनि.....

“Where there is a will there is an way होननायखी मानो बुजिथारदिया नौलाय। बे लकेल काबु आवलाफोरनावनो एसे खेंखाइ नांगी जालायबाय, मा राहा दंबावयो?”

“फाउन्टआव दाहार लाबावनो?” —थिंगिनिआ थब सोडो।

“हा रां दाहार लानो होनब्ला मानो फिटिगम जि नुनाय बादि बाग्दावयोत्रा नौलाय थिंगिनि। बे गिदिर गिरि मार'वारीफोरखी दाहार गैया नंदो नौ? लाख लाख दाहार लानानै कौटि कौटि रां खामाइ गासिनो दं बिसे मिथिबाय? हा आंनाबो बिसोर'बादिनो जानाय। फारगअ बेनोल' —मार'वारीफ्रा मालाइ दिहुनखानाय बेसादफोर फालांगि खालामो आरो आना जादो पान्जाब, हारियानाफे बादि ग्रोम-ग्रोम ट्रेक्टर लानानै जीगाखां आदोबजो आबा मावनाय।”

“मोनथाम-मोनब्रैसो फाउन्टनिफ्राय क्लकनि न'टि सौफैनानै दंखायो, बबे फाउन्टआलाय रां दाहार हरबावनो नौनोलाय? बिजि-फिसा फाननानै जाजोबदो नौ आदुवा?”

“बाइजावथु फाउन्ट दड'लै थिंगिनि.....। हा माइनाव, लाइमोन, जासुला फाउन्टफ्रा दाहार हरा माला मा जादो, आनि बे गोदान स्किमखी नुनांगीब्ला दानो एग्रे-बेग्रे फाउन्टफ्रा लाख लाख रां दाहार हरनो सिगां बोगो आनो।”

“नौना बेबादि सिगां सिगां हिसाब खालामखानायनोय मोनसेबो खामानिआनो जाफुड। गोजीआव मोफौ हाया बाहागो। मावग्राफ्रा मालाय सोद-सोद मावगासिनो द मोनगासिनोबो दै। नौनालाय मा हिसाबासो सिगां। दाख्लैस

बाइनाय डिस्थासे लेखा सादाया माब्लावानो जोबबाय। केलकुलेटरखौनो रेस्ट गैया बेस्ट गैया थुबाय थानानै गाव बादि खर' गात्रि खालामनानै सम-सम लाथिख'ल' खाव जाखांप्रा खालामबाय।"

"नौसिना बिदिनोसे जेब्लाबो खोमसि फोथाइनायानो खारा। लाब-लोकसान खालाम खानानै खामानिखौ मावयाब्ला मुखस्थ' मावसोमला बायनायासो जाफुसरो होमबा नौसिना?"

"आल' बुंदोखाय, माथो बयबो बुडोलायो नौखौ।"

"बुंक्लाबो नौसोर हिनजावफाल'सो बुडोदा। बेनि न' बैनि न' बेरायबाय गाव गावनि फिसाइफोरनि गुदि-खिथा गुमुफोरखौ खिन्थला बायबाय। बै बि.आर.पि.एल.खौखि गमैन्टआ स्किम गैया प्रजेक्ट गैया ओरैरौ लुदाला बाइदों?"

"ओरैरौखायसो दालाय मानोथो मालाय प्राइपेट कम्पानिनो फाननो नागिरनायनि दावराव जादों?"

बे समावनो गोदो गोदो उन्दु लांफुनाय फिसाजो रजेआ सिरि मोननानै गावखाडे, —"ए....."

"सि.....दु! माबार बुरखायदो माबार, बुरखायदो-बुरखायदो डिस्टार्ब जायो, आंहा हिसाबा जोबथ'आखै।"

—बुंनानै जौब्लावआ हिसाब खालामनायाव गोसो होथाबो।

दानसे नडा दाननै नडा, बोसोरसे नडा बोसोरनै नडा

फुरा 12 बोसोर हारि बोखानायनि मेल-मिथिं गाथै गाथै

दुनियाखौ गिदिंबोनाय जौब्लाव बसुमतारीआ गुबुनफोर

बाइदि राज-खान्थि, साखि आरो कन्ट्राक-सनट्राकनि

हाबिलासखौ ज़ाब गारनानै आबाद फोथाराव जिउयै माहामै

नांथाबनाया देग्लायजों बोसोरबासोआनो जाबाय। आबाद

मावनानै जाया बिमा-बिफानि आमोलआव' थेखा-

बेथेखायावबो नांगोल मुथिआव आखाइ होफेरबोयि

जौब्लावआ गावनो आन्था लेखा-फरा रौनानैसो मा सैमा

खिफि देरनानै आबाद मावनानै जानो गोसो जाखो होननानै

सोरबाफोर सोडोबा बिनि धरला-ला निग्र' गुसुथिखौ

सिंखावनानै जेब्लाबो फंसे रेडिमेद राव एसेबो थाबथानाय

गैया जासे ओंखार बोयो— "पान्जाब-हारियाना ने पागल

मुझे कर दिया।" बबेबा गोजाम हिन्दी सावथुननि

— "करिया-जापान ने पागल मुझे कर दिया" मेथाइनि

स्टाइलजों गोरोब होनानै बुंनानै जौब्लावनि बै बाश्रानिफ्राय

गोथों रावजों जों बेखौनो बुजिनो हायो —पान्जाब आरो हारियानानिफ्राय जौब्लावआ आबाद मावनानै जानायुनि थुलुंगाखौ मोन्दों। जौगाखां जौलै आरो बिगियान्थि आदबजों आबाद मावयोबा आबाद फोथारावबोदि लाख-लाख रां बुधुमनो हायो बेखौ जौब्लावआ गोथी फोथाइनाय दंसे। बेनिखायनो जाय बोसोरनिफ्राम्ब जौब्लावआ आबाद मावनो लाजेदों बे बोसोरनिफ्रायनो जौब्लावनि दुब्लिआव लकेल जौलैनि जायगायाव हाइब्रिड जौलै आरो योसी हालुवानि जायगायाव बिफा सोरखि लांनय बाथोनसे मैसो फालो फाननानै बाइनाय ट्रेक्टरनि हारां-हाथां आगानस' नुनो मोन्दों। हाइब्रिड जौलैनि आबादल' खालामग्राखाय मानसिफ्रां दा बिखौ मिस्टार हाइब्रिड मुडैसो बांसिन मोनथियो आरो गाबजियो।

जौब्लावनि सेलेन्सआ बेनो, —खेथा गांसे लानानै फैनानै भाथिया बांगलफ्रा बाला गोरानआवनो बाइदि रोखोम आबाद मावनानै जानो हायोब्ला जोंहा 50-100 बिगा हा थानानैबो बड'लेण्डखौ मानो सेकेण्ड पान्जाब खालामनो हाया? जौब्लावनि सेलेन्सआ जेसेखि गिदिर जाया मानो आबाद फोथाराव नाथाय बियो देरहानायनिफ्राय जैननायासो बांसिन जाबोदों। बेफोरनि दाइखौ नाथाय बियो रावनोबो होयाखै। सान्दों बियो गावहा रौबाव नांगौ गोबां दंबावयो। बेनिखायनो बियो गोसोखौ सिफाइनानै लाया लासै Try try again होननाय बाश्राखौनो मानिनानै जुजिदों जाफुसार होनो गोसोन सिमां।

सानसे खालि कार्वि आंलनिफ्राय आबादआरि आफादनि मेल गानानै सौफैब्ला गावनि न'खौनो आन्दाइ फैनाय बादि जाफैदों जौब्लावआ! गावसोर उन्दुग्रा 35 फुट गोलाव आसाम टाइपनि न'आ लांदां जानानै दं। जेन मैदेर सिखाड बारनि फाखनआसो गुदिनिफ्राय बुखुनानै बुखार लांजोबबाय। हायाव गोलैनानै दं इन्जुर देखुनाय सिमेन्टनि लेथेर-फेथेर गुन्दा। ट्रेक्टरआबो गैला। बिजि थिंगिनिआ ओंखाम संग्रा खामसालिनि खनायाव ज'दामब्लेनानै खानाइ जाइवुं-बुं गावगासिनो दं।

एयार इण्डिया मार्का गोनां बेसेबा गिदिर बेगखौ फाफिलआव हरनानै सिल्ला गेजेरावनो ब'बा बादि दोम गसनानै थादों जौब्लावआ निहिर बादि जौथि-जौथि मोदैफ्रा जौब्लावनि थाइनै मेगननिफ्राय थर-थर गसरदों। ★★

नैथि बर' गोरोबथा: मोनसे नोजोर

मुसि रोनगोस नाजरी।

जेब्ला समनिफ्राय बर'फ्रा जाति हिसाबै थानानै थानायनि गोनांथिखौ मोन्दानो हायो बे समनिफ्रायनो गावसोरखौ हारि हिसाबै गाइसनानयनि हाबा मावनो हयो। लोगो लोगो मोनफा मोनफा आफाद जोनोन होनानै हारिनि राव, धुनलाइ, हारिमु जौगा होनानयनि हाबा मावबोयो। बे बादिनो लासै लासै राजखान्थिनि सांग्रिथिआ फैनाय लोगो राजखान्थि गोहोनि थाखाय सोमावसारनायाबो जोनोन जाफैयो। आथिखालनि बि.टि.ए.डि.आबो बेनिनो मोनसे फिथाइ होननानै बुंजायो।

बर'नि थामोनथानि जुजिनानयनि जारिमिनआव 2003 माइथाइनि 10 फेब्रुवारीआव बि.एल.टि. आसाम सोरखार आरो भारत सोरखारनि गेजेराव बड' गोरोबथा खालामनाया नैथि खेब जाबाय आरो बेयो मोनसे गोदान डिंघाय बिन्दो होननानै बुंजायो। बे गोरोबथानि गेजेरजों बर'फ्रा हादोर खुंगिरिनि महाराव गुरस्लायनो थांगसिनो दं। लोगो लोगो बर'फ्रा मोनसे गोदान नोजोरजों हारि हिसाबै थानानै थानो गोखौ हाबाफारिनि गेजेरजों दावगा लांनानयनि सम सौफैबाय। मोनसे हारिआ बेनि रांखान्थि, राजखान्थि, राव-धुनलाइ आरो हारिमु फारफ्रोमथिनिफ्राय गोखौ जानो हाब्लासो जौगासार हारि हिसाबै थानानै थानो हानायनि गोहो मोनगोन। बे बाश्राया थारदि, गणतन्त्रआव मोनसे हारिनि राव धुनलाइ, हारिमु, रांखान्थि जौगानाया बै हारिनि राजखान्थि गोहोजों सोमोन्दो दं। बे बिथिनिफ्राय नाइयोब्ला बड' एकडनि गेजेरजों बर'फ्रा हारि जौगा होनो हानायनि मोनसे राहा मोनबाय होननानै सानजायो। बड' एकडनि गेजेरजों बि.टि.ए.डि. जोनोन जानाया बर'फोरनि राजखान्थि गोहो बाहायनानयनि फैलाव फोथारनि गेजेराव दखरसे एबा दब्लायसेल' बुंजायो। बे दखरसे दब्लायवाव गोदान आरो गोगो आदब खाइदाजों आबुं आबाद मावनो थाखाय नांगोन गुवार नोजोर आरो गोथार थांखि। आं सानो बे खर्लबसे दब्लाइन आबाद मावनाया मोनसे गुवार नोजोर आरो थार

थांखिजों मावफुं लांजागोन। अब्लासो फैलाव फोथाराव सांग्लोबसार हैजोबनो खाबु थाहैगोन।

आथिखालाव बर'फ्रा गावनि थामोन्था आरो राजखान्थि गोहोनि थाखाय सोरखारजों खेबनै गोरोबथा खालामबाय। 1993 माइथाइनि 20 फेब्रुवारीआव एबसु-बिपिएसि आरो 2003 माइथाइनि 10 फेब्रुवारीआव बि.एल.टि., आसाम सोरखार आरो भारत सोरखारजों बड' गोरोबथा खालामो। गोरोबथाखौ जायखि आफादआनो खालामा मानो मोननैबो गोरोबथानि थांखिआ एखे आरो बेयो जादों बर'नि थामोन्थानि थाखाय। बेवहाय मोनसे सौथिआ जानो हागौ राइजो-राजाफोरनि गोसोआव सिखारो, बर'फ्रा आरोबाव थामथि खेबनि थाखाय सोरखारजों गोरोबथा खालामबाव नांगोन नामा? सौथिआ थारैरौ सिखारगोन। मानोना बर' राइजोफोरनि मेलेमाव मोनसे स्लगानआ हाबनानै दं, — "आलादा हादोद मोनाब्ला जों गोजोन।" बेनिखायनो थामथि गोरोबथानि सौथिआ गोरलैयनो सिखारगोन। बेखिनिआव मोनसे बाश्राखौ नोजोर होनाया गाहामदि, बि.टि.ए.डि. दाखानायनि उनाव हयथ' नैथि खेब गोरोबथा खालामग्रा आफाद बि.एल.टि.आ थाहैनाय नलिया। गुबुन फारसैथिं एबसु-बिपिएसिआ थानाय 2003 माइथाइनि बनरागाव जथुम्पानि गेजेरजों बि.एल.टि.नि बर' गोरोबथाखौ बराइनानै आलादा हादोद बिनाइनि सोमावसारनायखौ दोनथ'नायनि थांखि आजावनानै लानाय जायो। बे मोननै बिथिंखौ नाइयोब्ला बर'फ्रा बि.टि.ए.डि.नि गेजेरजोंनो हारिनि गांनय-उखैनायखौ सुफुनो नाजालानायखौ नुनो मोनो।

10 फेब्रुवारीनि नैथि बड' गोरोबथा जाखानायनि उनाव गोबावयैब्लाबो आसाम सोरखारा बि.टि.ए.डि.नि नटिफिकेसनखौ थानाय 31 अक्ट'बर खालि फोसावबाय। बे बिटिएडिआ गासै 3107 गामिफोरखौ लाग्रोनानै मोनब्रै जिलानि बेंखन दानाय जागोन। जैर कक्राजार, सिरां, बास्का


आरो अदालतगिरि। बे मोनबै जिलानि सिडव गासै मोन जि महकु मा थाबावगोन। बे फोसावनायनि लोगोनो बिटिएडिखौ सालाइनो इन्टारिम काउन्सिल दानायनि दरजाया गेवयो। अदेबानि बिटिएडिखौ दाफुनो हायोब्लाबो बड' गोरोबथानि गोबां दफाफोरनि गेजेराव खावसे बाहागोल' जाफुदों होननानै बुंजायो। नैथि बड' गोरोबथानि गोबां दफाफोरनि गेजेराव बिटिएडिनि अनगायैबो मोनथाम दफाखौ गुबैयै आंगोथारसिन बुंजायो, बेफोर जादों,—

1. बर' रावखौ भारत संबिजितनि 8 थि फारिआव सोसननाय, 2. एम.ए.सि., आर.एडि.ए.सि. आरो टि.ए.सि. आव गुबुन ट्राइबेलजों समान मोनथाइ होनाय। 3. कार्वि आलं आरो एन.सि. हिलसु जिलानि बर'फोरखौ हाजोआरि ट्राइबेल खालामनाय। बै मोनथाम गुबै दफाफोरखौ जाफु होनांगौआ बर'फोरनि मोनसे गुबै खामानि जानानै थाबाय।

आं गिबिआवनो बुंखाबोदोंदि नैथि खेब बड' गोरोबथानि बर'नि मोनसे दिंयाय बिन्दो। बर'फ्रा बे गोरोबथानि गोजोरजों आरोबाव खनसे हारिनि बाइग्रब लांनाय बिथिंफोरखौ दाफिननायनि मोनसे खाबु

मोनबावबाय। एबसु बिपिएसिनि 1987 माइथाइनि सोमावसार जेननायनिफ्राय 2003 माइथाइसिम बि.एल.टि.आ खालामनाय बड' गोरोबथानि हारिनि राव-थुनलाइ, सुबुं-दोहोन, रां खान्थि, समाज खान्थि आरो राजखान्थिआ सोमावसारनि सिमब्रेनाय बार हुंखाजों बाइग्रबनानै थानां बोदों। बेफोर बाइग्रबनाय बिथिंफोरखौ गेरेमसा खालाम फिननांगौआ हारिनि साफ्रोमबो साननो हाया सुबुंनि बिबान जानानै थागोन। बर' राजखान्थिनि जारिमिनखौ नाइनानै बर' राइजो-राजाफ्रा बर'नि राजखान्थिआव राजखान्थि हानजाफ्रा दिदोम थावरिनानै हारिनि जेनाफोरखौ सुफुनो हाया होननानै मोनसे साननाया फेदों। फारसेथिं गनतन्त्रआव राजखान्थि हानजायासो हादोद खुडो। बेखौ नाइयोब्ला बिटिएडिखौ सालायनायावबो बे खान्थिनिफ्राय बारग 'नो हानाय नडा। बेनिखायनो बिटिएडिनि गेजेरजों ओमसोलाव गोजोन आरो गोजोर राजखान्थिनि बार बारहोनानै बयबो सुबुं माहारिनि गेजेराव फोथाइनाय लाबोनानै सुबुंनि जौगानाय लाबोनो नाजानायासो बिटिएडि सालाइगिरिफोरनि गिलिदथार बिबान जानानै थानायखौ नुनो मोनो।

★★★★★★★★★★★★



गोरोथोन-1


नोजोरसे : कणार्कनि सान मन्दिर

फणीन्द्र ब्रह्म

सम बोथोर आरो हालोरफ्र थाखोमाना थानाय रोंग 'थि फोरखौ बेरखांहोनो एखनबा खाबु होया होया जायो। बेरा फासैथिं, खाबु मोनोब्ला सिरि सिरि सानखोमाना थानाय गोबां सिंनि बे सानथौ, ब्यक्तित्व आरो रोंग 'थिफोरखौ सा सा बेरखांहोनो हानायखौ जों नुनो आरो मिथिनो मोनो। कणार्क नि सान मोदायनि थानसालि एबा सूर्य मन्दिरखौ दानायनि बेलायावबो बे सानथौजों लोब्बा थानायफ्रा रोखा जानाय नुनो मोनो। गुबै स्थापत्यकार एबा लंथायगिरि फोरनि थाखायब्ला बिसोरनि जोबथा नाजानायाव लंथायख 'लनि गुबै म 'हर होनो हायागौमानि सुबुं, संसार गासिबो बावगोमा जोबनाय फोरखौ मिथिनो मोनो। गावनि सानथौ लैथोयाव गब 'नानै मोखथाडव म 'हर होनो आखाय फोनं नायाव सान-हर बोरै बारलांदों सानस' हाया। कणार्क सान थानसालिनि रनसायनाय आरो म 'हर होबाय बायनायावबो जिनै बोसोर बोरै माब्ला बारग 'लांखो, मुंदाखा शिल्प बिशुआ सानस' नोनो हायाखिसै। गोसोया गोजोना गोजोना; गोदान सोरजिनि, गोदान दिहुनथायनि उसु-खुथु गोसोयाव दबथाय हायि बोदोर बाउलि। गुबै लंथायगिरि (स्थापत्यकार)नि नारा नाथार नाजानायाव बिनि गुबै कलाकारनि म 'हर आरो नोजोराव बै समाव सुबुं, संसार, गुबुन जेबोआनो बेसेन गैया। बिसि चन्द्रलेखाजों सोमोन्दो गैयै आरो फिसाज्ला धर्मपदखौ सिनाय हालायै, गावनि सानथौ लैथोयाव गब 'नानै, सान मन्दिरखौ मोखाथाडव म 'हर होनो आखाय फिदिं बायनायावबो सान हर जिनै बोसोर बोरै बारलांदों बेफोर बाश्नाया गाहाय लंथायगिरि बिशुनि थाखाय सानसे बायदिसो जादोंसै।

कणार्क सान मन्दिरनि माखासे लंथायगिरि फोरनि दुखु नांथाव जाथायाफोरजों लोब्बा लांखिनानैनो हिन्दी थुनलाइगिरि रामेश्वर दयाल दुबे नि राफोद आखायनि

बिलिरनायाव 'कणार्क' मुनि गांसे मुंदाखा समायना काव्यबो रनसाय जानाय जायो।



कणार्क सान मोदायनि मुसुखा

समनि दाबि जुगनि थागिदा, सोदोमसिनि बिथाय (डिमान्ड) बायदि बायदि नि थाखाय मोनसे समाव बुहुम नाडैनो जांखिथाय सोमजियो। सिगां बाहागोयाव राजा महाराजा फोरनि राज उलाफाद, गीर्जा, इसोर, मसजिद आरो धोरोम थावनि फोरखौनो बिथा खालामनानैसो लंथायगिरि फोरनि सोर्जिआ नांथाबना थानायमोन। सुबुं हारिया जानाय

लौनाय धानायनि बादगा जेबोयाखौनो सान्ना हानाय गोहो गैयामोन। राजा एबा राजा फोलेर, धोरोम बिजाब बेफोरनि बिथोननि बेरेखा जेबो मावनायनि खाबुबो गैयामोन। लंथायगिरि फोरनि सान्नाय हनायाफ्राबो बेसेखिनियावनो नोजोन्नो गोनां जायोमोन।

सोदोमसिनि बारजो आरो सान्नाय हनाय दावगानायजो उदां सान्नाय आरो सोरजिनायनि बिजाउनाय खाना फोथायनायनिफ्राय नंगुबै सान्ना बिजिरनो, गिर्जा, मत-मन्दिर निफ्राय गोनोखोआरि सानथौ जौ बिजिरनाय, सामन्त तान्त्रिक निफ्राय व्याक्ति, मोदायजो एबा देवीनिफ्राय आइजो म'हर सिम सानथौ सोलायनाय निफ्रायनो जिनैनिफ्राय-जिड' जौथाय सोनि गेजेराव सोनाबनारि हादोरफ्राव लंथायखलिनि फिनजांखिथाय (renaissance) एबा जाखां फिन्नायनि मोनसे दैथुन सोमजियो। बे मुगायाव राव थुनलाइ फेहेरनाय, उदां सावगारी म'हर बोनाय, लंथायखलि आरिमुआरि जौगानाय जौ लोगोसे गोबां सानसुमै फोरनि जोनोम आरो थुलुंगा जैरेबो गोसार जोबो। बे जिनै जौथाय गुदि जाखांफिन्नाय निफ्राय जिड'जौथायनि गोदान जाखांफिन्नाय मुगासिम इटालि, फ्रान्स बायदि हादोरफ्राव लंथायख'लिनि, म'हर बोनाय, सावगारि आखिनाय बायदि आयदा फोराव उदां म'हर मोन्नाय नुनो मोनो। बे मोनसे मुगाखौ बुहुम नाडेनो शिल्पकलानि मुगा बुंभलाबो बांदायनाय बुंनाय जानाय नड। गोबां उदां म'हरगिरिफ्रा बै समावनो जाखांफुदो। बिसोरनि मादाव इटालि हादोतनि गाहाइ आरिमु दागिरि दनातेल' (Donatello)-बिनि म'हर बोनाय सावगारिफ्राव गोजामजो लोगोसे गावनि उदां सानथौखौ सिगां जाखांफिन समनिफ्राय साबनासिन म'हर होनयाव देरहासार जानाय नुनो मोनो। ड'नातेल' नि सन्त मार्क (St. mark 1411-13) मुसुखाया मख'जाथाव। गोजाम दाथाय (स्थापत्य) जौ लोगोसे सोमोन्दो लाखिनानै गावनि सानथौजो आबुं म'हर होनायाव देरहासार जादो। गोदोनि, गिर्जा फोराव दानायफोरनि अनगायैबो लंथं महराव स्राय जि गानहोनानै समायना सोलेरजो रोजोबनाय, नांगौब्लानो दल रै ब्रुद बुखु

जानाय, बारजो मोसाफानाय सोलेरनि बायदेमनायजो स्रं थांफानाय बायदि मोखथां म'हरनि बे लंथायख'लिनि सोरजिनाया गोजामैनो अराय गोदान। सन्त मार्कनि उनाव (1915-17) मुंदांखा सासे बीर जोहोलाव सेन्ट जर्जनि (St. George) मुसुखा मोखथां म'हराव दानानै दिन्थिनायफ्रा मख'जाथाव। बेनि उनाव ब्रुनेलेस्सि (Filippo Brunelleschi 1377-1446)नि गोदान सानथौआव लंथायख'लिनि गेजेरजो सोरजि आरो मेथायनि देखोनिनो गुबुन बिथिं एबा मेथायनि गोबो (आत्मा)आव धानाय मिलौदो देखोनि रोजोब चुथाय नोजोराव जौफबना धानाय सोलेरनि गुबै म'हर नाजाथिफैयो। गोदोनि बायखोन्दा र'म नोगोरनिफ्राय बुरखांना सायख'सायख' म'हर बोनो नाजानाय आरो गुबै म'हर होफिन्नो नाजानायाव ब्रुनेलेस्विआ देरहासार जादोमोन।

बै समनि इटालि हादोरनि गिर्जाफ्राव दाननाय म'हर, भारत हादोरनि बायदिसिना मत मन्दिरफ्राव दान्नाय मुसुखाफ्राव गाव गाव हादोर आरो सुबुनि सानथौ (फिल'सफि) फ्रा सावगारिनि गेजेरजो स्रा नुजानायखौ मोन्दां मोनो। कणार्कनि सान मोदायनि धानसालि एबा सूर्य मन्दिरनि इन्डुरफ्राव दान्नाय सावगारिफ्राबो भारतनारि सानथौखौ रोखा दिन्थिनाय नुनो मोनो। बेबो बे समसे जौथायावनो म'हर मोनदोमोन।

फरायना मोन्नाय आरो गावनि मेगनजो नुथारनानै मोन्नाय मोन्दांथिफ्रा थारैनो फाराख थामारो। सान्ना लानाय माखासे मोनदांथिफ्रा स्रा जायो। 1993 माइथायनि डिसेम्बर दानआ आंनोबो खाबु होदोमोन बै मोनदांथिखौ बिलिरनो। थांखिया, कटक निफ्राय 50 कि.मि. साहा धानाय उरिषा राइजोनि मोनसे फिसा थावनि डेनकानलआव सोमोन। सान्ना थांखिखानाय हाबाफोरखौ मावखानानै आं आजिरा मोनो। लोगो लोगो सानखानाय बायदियैनो फुंजा सानजा स्नि बाजियाव बासजोन्नो उरिष्यानि गोजाम राजथावनि कटक निफ्राय दाति राज थावनि भुवनेश्वर सिम, दावगाबोये। सान आरो मोनाबिलि समखौ समायना महरै जौगा खांबोनाय प्ल्यान चिटि भुवनेश्वर नि बिखायावनो सम थांहोयो।

समायनाजो लोगोसे गोदोनि मट-मन्दिर एबा समायना धानसालि लिंगराज मन्दिर, अन्थाय दन्दर उदयगिरि खन्दगिरि, नन्दन-कानन नि 'लायन साफारी', कलिंग दावहा थिलि साखाथियावनि धौलि हाजो सायाव जापानिज फोरनि मददजो लुजानाय समायना बौद्ध मन्दिर जौ लोगोसे समायना मिथिगानि रै-रुब महरा गमामायैनो नायबाय थाथाव थाव। बिनि सानसे उनाव ब्रैजि कि. मि. खोलाहा सन्त नगरी लैथो रुंगु समायना पुरी सहर। फुंबिलि निफ्राय थोरसि दामनाय


(ऋन्ट I) मोनाबिलिसिम बायदिसिना पुजा आनान ग'सा इ गाबिनायनि आर'ज मेथायजोन्नो रिं सार बाय धानायखौनो खोनानो मोनबाय थायो। जगन्नाथ, लिंगराज, महा लक्ष्मी मन्दिर बायदि बायदि

समायना मन्दिर फोरखौ दर्शन खालामनो होंगो दोंगो अनजिमा मैयै सुबुनि हान्जा जोवनोनो थाड।

पुरी चहरनिफ्राय ब्रैजि कि.मि. सानजाहा लैथो रुंगु रुंगु बार खोलो खोलो पाका लामाजो दावबाय लानानै मोनहैयो कनार्क, जे थावनियाव मुलुग नाडै बइजोबो मिथिसार जानाय, बंग लैथो रुगुडाव सान मोदायनि धानसालि एबा सूर्य मन्दिरा ओलाडै मुगानि बिदिन्थि गसनानै दं।

1238 माइथायनिफ्राय 1264 माइथायनि गेजेराव राजा नरसिंह देबनि राइजो खुंनाय समाव बे समायना

मेग'नाव गोनां मन्दिरखौ अनुसुलि बिमानि मिजिंखौ सुफुंनो दानहोदोमोन होन्ना मिथिनाय जायो। मुंदांखा लंथायगिरि (खनिकर) बिशुनि दैदेन्नायाव 1200 शिल्पीनो 12 बोसोर नांदोमोन मन्दिरखौ रनसाइनानै दानना दिन्थिनायाव। बे समायना मन्दिरनि फ्रायनो बै समनि उरिया लंथायख'लिनि म'हरगिरि फोरनि आरिमिन कला (भास्कर कला) फासै गोथी गियान आरो गोसो होसारनायखौ मोन्दां मोनो बि मन्दिरखौ रथ शैली एबा सेरियथ आदबजो दानायखौ मिथिनो



1250 ई माइथाइ सान मन्दिरनि बुरखांफिन्नाय गाहाय दरख

मोनो। बे मन्दिरखौ फारफायाव जिनै जिनै गासे नैजिबै चाका बेंखननानै गंसे आइराखि (रथ) म'हराव मा स्नि गरायजो बोगदावनानै बिरलानाय म'हर नुनो मोनो। चाकाफोरनिफ्राय जौसिन उसुनि सायाव गुवार समान जायगायाव मन्दिरनि गुबै बाहागोखौ फज'ना दिन्थिनाय जादो। चाका गंजोमावबो गंजिड'देन्ना (स्पक) गावसननानै गेजेरनि दुहरायाव नांजावफैजोब दों। चाकाणि गंज्राम देन्थानि गेजेर बाहागोयाव दुलुर बेंखन नुनो मोनो। देन्थानि बे दुलुर बाहागोयाव सामफ्रामबोनि सुबुं जिउ खानायाव मावनांगौ हाबाफारिखौ सावगारिनि म'हर बोनानै दिन्थिदो। जैरै समायना बायदेमलाय आइजोनि आखायाव आयना लानानै

खानाय खानाय सावगारिया फुं बिलि एम नागरजेन्नाय, बे रोखोमैने फुं बिलिनि ज्ञानाय, हाबा मावनाय, रायज्जालनाय आरो एम सायाव मिनिबाला बाला हावा आरो हिनजाव जरासे एम सायाव रायज्जालनाय सावगारिनि गेजेरजों सानसेनि हाबाफारिनि उनाव एम लानायनि बिदिन्थि फोरखौ नंगुबै म'हर बोनायनि गेजेरजों सामफ्रामबोनि मावनो गोनां सुबुं माहारिनि सानथौ एबा दर्शनखौ दिन्थिनाय महरफ्रा गमामायैने मेगनाव गोनांथार। सानरोदा रिफिनायनि उल्था फारसे थानानै दुहुरा गेजेराव आसि थुयोक्ला आसिनि सायखड समजों खाब जानाय देन्थानि दुलुर बाहागोयाव थानाय थि समनि मावनांगौ हाबानि सावगारियाव गोगलैयो। बे म'हरैने गंग्रोमबो चाकाफोरखौबो फजनाय जादों जाहाथे गासिबो बोथोरावनो फुं वेलासिनि समखौ घरी नडा बालानो आसि दिन्थिनाय थि समफोरखौ होसोनो हायो। बेयो बै समनि बास्तुकलानि जौगाथाय बिदिन्थि। बेयो जाबाय मन्दिरनि गुबै बिथा (base)। बे गोजौ बिथानि सोरगिदि इन्जुरफ्राव आसि थुनो जायगा दाबसे गैयै बायदिसिना समायना मिथिंगा, दावसेन दावलां, सुबुं हरिनि रंजानाय मिनिनाय, देलायनाय, दामनाय देनाय, मोसानाय, मैथुन कला बायदिसिना नंगुबै म'हर बोनाय सावगारिफ्रा देशि-बिदेशी गोबां दावबायारि फोरनि गोसो बोनो हादों।

मन्दिरनि आदब खायदाफ्रा आइराखिनि म'हरै रनसायनायाव मन्दिरखौ फानब्रै बाहागोयाव रानाय जादों, जौसिन बाहागोयाव गुबै मन्दिर जेराव सान मोदायखौ फजनाय जादोंमोन। बिनि गाहायवनो ओलाव फूजाथिलि एबा यज्ञशालि 'जगम'हन' बिनि आफाडव गुवार नाट्य मन्डप।

नाट मन्दिर एबा मोसाफ्रा सिहलायाव थानाय सोरगिदि खुन्थिया आरो इनजुरफ्राव दाननाय सावगारिफ्रा दामनाय देनायजों लोगोसे गोबां मोसानायनि जिउंगोनं सावगारिफ्रा गोसो होसारथारनानै मोसानाय नुनो मोनो। दानि भारत नाट्यम मोसानायनि माखासे फावफोरा गोरोबथारनाय फोरखौ नुनो मोनो। लंथायख' लिगिरिफोरनि नोजेरजों नायोक्ला बे अट्टालिकानि आरिमिनारि दानायफ्रा (भास्कर्य कला)मेगनाव नांथाव सावगारि फोरखौ नंखाय बुनो हाथावथारा।

गुबै मन्डपनि सान मोदायनि सावगारिखौ नुनो

थालियाब्लाबो जगम'हन नि फारथाम खनायाव थानाय "सान-भङ्ग" महराव फसना दोन्नाय सान मोदायनि मुसुखाखौ नुनो मोनो। बे सान मोदायनि मुसुखाखौ मोथांखो: गाबनि कलराइड अन्थायजों दान्नाय जादों। समायना फानि बिबार बारनैजों लोगोसे समायना आइजो सानै सान मोदायनि फारनैथिबो आबुं म'हरै मिनिस्तु जानानै गसना थानाय नुनो मोनो। आफाडव सानै दावहारु सान्थि हाथेर लानानै नैबाय थानाय सावगारिआ नायबाय थाथावथाव। मन्दिरनि गुबै दरखडा सानजा फारसे मोखां जानाय आरो सिहला बाहागोय्यव सोरगिदि नंगुबै म'हरै मैदेर आरो गरायनि बायदिसिना म'हर दानानै बिसोरनि हाबा आरो आखुफोरनि फारि दिन्थिनायबो जादों। जैरै सासे फाइखिया रोन्थिलियाव सहाय हायिनि मासे गराय आथिडव गोगलैसोनाय, मैदेर मासेया हान्थु खरायनानै सासे रैनियाखौ सुनदायजों गोजौवाव दिखानाय बायदि दाननानै फज 'ना दोन्नाय नुनो मोनो।

गोमोथाव बाध्राया बेल 'दि, बे एफा गिदिर मन्दिरखौ थाइफा थाइने खनथुमनाय अन्थायजों दानाय जायाखै, हाजो समान थाइसे अन्थायखौनो दानख' दानख' दानानै दिन्थिनाय जादों। खाथि खाला हाजो हाला गैयै बे फैलाव थावनियाव बे एफा गिदिर अन्थायखौ माबोरै फज फेखो बे सौलुआ सफ्रामबो दावबायारिनि गोसोयाव मोनफा सौलु जानानै थांफायो।

अमृत आरो बिथनि गेजेरजों महाशिलि बिशुनि दैनैनायाव दानानै गालानाय कणाकनि सान मन्दिरखौ लानानै गोबां थुनलाइगिरिफ्रा गोबां खहाव गोनां काब्य रनसायलंबाय, आरिमिन गिरिफ्रा बिनि म'हरैने गोदान गोदान म'हर होनानै गुबुन गोबां समायना अट्टालिका दालान न' लुलांबाय। नाथाय जामनानैबो जामानो रोडि जिने जौथायाव दाननानै दोनलानाय बै सावगारिफ्रा अरायनि थांखाय बै समनि उरिया म'हरगिरि फोरखौ गोसोखांहीबाय थानायजों लोगोसे भारतनारि फोरनि लंथायख' लिनि फार्से गौथी गियाव गोनांनि रोखा नैसॉन जानानै थांलांबाय।

मदद लानाय जादो :-

1. शिल्पकलार नवजन्म : शोभा ब्रह्म
2. A History of Fine Arts in India and West by Edith Tomory

★★★

रोरोथोन-21

हांखुर

रैसुमै

दिनैजों गु सान जाबाय। जौमैआ अफिसनिफ्राय बिजि इंगिनिखौ फनजों सोंहरगासिनोसै — "खबर लाहरदों ना लाहराखै।" बाध्राया गुबुन जेबो गैया, वे फंसेखौनो खबरल' नांगौ बेनो, जिनिसआ दंना गैया।" अफिस गखानानै न'आव सौफैग्रोन मोना बिजि इंगिनिनिआव सौफैयो खाब-दावनो। — "खबर लाहरदोंना लाहराखै।" दिनैबो अफिसनिफ्राय बिजिखौ टेलिफन खालाम हरदों।

: हेल्ल'.... हेल्ल'।

: सोर होन्दों ?

: होद आंसो,

: सोर आं....

: आलै....

: एह.... फिफा ?

: अउलै !

: माथो ? मा जाखो ?

: मा जाखो ? खबर लाहरदोंना लाहराखै नौलाय ?

: माखौ ?

: मा माखौ ?

: एह.... जौंखिलखौ ? जेबो जायाखैनो फिफा, आं मैयासो खबर लाहर खांबाय।

: माखौथो बारफुआ आंनि सिगाडव 'खान्दाया जौंखिलखौ गारहैनो ओंखार लांदों' होननानै खोन्थाफैया बेलाय आंनो ?

: आइ.... आइ नंगौ ?

: नंगौ नडा बेखायनो फनजों खबर लाहरनो खोन्थोदों आं नौखौ। बारफुनि बाध्रा जानोबो हागौ, जायाबो जानो हागौ। थेवबो सोंहरफामबावनाय। नंमारगौबा मा जागोन.... नों मिनथिगोना मोनथिआ, गिनाय-हनायबो गैला नामा नौनाव ?

: आइ.... आइ फिफाया, मानो गिया जानांगौ। र' आं सोंहर नाइनोसैबोदे फिफा।

: थाब सोंहर, थाब सोंहर। दोनबाय आं, सोंहरनानै

दा दसे उनाव आंनो खबर हरफिन।

बिजि इंगिनिआ माबा बुंहरहां जाबावदोंमोन, नाथाय बाध्राखौ बुंखानानैनो जौमैआ टेलिफनखौ खब दोनो। मोथो-मोथो रागाबो जोडो दिउ-दिउनो बिजि इंगिनिखौ। बोथोर थांहाब थांहाब बाउस्रोम बाउस्रोम दासो मानो दमासीनि मुडव जाला-लौंला खालाम हैबावनांगौ जाखो बे खान्दानांव। थांबाय-थांबाय, जाबाय-लौंबाय मिलीमोन बादि खान्दिमोन बाइदि थाल लायै लायै लौंक्लानो जाब्लानो जागौमोनलाय। लौंनाय-जानाय समावखि माउजि बुन्दिथारजोंनो गेले जाबायो होमबा। आखाइआव बेदर-फिसा नुक्ला बवे मावजिआबो उपले उपले खालामा। ओरैनोबा श्लकआवनो दंखाथारो,—

"नदीनाम् शृङ्गिनाम् नखिनाम् शस्त्रधारिनां।

बिश्वास' नैव कर्त्तव्य स्त्रीषु राजकुलेषु च:॥"

जामारबाय, गोरोबथारबाय बे श्लकनि बाध्राफ्रानो।

बाध्राफोरखौ सानै हयै जौमैआ गावनि मासिआव खाब'जिराइहाबो आरो माबा-माबि गोबां बाध्राफोरखौनो साननो हमो। ह'जों बारफुआ इंगिनिखौ बिबाजैलाइ जैरै-मैरै फानब्रेलाय-फानफ्रबलाय, थुख्तायलाय-थुखोलाय खालामनानै एखम्बा एखम्बा हारामा-हाथामा खालामब्रबनानै गारामा रानखां होप्रा हुदाबो दंखायो। बेखायनो बाध्राखौ फोथाइनो गोब्राबबो मोन्दों जौमैआ। थेवबो निदाननि समाव नेनानै थानो सम गैया बिहा। बेखायनो बारफुनि बुंनाय बाध्राखौ नंगौखौनो साननानै लानो गोनां जाहैदों जौमैआ। मानोना डाक्टरानो खिन्थाखादों,—बे केसखौ बराबर गासै गु सानसो नाइनांगोन। जि सानसिम जेबो जायाब्लासो माबा मोनसे गोदान साननो हागोन—केसआ नरमेले। बुंखादों डाक्टरआ, मानसिखौ खुरखलाबदोंक्ला मा मुदआव खुरखलाबआ, रागा जौनानै ना गेलेतानै। लोगोसे बेनि आखुफोरखौ बे गुन दिनआव मोजाइनाइनांगोन। लोगोसे

रोरोथोन-22

बिनि आखुफोरनि सायाव नोजोर होनो नांवावगोन, मोजांनि ना गात्रिनि एवा फाग्लानि ना जग्लानि। बेल' नड बेनि खिनाइ, बेनि हासुनाय, गाबनाय बेफोरखौबो मोजाडैनोजोर होबाय थानांगोन। बेफोर नरमेल ना एबनरमेल। बेराफारसे जि साननि गेजेराव बोरैबाफोर थैनांगौ जाब्ला बाधाय बोरैबावा गात्रिबो जानो हागौ! मानो होनोब्ला गात्रि बेमारबोथ' सनदेरनो हागौ! बेखायनो जौंखिलनि सायाव फिद फिद नाइबिजिरनाया गोनांथार जानानै फैबाय।

जौंखिलजौं इंगिनिआ खुसेरजिद जानाय दिनैजौं सान जि जाबाय। जानायालाय दिनैसिम जेबो जायाखै। मोजाडै मोजां बारग'सिगोन खोमा! नाथाय हनै बारफुआदि गोरलैयै बारग'नो होया।

अफिसनिफ्राय बारफुआ जोमै मिथिआ जासे फन खालाम हरबावबाय बिबाजै इंगिनिखौ,

: हेल्ल'..... हेल्ल'.....

: सोर ?

: आलै आं.... बाजै.... बारफु....।

: ए.... बारफु ? मा.... माबि ?

: हेद ओरैनो खालाम हरदोलै आं बाजै, खामानि गैथ'यिलाइ।

: एह, दे.... दे.... नोंदायालाय ?

: दड'.... दड'थ'.... माबाफोरसो जाबोदों नामा ? माथो बिलाइ राइज्जायद'आ-मिनिद'आ बुथ'ब-थ'ब थार दिनैलाय ?

: माबाहाइ आगै, आंखौ रागा जौहरदों आरो...., बे जौंखिलखौ खबर लाद'यिखौ। दिनै जि सान जानोसै नालाय। दिनैसिम जेबो जायाब्लाथ' मोजाडै मोजां जासिगोन। हा.... नै आगै, जौंखिलखौ थैदों होननानै सोरथो खिन्थाया फालाय नोंदानो, नंमारगौ फा ?

: एह.... बियो, माबालै बाजै, दहाय फुडव आं खान्दाखौ फन खालामदोंमोन। मोजां गात्रिनि उदिश लाहरनो होननानै। फुडव खुगा बाइद'यिनि खोथा, ओरैनोब्लाबो राइज्जायनायानो जाखायाबा सिबाय। सेन्देलखौ सेन्देल होननो थाडैब्ला सेल्लाक जाहैयो, सुरेशआ सुइस् जाहैयो, बादल होननो थांब्ला बाथ', डाइरि हल बुनो थाडैब्ला

दारि हलसो जायो, अनसाइ आफादआ असे-आफा जायो। दाइआ खान्दानिबो नड सालाइनिसो।

: नंगीआरो नंयायालाय, बेरामजौं जानायनि बाध्राबो जाहैबायथ'।

: आं सौंहरदोंमोन जौंखिलखौ दं ना गैया होननानै। बुंहरो बियो खब-दाबनो जौंखिलया.... सुइसनि फिसाया.... असाय-आफानिया गैला....।

: आइ-औ.... थैमारबायसो.... ?

: नडलै बाजै, बाध्राया ओरैसो.... आइजो अनसाइ आफादआव ओंखारग्रा सुरेसनि फिसाजो जौंखिलखौसो गैला होननानै बुंहरोदोंमोन बियो। बिखौनो.... 'गोथै गोरहैनो ओंखारदों आं' होननानै बुंहरोदों सिबाइ।

: ए.... मानसिखौसो बुंहरोदोंमोन आरो.... ?

: अडलै बाजै, आंबो बुंफ्रां हैगार लायबाय आदानि सिगाडव—'जौंखिलआ थैबायनो' होननानै।

: ए.... बेखायनोथ' नोंदाया आंखौ खबर लाहैद'यिनि रागा जौहरदोंमोन.... आफोर आफोर.....।

: जेबो नडलै बाजै साननांगौ गैया। आदानो दा खिन्था हरबानो जाबाय, गुबै बाध्राखौ।

: दे दा खिन्था हरनोसै आं।

: माथो ओंखि संखो, बाजै ?

: गैया हाइ.... मैहुसो संदों आं, जेबो गैया।

: दे बिदिब्लाया, दोनदो दे बाजै।

इंगिनिजौं राइज्जायखां-हखां बारफुआ दसेनि उनाव लासै लासै जोमैनिधिं आगान सुरलानो थियारि जायो। गोसो दाद खालामो बियो। जोमैआथ' बिखौ ओरैनो हगारखानाय नंला, मानोना गासिबो प्ल'टखौ बानायनानै बोनस्रोद होनानै देबोर नांहोनानयनि गुबै आर्किटेकआनो जाहैबाय बारफु। ओरैनोबा बाध्रानि गद गुदि गैया जासे खोन्थालाबायनायखौ मोथो मोथो रागा जौनानै दंखायोमोन जोमैआ। बेखायनो रागा जौनानै थानाय जोमैआ मासिआव जिराइनानै दंमोनब्लाबो जिराइ थेरनो हायाखैमोन गोजोने। मानोना बारफुखौ जारिनो मोनागौ मानि बिनि गुलाय-गुजाय गोसोआ माब्लाबानो सुरलाय खानाय नड।

दान्दिसे उनावनो बारफुआबो गुरब्ला जोमैनि सेराव।

मेगनजौं नुदोंब्लाबो नुयि बाइदि जानानै नाइखलैनानै थायो जोमैआ। रागायानो जौंगायाखै बिहा बारफुखौ थात्र'-थात्रा बुंफुनानै गाला-गाथा खालाम जानायनि थाखायनो। मोगा-मोगि मेगनजौं मेगन सौंग्रायलाय होनोबो नाजाग्रोयो बारफुआ जोबोद हुसियारै। जाया जाथारा। फेलै जाबाय बारफुआ पार्स्ट-टेस्टआव। खना खाइथा जोबोद खम डिग्री एंगेलजौं नाजा थाबनानै बारफुआ जुरियो,

: एस.बि.सि.आ.इ.नि मेथेडव थाड ?

: हु....

: मेथेडवलै.....

: थंदो नोंसोर ओंखौलाइ मानो ?—एसे खुगा फेननानै बुडजे जोमैआ।

: प्रग्रामाव मुं थिसन जानायफ्रा थाडब्ला बोरै जालायखो ?

: मानो.... ?

: हारिमु बादायलायनाय आइदाखौ दैदेन नांगोनो माथो ?

: बाध्रानि सुरफोरजौं, भुलियामजौं, टनजौं आर जाहो जाहो राइज्जायनायखौ हमनो हाबायमोन जोमैआ बे समाव। बारफुनि सायाव अफजारभेसन खालाम बावनांगौ गैलामोन बिहा अब्ला। बेखायनो साबख'नानै बुडसै जोमैआ थोंजोडै,

: आत्सा फंबाय, मेल मिथिडा दोनथ', नोंथ' गुदि मोनथिआ बिजौ मोनथिआ आंखौ बे बादि बांघि खबाव खोखलैनो नाडमोन। 'जौंखिल'आ मा, बेखौ थब्लं बुंब्लानोथ' जायोमोन ना नों। 'बेमारजौं गेले जायालै फंबाय, नों थगायनाय हुदाखौ गारनो नाजा।'

: जानानै थानायफोरखौ सानलाबाय दाथासैलै आदा, मालाय महाभारतआवनोबा—दोहोरोम सुला जुधिस्टरआ बुंदों,—'अश्वथामा हतः इति गजः' होननानै गयोब्ला आं मालाय मासे जौंखिलआ थैमारोमोनब्लाबो,—'जौंखिलयां हतः इति बिडाल' होननानै मानो गया।

★★★

जिउआ मोनसे अनथोब

—गहीन बसुमतारी

साइबेरियानि जोबथेसालिनि लामायव गिनाय-संखिनाय बावगोमानानै थानाय-थैनाय बिसानदि सानै सानै बिफनो दस्तयेभस्किआ लिहहरनाय लाइजामखौनो थं मोननायमोनब्ला लिहहरगौमोन आंबो न' नागारलानाय आनि फंबाय-बिनानावफोरनो

न'खरनि खौरांखौ नोंसोर मिथिहरखादों जानांगौ आबादिनि फोथारा सोन थानानै हाग्रा दुफवबाय जेराव वेरलाउ-हवादिनि सोंफे सोंफे जिबौ-एम्बु एमफौ-एम्बलानि जिउजौं गेलेनाय सुनाखि न'आव सिस्ता ओइसान बासि आंखाल आवहावा सिमबेनाय मोखाखाया नानाय इधुन जौलैआ बारथि-बारथा जेबोखौनो रोदोमस्लाब होलिया दुखुसि आइनि खेंखाय खेंखाय हां बोनायाव फिसाफोरनि न'मोखौनि मोनसे गांहाव गोरबो

बयनिबो थांखिया जिउखौ जिउयैनो मोननाय जिउजौं गेलेनायाथ' खबामनि जारिमिन नड आलाय सोरनि जिउखौ मानो सिख'नो आरो सोरनोलाय मानोथो होनो बेयोदि आंगोसो होनाय हांगासेल' अनथोब अब्जालाय सोर मानो माखौ बोरै होसोनानै मुखुब जिउदिनफोरानोथ' सोरां सदाननायनि धुलुंगा

★★★



अखाफोर, दैमा आरो आं.....

अनुज

अखाफोरा बनानै दोनो गांसे सुदेम सादोर

दैमाया मोनथिगौ दसे उनाव अखाफोरा बाग्लायफैगोन बिनि बिखायाव
आरो आथा-खिथा नाइनो बिगोन बिनि जोंखोल गोरबो

दैमानाव दुखु गैया नछ दं— जैरे दं आंनाव— जैरे दं अखाफोरनाव
नाथाय दैमाया बोहैगारबाय थायो दुखु दाहाखौ— जैरे बोहैगारो खोस्लिफाना
बिखायनो जायो बिनि बिखाया जोंखोल स्राय स्राय
बिखायनो अखाफोरा गेलेफैयो आमै—जुमै दैमानि बिखायाव

दैमा आरो अखाफोरहा लालायनो—होलायनो गोबां बाध्रा दं
जैरे दं अखाफोर आरो आंहा, आं आरो दैमाहा

अखाफोरा नाइयो गावनि गावदां महर दैमानि बिखायाव जाय गोगो आरो गोथौ
दैमाया नुसनो गावनि स्राय—स्राय गोरबो जेराव दुगैनाई दं अनजालि अखाफोर

दैमाया बनानै दोनो आंनो सिदोब गांसोनि एम
अखाफोरा सारलानानै दोनो सिमां गावनि अखाब्लिं

दैमाजों आं बोहैफानो हायाखै मालाय माथो जादों
खंसे दैमा बोहैनाई दंखायो आंनि बिखायाव
आं अखाफोरनि गोरबोआव एब्रेनो हायाखै मालाय माथो जादों
अखाफोरा माब्लाबानो एब्रेबाय आंनि बिखायाव
आरो गोरबोसे मानि सारलानानै दोनबाय गोजोन अखाब्लिं

अखाफोर दैमा आरो आं.....

अखाफोर दैमा आरो आं.....



लिमारिक

मुप्ति दिनेन्द्र ब्रह्म

1

हारि-जातिनि थैनाय-थांनायनिल' अराय गल-माल
नंलाबो नाथाय जेनिबो आंखाल
दावगानाय गोदान मुलगनि दोहौजों नारा-नाथा
बाख्नायथाव नाथाय आंखला बिसिनि आथा-खिथा
गनाइआब्ला जालाइखो बौर, बेनोथ' जातिनि खाफाल।

2

फैदोंसैलाय गोदान जुग मुडै 'कम्फिडटर'
संसारानो जायोलायनो बेजों गोजों 'बेटर'
जिउआव साग्लोबगोन नाथाय बेजोंबोसो अलसिया बेराम
जेसेखि जाया मानो बेयो मानसिनि आराम
नाइबालाय गोमानोसो हमखाबाय मानसिनाव 'वार्क कालसार'।

3

जिउआ मानसिनि बेसे जारला
आगानफ्रामबो बुंजायो दुखुनि फारला
रोसिआ बेनि बेसे खैरोम-दैरोम
थैस'-थांस' सोरखिनायानोथ' सुबुनि दोहोरोम
बुंजायो 'ट्रेजि-कमेडि' खेबसेनो थारला।

4

गैलिया खौसे गेजेराव हिन्दु, शिक, बौध्द, मुसलमान
आदर्शआ जाबाय माब्लाबानो इलाम
जेरावबो जैरेबो सेरखाय-बेरखाय बिसिंखला
जाउनाव जाबाय संसारानो खंखला
जाबायगोन बेनो गोदान जुगनि गोदान 'केरकुलाम'।

5

दंजासै बयहाबो गावबा गाव गोहो हाथियार
गिनायाव गैला रावबो जुध्द 'वार'
जोबनो थांला रावहाबो कार, बारुद, एटम
सोगोमसै खालामनो सारा मुलुगखौनो 'खटम'
जाबावगोन थायाब्ला जानानै अराय हुसियार।

6

रिमोनला जुगनि बेरफावनाय ना फाउना
गोबां बिथिडव आगोर खाना
गैया राहा जायाब्ला 'सेल्फ दिफेन्डेन्ट'
बाइदि बाइदिआव 'सेल्फ साफिसियेन्ट'
सोलाय बेनि बानाजों बुखार जानाय खोस्लिफना।

★★★





बासा

—बादल बसुमतारी

जे-जुलिहा समाइना-रमाइना न' दंबला
दाउखाहाबो दं गंसे आंगो न'

दन्दा दाहोनाया देगलाय मेसेखव
न' गंसे लुदों हादानफारायाव
हासावबारिनि खासि जिगाब हाब्लानो मोनो
राजा हाजोनि औवाफेरखाव लायब्लानो जायो

थेब-थेब थेउल बोसो बोसो दन्दाया इन्जुर खादों
आरो गोरबोनि थुम-थुम राबजोंबो राइज्जलायसोदों
मालायनाव बिखुं लामै लामै थरलिआ सिबाय
एखुइ खावसे बारखांबाय होन्दां ॥

आर 'जलाइ

—हेबप्रां।

मान गोनां गुण गोनां
सिबिनां सार,
गोसो गुदुडै
बिटिएडिखौ बराइनायजों लोगोसे
गुरै-राफोद
आरज गाबखेंनाय जायोदि,
थानाय बोसोर जखाइथामआ
दाहोना थानायनि सोलाय
सान-हर सैमा बांग्राबादि
हारि आरो हादरनि थाखाय
थांफा-फैफा खालामफाबाय
बैसोआ दा आंना लहाय लांबाय
हालावबो थालिया, मैआवबो थालिआ
दा सार आं बेनिखायनो
नोंथानि बे फोथाइसुलाया आरो सिबिसुलाया
मेगनाव मोदै आरो खुगायाव खुदै लानानै
गुगुरुब खुलुमनायजों लोगोसे
खावलायबाय माबा मोनसे।
बेखौ गनायाब्ला नाथाय मोनथिखा सार,
बारस्लाय हैगोन आं बैथिं फारसे।

★★★



मावलिनाय

—कालिचरण उजीर

रंगिना गाबजों लंथयैनो देलायनाय
हाइना बिदै आबुं गावलां-गावथां बिबारफोरा
बेरे सिखिरिनो फुजाहोनायनिफ्रायनो जागायो
गाव गोसो अहा अहा जुलिनि फोरबो.....
बिबारफोरनि जुलि खानाय बेरे-सिखिरिआ
बैराथि-बारलांफानि रोजाबो हाबा मेथाइ।
सोरहाबा गोहो दं दाबि अजद होनो
जेराव—

'बिसोरो जिनाहारि खालामदों',
नछ नछ बिसोरो गोथार बिबार
मानोना बेनोदि मिथिंगानि खान्थि।
बुहुमनि गासैबो हाइनारि सैनायनि
बारदैसिख्ला दौबायाव दुंबुर उब्रेनानै
बेरे-सिखिरिनि आखुथाइजों देखो बोयोब्ला
समाजखान्थिआव देबोर नांगोन
मानोना—
बेयोदि थारैनो रोखोमसे
सुबुनि हाइना सारफावनाय फोरबोसो। ॥



आबौनि सल' बाथा

—फ्रानजय ब्रह्म।
(थाखो-ड')

आबौलै आबौ, खोनासंनो लुबैदोंलै आं
दोंसे सल'बाथा
मा बाइदि सल'बाथा
खोनासंनो लुबैदों नों फिसौ?
गोदो-गोदायनि मावरियासोन-अलसियासोन,
दावब 'मोन मोननि सल'बाथालै आबौ।
दंबावयो आरोबाव आबौ,
मा दंबावयो आरोबाव फिसौ?
गोदोनि मेथाइ खननाय
ददेरे गय 'फोरखौ फुधुनायनि मेथाइखौबो
खोनासंनो लुबैदोंलै आं आबौ।
खोनासंनानै मा खालामनोलै फिसौ?
बेफोरखौ लिरनानै दोनगोन आं आबौ।
मानो लिरनानै दोननो फिसौ?
थुनलाइनि बाखिआव आबुं खालामनो आं
मानो बाखिआव दोननो फिसौ बेफोरखौलाय?
हारि हिसाबै जारिमिनारि फोरमान होनो आबौ। ॥

देहाः डाक्टरः मुलि

बुहुमआव सुबुं जोनोम जानायनिफ्रायनो बेरामनिफ्राय बारग'नायनि राहाखौ सानखां बोनाय आरो नाजाबोनाय जादों। बेनिफ्रायनो मुल्लिनि जोनोम मोन्दों। मानसिफ्रा मोनथाम रोखोमनि मुलि दिहुन्दों, जैरे— 1. बिफा—लाइफानिफ्राय, 2. धातुनिफ्राय आरो 3. जिब मुवानिफ्राय। अब्लाबो नाथाय बेफोरनि बागै रोखा जानो हायाखै। देहा तब्वनि गियान आरो देहा जोन्थोर आरो बेनि हाबा मावफुनायनि बागै रोखा जानो हायाखै। खाइसेरखौ आन्दाज खालामनानैसो मुलिफोरखौ बाहायनो गोनां जायो। बेनि जाउनआव गोबां बेमारिआ थैखानायनि उनावसो मुल्लिनि बागै गियान मोननाय जायो।

जायफोरा ऐसे-एनै बेमार जाब्लानो मुलि आरो डाक्टरनि खाथिआव थाडो, बेरामआ बिसोरखौ लोगो नागारा। मोनसे बेरामां हामखांनयनि माखासे साननि उनावनो बिसोरनांव गुबुन बेरामा नुजाथियो। बे बादिनो बेरामआव गोरलैफलायबाय थानानै सम सौआ लाबानो थैनो गोनां जायो।

जौनि बांसिन सरासनस्रा मानसिफ्रा देहानि गियान मोनथिय, भेजाल मुवा जानाय आरो डाक्टरफोरनि सांग्राथि गैयि मुलि जाहोनार्यनि जाउनव जौनि हादोरनि मानसिफ्रा बेराम गोनां आरो देहाया लोरबां जाजोबबाय।

बेनिखायनो साफ्रोमबो सुबुड एसे-एनै सानाय-सुनाय आरो लोमजानायाव साजानायाव गिया लना मुलि जागलाबला बायनाय हुदाखौ गारनांगौ।

जौनि देहायाव बेराम जानायनि गोबां जाहोन दंबलाबो बांसिन बेरामआनो जौनि साखोन-सिखोन गैयि, हामनाय-हामि जादलाब-लौदलाब खालामनाय। देहानि बागै सांग्राथि गैयिनिफ्रायनो जायो।

मुलिआदि जौनि देहानि गिथाव खहा खालामो बेनि बागै गोदान मुगानि माखासे मुं दांखा देहा फाहामगिरिफ्रा एबा डाक्टरफोरा आनजाद खालामनानै मोनथिबाय। फरायग्राफोरनो मोनथि होनो थाखाय गाहायाव बिथांमोननि बुनाय बाथाफोरखौ दैखानानै होनाय जाबाय।

Dr. S.S. Weir Mitchell :- “मोनफ्रोमबो बेरामहानो सिडाव मोनफा जाहोन थायो, जेबो मुलिआनो बे बेमारनि गुदि जाहोनखौ होखारनो हाया।”

Elbert Hubbard :- “आंनि आफ्नाया 67 बोसोर सम देहा पाहामनायनि (डाक्टर) हाबा मावदोंमोन, नाथाय आं लोमजाब्ला बियो माब्लाबाबो मुलि जानो होयामोन।”

Dr. Oertel :- “देहाखौ मोजाडैलाखिनो आरो जौगा होनो लुबैयोब्ला मुलि आरो डाक्टर मोननैखौबो नागार

आरो बे खान्थिनि सायाव गोखोडैफोथाइनाय लाखि।”
Professor Alonzo Clark, M.D. :- “डाक्टरफोरा फाहामनो लुबैनानै बेरामिफोरनि गिथाव खहा खालामो। गोबां बेमारिफोरखौनो गोखै गोथै हाखर फारसे नारख्ताय हरो। बिसोर बेरामि जानाय मानसिखौ मुलि जाहोआ मोनब्ला, बिसोर मिथिंगायारि गोहोजोंनो थामहिनबा गावनि जिउआरि गोहोजोंनो गाव हारसिडैनो हामलांगौमोन। जौ दिहुननाय बेमार फाहामनायनि गासिबो मुलिआनो बिषनि मुवाजोब। बेखायनो मुल्लिनि मोनफ्रोमबो गुनआ बेमारिनि थानानै थानायनि गोहोखौ फोजोब लाडो। मुलि जानानै माखासे बेमारफोरा हामो, बे हामनाया मुल्लिनि गुनजों जाया, गावनि थानानै थानाय जिउनि गोहोजोंसो जायो।”

Dr. Lind :- “मानसिफ्रा मोननो हानाय (दिहुननाय) गिथाव बिष मुवाफोरा गासिबो एल'पैथिक मुवानि गेजेरावनो दंफ्राम जोबो। बेफोर बिषफ्रा मुलिजों हाबफानानै मानसिनि देहायाव जमा जाहैयो। बेनि उनाव बेयो देहानि जायखि जाया बाहागोआव एबा देहाखौ दैदेनग्रा जोन्थोराव जेब्लाबो खहा एबा दुखु मोनहोबाय थायो। लोगोसे देहानि बे बाहागोनि एबा जोन्थोरनि जिउ जिबखिखौ साहोनायजों फोजोबसांनो हमो। मिथिनानै लानाया गाहामदि, गोदान बेराम जायोब्ला जौ मुल्लिनि बिषजों होबथानाय जायो नुजाथिनो नाइगिरनायखौ जौ होबथानानै दोनो। बेरामखौ मुलिजों बे बादि होबथानायनि जाहोनआव देहायाव बे बिषजों निगाजि बेरामआ सोमजिखाडो एबा बाइदि रोखोमनि गोब्राब हामनो रोडि बेरामआ जायो।”

Dr. Noyes :- “बेराम गाहोनायनि थाखाय मुलि बाहायनायनि जेबो थार जाहोन आरो गोनांथि नाइगिरनानै मोना। जौ सानो बे देहा फाहामनाया फालांगिसो, देहा फाहामनाय आदब, देहा पाहामनायनि

बे बिगियानआ गुदिनिफ्राय जोबनायसिम माखासे गोरोनथि नेम-खान्थिनि सायाव गाइसं जानाय बे देहा फाहामनायनि फालांगिआ मानसिखौ बानजायग्रा नडा। फालांगि खान्थिआं दाइ गोनां आरो मानसिनि देहानि थाखाय खहा गोनां।”

Dr. Francis Goggswell :- “बे देहा फाहामनायनि खान्थिखौ आइननि हेफाजाबै फोजोबोब्ला सुबुं माहारिआ जोबोद गाहाम जागोन।”

Sir James Bary :- (ब्रिटिश मेडिकल एस'सियेसननि आफादगिरि) “जौनि बेराम फाहामनाय आदोबआ बिगियानजों गोरोबनाय नडा। बियो मोनसे समाइना आरिमुबो नडा, बेयो मोनसे मुलाम्फा गोनां फालांगिबोल।”

Dr. Bigelow :- “मुलिखौ गारनानै बेमारिखौ मिथिंगायारि आदोबजों हगारोब्ला बेमारिआ खैफोदनिफ्राय बारग'गोन आरो थैनायनि अनजिमाया जामलांगोन।”

Dr. James Johnson :- “आं गावनि गोरबोनि बिजिरनाय आरो माव मोन्दाथिजों मोननाय सैथोखौ बिथा खालामनानै फोसावयोदि, गासिबो सरासनस्रा देहा फाहामग्रा, डाक्टर, नार्च, मुलि बानायग्रा आरो मुलिआ बुहुमनि बिखानिफ्राय गोमोर लांजोबोब्ला बेमारिनि अनजिमा आरो थैनायनि अनजिमाया दानिजों रुजुनायाव गोबाडैनो खमाइगोन।”

Dr. Hastings :- “नैजिबा बोसोर सम देहा फाहामनाय-फालांगि मावनायनि उनाव आंनि रोंमोन्दाथिनि बिबुंथिआ सेक्सपियेरनि बादिनो, बिथाडा बुंदोंमोन— देहा फाहामनायनि शास्त्रफोरखौ बे खेसेर बारिआव ज़ाब गारहै।”

Dr. R.H.Bakewell, M.D., M.R.C.S. (formerly Vaccinator) :- “टिका थुनायनि मोजां गूनि फारसे आंहा फोथाइनाय गैया। मारखि

एबा बेमार गोसारनायखौ होबथानायनि थाखाय टिका थुनायनि सायाव सोनारनो हाया। बे आइदायाव आं गावनो सासे जाफेर जानाय सुबु। नैथि खेब टिका थुनायनि उनावबो द' दाननि उनाव आं बसन्थ बेमाराव गोलैदोमोन।"

Dr. J.N.Hurty (Indian state Board of Health):- "बुहुमआव दासिम एरै बाइदि मुलि दिहुन जायाखै जेराव (मुलिआव) देहानि खहा खालामग्रा गैया।"

Bost Wick's (History of Medicine):- "मुलिनि मोनफ्रोमबो मुवाया बेमारनि थानानै थानायनि गोहोनि सायाव देहा फाहामग्राफोरनि हर्मदांस' मोनि नाइबिजिरनाय।"

Dr. Woods Hutchison:- "मुलि बानाय नायाव आफि आरो फेग्रा मुवा बाहायनायखौ बन्द खालामोब्ला साननैसोनि उनावनो पेटेन्ट मुलि फालांगि खालामग्राफोरनि सिनसिआ थेम बाइगोन।"

Dr. Majendie of Paris (From a lecture to a Medical Class):- "मुलिनि फालांगिआ मोनसे गेदेर थगाइग्रा थामहिनबा जोबोर खहा गोनां। आं मिथिगौ बेखौनो देहा फाहामनाय बिगियान बुनाय जायो। नंगौ बिगियानआनो। नाथाय बेवहाय बिगियाननि गुबै गियान एबा मोजाडैआनजाद नाइजानायनि गियान गैया। देहा फाहामगिरिफ्रा थगाइसुला नडब्लाबो गावखौनो थगाइग्रा थामहिनबा गावसोरनि साननाय-बिजिरनायखौ बाहाया लासिनो बिसोर जेरै दं ओरै थिनो सोलियो।"

"हटेल भिड मुनि हस्पिटलआव नाइदिग्रा जानानै थानाय समाव आं मुलिफोरनि मोजां गाजि गुनफोरखौ आनजाद नाइदोमोन। बेवहाय आं मा खालामामोन बेखौ नौथामोननो बुंथिनाय जाबाय। बोसोराव आं 2-4 रोजा बेमारिखौ फाहामदोमोन। बेमारिफोरखौ आं

मोनथाम थाखोआव रान्दोमोन। बेनि थाखोसेखौ आं साइख 'नाय गैया लासे गोदान फाहामनाय खास्थिजो 'प्रेसक्रिपसन' आरो मुलि होयोमोन। नैथि थाखोनि बेमारिनो आं मुलिनि सोलाइ जाग्रा मुवानि बडि आरो गोजा गाबनि दै लोनो हरोमोन। बे बाश्नाखौ आं बेरामिफोरनो एसेबो मोनथिनो होयोमोन। थामथि थाखोनि बेमारि मानसिफोरनो आं अना-खाना मुलि हरा लासे हगार हरोमोन। जायनि जाउनआव बिसोर जोबोरैनो आंखौ गाजि मोननायमोन। बिसोर आंखौ गोसो जानानैनो मुलि हराखैमोन होन्नानै सानोमोन। गावसोरनि उसु-खुथु गोसोनि थाखायनो लोरबां गोसोनि मानसिफोरा बेरामआव गोलैदोमोन। नाथाय मिथिगाया बिसोरखौ ओरैनो हामहोदोमोन। जायफोरनो आं मुलिनि बदलै जाग्रा मुवानि बडि आरो गाव होनाय दै लोनो हरदोमोन बिसोर रावबो थैआखैमोन। नाथाय देहा फाहामनायनि शास्त्रनि खास्थिजो मुलि जानो हरनाय गोबां बेमारिफोरनो थैदोमोन।"

गोजौआव मुंख 'नाय मुंदांखा देहा फाहामगिरिफोरनि बेसेन गोनां बिबुंथिआ थार एबा सैथो। बेनि अनगायैबो आथिखालाव भेजाल, नकल मुलिनि दखान फार्मासिफ्रा मोनफ्रोमबो टाउन सोहोरफ्राव आसि एरनो जायगा गैलिआ। बेनिखायनो जों साफ्रोमबो राइजो-राजाफ्रा सांग्रां आरो हुसियार जानाया गाहामसै।

★★★

लुबैजाय जिहादखौ मोबैआ फेल्लै जाबाय नडा, लुबैजाय जिहादखौ मोनबो जुबै नाजानायखौ दुंगारनायासो गमावायैजो फेल्लै।
-इलियट।

आलु आबाद आरो बेखौ बेमारनिफ्राय रैखा खालामनायनि राहाफोर

आलुखौ गाइनो जेसेबां गोरलै बेखौ बेमार आजारनिफ्राय रैखा खालामनाय नांगौ रोखोम दिहुनथाइ मोननांगौआ नाथाय एफाबां मानि गोरलै नडा। आलु बिफांखौ एम्फौ-एनला, बेमार आजारफोरनिफ्राय रैखाथि होनानै मोजां दिहुनथाइ मोननोब्ला जौनि आबादआरिफ्रा जोलैनिफ्राय बिफां राकुनायसिम थि-थि जोथोन लानो हानांगोन। "फाहामनायनिखुइ होबथानाया साबसिन" (Prevention is better than cure) होननाय बाश्नाखौ मानिनानै जों आबादखौ जोथोन लायोब्ला जायखि-जाया आबादखौनो दैखांनो हायिनि बाश्नायानो फैया। गाहायाव आलु आबादनि आदब आरो बेमार आजार होबथानायनि माखासे राहाफोरखौ फारियै होलांनाय जाबाय।

जोलै साइख 'नाय:- फालांगिआरि थांखिजों आबाद मावनोब्ला जोंगाखां जोलैनि आबाद मावब्लासो जाकुं सारनो हागोन। आसामनि बारहावआजों खाब जानाय जोंगाखां जोलै आरो बिसोरनि गड दिहुनथाइखौ गाहायाव होनाय जाबाय।

जाथोनि मुं	आबादनि सम (सान)	दिहुनथाइ (कु:हे:) दै सोनो हायि	दिहुनथाइ (कु:हे:) दै सोनो हानाय	बेदरनि महर
कुफ्रि चन्द्रमुखि	80-110	85-100	150-160	लावसें
कुपि ज्य 'ति	110-120	85-100	150-160	लावसें
कुफ्रि सिन्दुरि	110-120	85-100	100-160	दुलुर

आलु जोलैआ बेमार आरो सेवनाय गैयि 2.5 से:मि: देरथाइनि जानाया मोजां। गिदिर आलुनि बेदरखौ गाइनोब्ला मोननै-मोनथाम मेगन (गाजा) लानानै हाखाउ नांगौ। जोलैखौ सौरखारनि गनाइथि मोननाय फसंथान जेरै-आसम सीड्स करप रैसन (ए.एस.सि.), नेसनेल सिड्स करप रैसन (एन.एस.सि.) फोरनिफ्राय बायनांगौ। बेफोरखौ मोनस्लाब थाराब्ला हाथाइआव फाननाय बम्बाइ आरो नानिताल जोलैफोरखौबो गाइनो हायो।

जोलै सोदांनाय:- आलुआव थानाय बेमारनि जिउसाफोरखौ बुथारनो थाखाय गाइनायनि सिगांनो Mancozeb (Indofil M-45) मुनि मुलिजों आलुनि जोलैखौ सोदांनानै लाग्रो नांगौ। बेनि थाखाय लिटार से दैआव 5 ग्राम इन्ड 'फिल एम-45 मुलि लागायनानै 10 जि मिनिट सम जोलैखौ सोमहाबना बोखानानै सायायाव 48 घन्टा फेनलानानै दोननांगौ। जोलै आलुनि देरथाइआ 2.5 से:मि: जायोब्ला बिगासे हानि थाखाय 300 के:जि:सो जोलैनि गोनांथि जायो।

हा फोमोननाय आरो हासार बाहायनाय: आलु गाइनो थाखाय हाखौ हानाय मानि दुफु-दुफु फोमोननाया मोजां। हा फोमोननाय समावनो बिगाफायाव 6-7 गारिसो फेसेवनाय हासार एबा गोबोर हासार होनांगौ। रासायनिक हासारखौबो हा एवनायनि समावनो होनांगौब्लाबो गाइनायनि सिगां लडा एबा हाखरावल' होलाडोब्ला साबसिन जायो। बे आदबजों हासार सारोब्ला नाथाय हासारखौ हाजों श्राय-श्राय फवनांगौ जाहाथे

आलुनि जोलैआ हासाराव नांनो मोना। गाहायाव रासायनिक हासार बाहायनायनि बिबांखौ होनाय जाबाय।

हासारनि मुं	बिगा/के.जि. दै सोनो हायि	बिगा/के.जि. दै सोनो हानाय	निउट्रिन	बिगा/के.जि. दै सोनो हायि	बिगा/के.जि. दै सोनो हानाय
इउरिया	19	19	N	8	8
सुफर फसफेट	45	90	P ₂ O ₅	6.5	13.5
मिउरियेट अफ फटास	12	24	K ₂ O	6.5	13.5

गाइनाय आदब आरो बोथोर: आसामाव आलु गाइनायनि गाहाम समआ अक्टबर दाननि गेजेर बाहागोनिक्राय नभेम्बर दाननि गेजेर बाहागोसिम। अदेबानि 'कुफ्रि सिन्दुरि' मुनि जातखौ डिसेम्बर दाननि गेजेर समसिम हालागैबो गाइनो हायो।

आलुखौ मोननै आदबजो गाइनो हायो, 1. आलि खोनाय आरो 2. जिगाब खोबनाय। आलि खोनायै गोयोब्ला मै होनायै समान खालामनाय हायाव 50 से:मि: जानथायाव नांगोलजो लड बोनानै लानांगौ आरो बे लडआव सोदां खानाय जोलैखौ 15 से:मि: जानथायाव थरफा-थरफा गारलां नांगौ। बेदरनि गाजाखौ साथिं दोननानै गाइयोब्ला साबसिन जायो आरो गाजाया जाहाथे बाइस'नो आरो दुखु मोना बेनि थाखाय एसे जोथोन लानानै गाइनांगौ।

आलु थिलिखौ जिगाबजो खोबनोब्ला लडनि जानथाइखौ गोबोसिन खालामनो हायो मानोना बेवहाय आलि खोनांगोनि गोनांथि जाया। गाइखानाय लोगो लोगोनो जिगाब खोबनानै होनांगौ। नोजोर होनांगौ दि आलु बेदरा जाहाथे सायाव नुजानानै गोथां गाब लानो मोना। सान्दुं नानानै गोथां गाब लानाय आलुखौ जाब्ला देहानि खहा खालामो। बेनिखायनो हा एबा जिगाब जिखि-जाया मोजाडै खोबनानै होनाया गोनांथार।

दै सोनाय:- आलि खोनायै गाइनाय आलु थिलिआव गासै खनथाम दै सोनांगौ। बिफां रज'नायनिक्राय फारियै 25, 60 आरो 80 साननि उन उन। दैखौ आलिन गेजेर गेजेर सोनांगौ आरो जाहाथे आलिफ्रा दैआव गोदोआ बेखौ नोजोर होनांगौ।

आबाद रैखा खालामनाय:-

क) एम्फौ-एनलानिक्राय:- हायाव थाग्रा एम्फौ जेरै-उरि, खुसें आरो एम्फौ लुथुरमाइफोरनिक्राय आलुनि बिफांखौ रैखा खालामनोब्ला गिबि खेब आलि एबा बाथि खोनाय समावनो बिगाफायाव 2 कि.ग्राम Phorate 10% (Thimet 10 G) Malathion 5% गुन्दै मुलिखौ 5.3 कि.ग्राम बाथिआव सारनानै होनांगौ। थाव गुबै फेरेंदनायनि साबा (Oil CAke) खौ गुन्दै खालामनानै गिबि खेब आलि खोनायनि समावनो बिगाफायाव 20-25 के.जि.सो बाथिआव सारनानै होयोब्ला हायाव थाग्रा एम्फौ-एनलानिक्राय रैखा जायो। मुलिखौ बाथिआव सारखानायनि उनावसो हाखौ खोनांगौ जाहाथे मुलिआ हा सिडव थाबाय थायो।

बिलाइ आरो बिफां जाग्रा एम्फौफोरखौ होखारनो थाखाय Malathion 50 E.C. मुनि मुलिखौ बिगाफायाव 80 लिटर दैआव 200 मि:लि: जखायै एबा Dimeeron 86 E.C. मुनि मुलिखौ 80 लिटर दैआव 96 मि:लि: जाखायै फारनैबो बिलाइआव नांजासे मोजाडै सारनानै होनांगौ।

ख) बेमार-आजारनिक्राय:- आलुनि देरसिन बेमारनो जादों, 'लेट ब्लाइट' एबा महामारि। बेनि अनगायैबो Early Blight, Fusarium Wilt, Bacterial Wilt आरो बाइदि रोखोमनि बेमारफोरबो जानो भागौ।

डिसेम्बर दाननि जोबथा बाहागोनिक्रायनो जानुवारी आरो फेब्रुवारी दानसिम लेट ब्लाइट बेमारा जायो। बांद्राय सुहाबनाय, खुवा खुनाय आरो जोमै दाखिनानै सान्दुं नांनो मोनाब्लाबो बे बेमारा सोमजियो आरो लोब लोब बारायगानो खाबु मोनो। बेयावनो अखा हायोब्ला बे बेमारा बारायनो आरो थाबै साग्लोबनो साबद्राय सिनो। बे बेमारखौ सिनाइनायनि लैखोनआ जादों बेनि बिलाइआव बादाम गाबनि दागो जाग्रोयो। दागोफ्रा लासैनो अरलानानै बिलाइ आरो बिजौफ्रा राननानै बिफाड थैलाडो। साननैसोनि उनावनो गासिबो बिफां मानिआ राननानै थैबुं लांजोबो। बे बेमारखौ होबथानो थाखाय आलुनि बिफाड 6-7 इन्सिसो गोजौ जाब्लानो Indofil M-45 मुनि मुलिखौ 15 साननि उन उन 1 लि: दैआव 2.5 ग्राम मुलि लागाइनानै बिलाइनि फारैनैआवबो नांजोबनाय बादि सारनानै होनांगौ। लोगोसे Ridomil MZ-72 मुनि मुलिखौबो 12 साननि उन उन सोलाय-सोल' खालामनानै सारोब्ला खामानिआव होसिनो। बोथोरा अखा हागोन बादिब्ला 'श्राइटन' मुनि मुलिखौ लिटरसे दैआव 0.5 मि:लि: जखायै गुबै मुलिजो लागाइनानै सारफानानै होनांगौ। गाहायाव मुलि सारनायनि आदब आरो बिबांखौ दिन्थिनानै होनाय जाबाय।

खेब	सान	मुलिन बिबां	दैनि बिबां
सेथि	30 सान जाब्ला	250 ग्राम मुलि	120 लिटर दै।
नैथि	15 साननि उनाव	250 ग्राम मुलि	120 लिटर दै।
थामथि	15 साननि उनाव	300 ग्राम मुलि	150 लिटर दै।
बैथि	15 साननि उनाव	350 ग्राम मुलि	175 लिटर दै।

ब्लाइट बेमारखौ होबथानो हाग्रा माखासे जात जेरै, टि.पि.एस.कुफ्रि ज्यलि, कुफ्रि सिन्दुरि आलुनि जोलैखौ गाइयोब्ला बे बादि थैबुं जानो गिनांगौ थाया। 'लाल पाहारि' मुनि लकेल आलुखौ गाइयोब्ला खुसें आरो उरिफोर आरो लुदुरमाइ एम्फौफ्रा जानो हाया जायो।

आलि ब्लाइट बेमारा डिसेम्बर आरो जानुवारी डानआव बांसिन जायो। लेट ब्लाइटनि बादि बेबो सिगाडव गोमो (बादामि) गाबनि दुलुर दुलुर दागो जाग्रोयो आरो उनाव गोजौथिं दावखो लानानै बिफांखौ बुथारो। बे बेमारखौ होबथानो थाखायबो लेट ब्लाइटनि मुलिखौनो 15 साननि उन उन सारबाय थानांगौ।

बिफां लहायनाय बेमार (Fusarium Wilt, Bacterial Wilt) जायोब्ला जाहांनाय समावनो बिफांखौ फुनानै फबनानै दोननांगौ आरो हा सोलाइनानै आबाद मावनांगौ। बेमार जाहांनाय एबा जायनि सिगांनो फुनानै फबनानै दोननांगौ आरो हा सोलाइनानै आबाद मावनांगौ। बेमार जाहांनाय एबा जायनि सिगांनो Streptocycline मुनि मुलि गुन्दैखौ 1 लिटर दैआव 1 ग्राम मुलि लागायनानै आलादायै एबा Copper Fungicide (Blitox-50) मुलिखौ 1 लिटर दैआव 2.5 ग्राम जखायै जथै लागायनानै बिफांनि गुदि गुदिआव सारनानै होब्लानो बेमारा जायो। आलु जोलैखौ 1000 PPM streptocycline मुलि लागायनानै दैआव सोमहाबनानै गाइब्लाबो मोजां जायो।

★★★

लावदुम बेदांनि रोनावनायः

॥ गां आरो गं ॥

बाधाय जुरि जादोमोन दस्राये, नाथाय सिलिं लांनयसै गुबुं दसाथिडैसो।

: नौनि बादिब्ला जोंहा होमब्ला दुखु जानांगौनिखुइ सुखु जानांगौनि फारि जाहोनआसो बांसिन दंसै नडा, नडा होमबा फंबाय जोंखोल ?

: आलबद नंथारगौ, लावदुम दा। नांगौ जायोब्ला आंथ' एंरा बावगोन..... बर' हारिनि आइथिडा आइथिल' नंला, दा गां-आइथिं सो जाबाय। गां-आइथिं..... गोसो जाब्लानो खारनो हायो आरो नांगौ जाब्लानो बिरनो हाइो।

: मोनसे बाधालै फंबाय, नौथ' बुंबाय..... बर'हा आइथिडव गां रज'देरबाय होननानै, नाथाय गाडवथ' आइथिडव रज'नो नाडमोनब्रा। रज! थारनांगोब्ला गांखुंनि गुदिआवसो थामहिनबा फाखोनाखनिफ्रायसो जुरिनानै थारला आखाइ बिजौसिम रज! नांगौमोन। अब्लासो नेसेरेल ल! बाइदियै। एसे आख'-फाख' जानाय नडा होनलाय.....बिरनाय, बानायफ्राव? दाउफोरखौ नाइ। बेसे जुथे बिरदाउयो, बाग्लाइयो बिसोरो गांखडव गां मोननानै। मा दाउल'मानसिआनो बानायनाय एर'प्लेनखौ नाइ मानो?

: जाहोन दंसै लावदुमदा। बाधालेखौ नौसोर सोब-समाइ मा मोनसेल' मडेलजौ साननो हायोब्रा? साननाय-हनायफ्रावबो बे गांनिनो दोरखार जानानै फंबायलै आदा। समनि दाबि।

: जा नुबाय फंबाय जोंखोल, नौं दिने गांजौनो बुंफव जाजोबबायलै, --जामाव-जुमावनो।नौनि आथिडव गां..... नौनि आखाइआव गां..... नौनि मेगनआव गां..... नौनि खर'आव गां..... नौनि..... गां गां गां आरो गां.....।

: हा... हा... हा... हा...। जानांगौ जानांगौ लावदुमदा। एखनब्ला एखनब्ला बेबादिनो जानांगौ। दोरखार दं।

: दोरखाराथ' दंसै फंबाय। जोबोद दोरखार दं। आंबो मोनसे समाव जोबोद लुबैदोमोन। आनि गांखडव थामहिनबा आनि आखान्थि गुदिआव धुब्रांनो धुबगाव गां रज' जानो। नाथाय बेबादि होननानै आनि गांखडवखि

थारैनो गां रज' मारदोमोन होनलाय? रज'आखै। सम्भव नडा। नडाब्लाथ'.....गां रज'मारोमोनब्ला.....।

: नडाब्लाथ! मारना आदा..... रज! मारोमोनब्ला.....। दाबुंसै फंबाय जोंखोल, हाइ.....। आं नौसोरनि बे राइजोआवनो दा गैयामोनब्रा फंबाय। गोदो-गोदायनो आनि खाखैबखौ बिखुडव बानानै बिरलानानै बबेबा निजौम दीपआव रंगिना-संगिना राइजो जाग्रो हैखांसिगौ आरो दाबो जाबाय थसिगौ..... राइजोखौ।

: हाबाब आदा! नौनोसो बिदिब्ला गांखौ गोदो-गोदायनो सिगां नांग्रोगौमोनलाय माथो।

: आं उन्दै समब्लानोलै फंबाय। जौना गामिआ गलाय-मोनदेर हारिनि गामिफोरजौ बेंखन जानाय। गामिआवबो नै बे बर' नखरसेबा बै हारसा नखरसे। बेवहाय हारसा नखरनाब्ला, बैआव बर' नखरथाम। सानसे खालि होनजेन जादौं, ऐ बर' जाति, तुइ बारा खाइआ आहिसे ना एन्दुर खाइआ आससे रे? ना सामका खाइ आइस?

: बोरैब्रा लावदुम दा? बंभाव आरो मानो होनजाखो नौंलाय?

: इस्कुलावलै..... ओरैनो। ओरैनो होनजादौं नाड-गारा। मा बुंनो जोंखोल फंबाय, हैदिनखौ बाद होबावदो। ऐदिन सानथाम सानब्रैसोआ आं दलरै थारनो हायाखैमोन। गावनो गाव दुनश्राइला बायदोमोन आं। गोसो सिडवदि..... मानो..... माखौ रागा जोंखलाबनानै गोदौ ग्लाबबाय थाखो। ना गावखौ बर' होनजानोसो बादोमोन, ना बर'आवसो लोगोसे जाति लागायदेरजानानै बर जाति होनजानायखौसो सुखुवाखैमोन, ना अमा-एन्जर, साम' जाग्रा होनजानोसो बादोमोन...मुथ'थे सानथाम सानब्रैसोआ बुंजा खाय।

: हाबं, नौबो एसेल' रागा खदिरा नडमोनलै, उन्दै समाव। एल.पि. इस्कुलनि सम नडसै, लावदुम दा?

: नंगौलै, एल.पि. इस्कुलाव फराइनाय समावनो। बुंफिननो हाया राइफिननोबो हाया।

: बोरैथो हानोब्रा आदा नौंलाय..... बै समावलाय। साइसआवबो लोमखायामोन। जातिआनो होमब्ला माबा

मुंसे इनफेरिअ'रिटि कमफ्लेक्सआव लोमजानानै जुब्रा जानानै दंमोन ना आदा?

: होमब्लाना आंबो ओरैनो नागाराखैमोनलै, फंबाय। बिस्त्रानि दान्दायाव होनाय हालुवा माब्रैनि दुरुंखौ थबस' थबस' दानस' हैखोमादोमोन आं, सानसेखालि सानसुथिर समाव।

: थोर... लावदुम दा। फाग्ला फाग्ला। हा... हा... हा...।

: अब्लानोलै फंबाय, आंनोबो गां नांगौ, गां नांगौ सानफ्लाइनाया। गां रज'ब्लानो बबावबा रावबो गैयि हादोरआव बिरलानानै आंनिया। थाहैनोसैबो बैआवनो। हे... हे... हे... हे... बाडलिफोरखौबो खम गियोमोनलै आं सिंजौं सिं। थगाइ जागोन साननानै। हाथाइनिफ्राय सोरखौबा दुमब्रांनं जलंगाजौं गांनै गांथाम आबुं खंखला केरसिन, थाव गुबैनि थिं थिं थिं थिं थिं हरनानै फैनाय नुब्ला--सिरि सिरि गियोमोन आं, --हाब। माबोरै बेबादि हाथाय जाहैनोलै आं, देनां। गलादार बाडलिफ्रा आंखौखि एसेल' थगाइगोन नालै।... हे... हे... हे...। बेखायनो आंनो गां नांगौमोनलै फंबाय,बै समावनो।

: थैगोनलै नौंजौं आदा,थैमारगोन। बे हादोराव बर' जाति होननाय जिरादआनो थाग्लासिगौमोन दाहालागै। बयबो नौं बाइदि बिखुडव सोरखौबा नडा सोरखौबा बानानै गां बुब्राव बुब्राव बहाबा जाइखार लांनसिगौमोन गोदो गोदायनो। बेबो बे मोनसे जाहोननि थाखायनो। बे जातिनि थाखायनो। बर'आ बर'ल' मोनजाया बालानो बर'जौं जाति दाजाव जानानै... बर' जाति होनजानायखायनो। नडा होमबा, लावदुम दा।

: जोबोद नांथारोमोनलै, फंबाय। ज्लाउ-ज्लाउ आलौथारोमोन। बिखुं बेरलाबनायाव फानलु गोरान गुन्दै दाफबनानै होजानाय बाइदि।

: नाथाय लावदुमदा... बे जिरादनिफ्राय, बे जाति जिरादनिफ्राय नौसोर बारग' हाबाय होनलाय। हाथाइ बाजार, अफिस गला, लामा सामा....।

: बारग'नोबो लुगै खानाय नंला फंबाय। लावदुम बादिआ। थोआ थोआसो मोनबाय दानिया। सोरबाफोर आगोलावबो उनावबो जातिखौ लागायनानै गाबज्रिब्लासो गोजोननाय मोनगोन आं... ऐ... जाति बर' जाति.....।

हा... हा... हा...।

: मानोलाय आदा...?

: नेसेरेल, जोबोद नेसेरेल। Gradual adaptation and building up of strong, immune system to diseases. थासारिजौं गोरोबनानै लासै लासै बेरामनि बेरेखा होवथा गोहोखौ फोगोमनाय। एल.पि. स्कुल बैसोआवथ' गां रज' जानो लुबैनायखौ नौं मोनथि खाबाय। नौं मोनथि खागौना... कलेजआव फराइब्ला आं मा रज' जानो लुबै लायखो?

: नै... कलेजआव आरो दसा गुबुनबाव? मा मोनलाय बेयो लावदुम दा?

: गं.....।

: मा...? माबि होन्दौं?

: गं.....

: गं..... मा गं?

: सौग्रा गं.....।

: रज' दौमोन फाय

: अउ रज'दौमोन।

: बोरो खर'आ... दा नौना गैला।

: हे... हे... हे... हे...। नौं दहाय बुडाखैमोन होमबा... बर' हारिनि आइथिड आइथिल' नंला, गां-आइथिं सो जाबाय होननानै, गोसो जायोब्ला खारनो हायो आरो नांगौ जायोब्ला बिरनोबो हायो। बिदिनो आंनवबो गं रज'दौमोनलै, फंबाय... कलेजआव फराइनाय समाव। सौदोमोनबो आं सोरखौबा सोरखौबा... आनि गंजौं लामैनो।

: हाबाब ... नमस्कारलै आदा। नौंखौ भगब्रान होननानै खुलुमथारगोन आं। आंनोबो गौ नांथारगौलै। गंनै नडाब्लाबो आसामनि गान्दा बाइदि गैथाराबो गंसेखौनो। गांजौल' खामानि जायलै आदा, दिनैनि दिनाने, गंखौबो नांथारगौ।

: दे बिदिब्ला फंबाय जोंखोल... गावसा लायदिनि। नै आंहा जलंगायाव दालि थपलासे दं। मैया गलादार बरपेथिआ गथ'आ बाखुरा खाफबनाय बेसेबा बोराइ मुसुर दालिखौनो हरनायानो, थगायनानै। हाथाइआव हाबलांथार नांगौ।

: दे आदा गोजोन्थौं।

: गोजोन्थौं।

★★★★★

बान्था

➤ **नबेल बान्था:** स्वीडनमि बिगियानगिरि, डिनमाइट दिहुनगिरि ड: आलफ्रेड नबेलआ मोनबा आइदायाव जुनिया मावफुयाइनि थाखाय बोसोरप्रोमबो बान्था होनो लुबेदोमोन आरो बेनि थाखाय मोनसे ट्रास्टआव गोबां दोहोन होलांदोमोन। 1896 माइथाइआव नबेलनि थैनाय समसिम बे राख 9,200,000 डलार जाबायमोन। बे रांफोरखौ सामलायनो होनो स्टकह'मआव थानाय नबेल फाउन्डेसन नाइबिबिरि आफादनो होनाय जादों। बे बान्थाखौ गिबिआव मोनबा आइदानि सायाव होनाय जादोंमोन। बेफोर जादों, मुलि, गोजोन, थुनलाइ, मुवा बिगियान आरो रसायन। नाथाय 1968 माइथाइआव सुइस बैंकनि हेफाजाबजों 1969 माइथाइनिक्राय रां बिगियाननि सायावबो होनाय जादों। बेखौ लाफाननै दा गासै मोनड' आइदायाव होनाय जायो। बे बान्थायाव मोनगिरिफ्रा नोगोद 1.3 मिलियन डलार होनाय जायो।

2003 माइथाइनि नबेल बान्था मोनगिरिफ्रा जादों, मिस शिरिण इबादि: गोजोन नबेल बान्था। जनस् मेक्सवेल क'वैट्जी: थुनलाइआरि नबेल बान्था। "Quantum physics concerning super conductivity and superfluidity" नि सायाव हाबा मावनायनि थाखाय 2003 माइथाइनि मुवा बिगियान आइदानि नबेल बान्थाखौ साधाम बिगियानगिरिफोरनो होनाय जादों, बेसोर जादों, रासियानि एलेक्सि ए.आब्रिक'स'भ, भिडालि एल. गिन्जबार्ग आरो ब्रिटेइननि एन्टी जे. लेगेट। रसायन बिगियाननि नबेल बान्थाखौ होनाय जादों, आमेरिकानि बिगियानगिरि पिटार आग्रे आरो रडिक मेकिनन बिथां मोननो। आमेरिका निउ इयर्क बुहुम फरायसालिनि रां बिगियानगिरि रबार्ट एफ. एन्जेल आरो केलिफर्निआ बुहुम फराइसालिनि फोरोंगिरि ब्रिटिश रां बिगियानगिरि डब्लिउ. जे. ग्रेन्जारनो होनाय जायो।

➤ **गान्धी गोजोन बान्था 2003:** चेक हादोरुनि आगु हादोरगिरि बाक्लाभ हाभेल बिथाइ जोबोद गोब्राब बेले-बेजे थासारिनि गेजेरावबो गान्धी खान्थिनि राहाणौ गोजोन लाबोनो आरो सुबु मोनथाइखौ गाइसनायाव गोबां बिहोमा होदों। बेखायनो 2003 माइथाइनि 'गान्धी गोजोन बान्था'खौ होनो साइख'नाय जादों। बे बान्थायाव मोनगिरिफोरनो से कौटि रां होनाय जायो। बे बान्थाखौ गिबिनिफ्राय मोनबोनाय सोद्रोमाफ्रा जादों, धानजानियानि आगु हादोरगिरि जुलियास के. नाइर्रे, खोला आफ्रिकानि हादोरगिरि नेलसन मेण्डेला, जार्माननि डा: जेरहार्ड फिशार आरो भारतनि बाबा आमते।

➤ **नेहरु थुनलाइआरि बान्था 2003:** बैसो गोरा आरो जिउ लाव सोल्लोथाइनि बुहुमनां फसंथान सुंथागिरि आरो भारत थुनलाइआरि आफादनि लेइइ सेयारमेन प्र: भवानि शंकर गार्गनो 36 थि नेहरु थुनलाइआरि बान्था 2003 खौ होनाय जायो। बे बान्थाखौ भारतआरि बैसो गोरा सोल्लोथाइ आफादआ होयो। बे बान्थायाव मान बिलाइजों लोगोसे गांसे जोमग्रा जि आरो नोगोद थामजिसे रोजा रांबो होनाय जायो।

➤ **मिस इन्टारनेसनेल बान्था 2003:** देगलायनि से अक्ट'बरआव जापाननि टकिअ'आव मिस इन्टारनेसनेल 2003 बादाय लायनाया जानां थाडे। बुहुमनि गुबुन गुबुन हादोरनि सा 49 बादायगिरिफ्रा बेयाव बाहागो लादोंमोन। मिस भेनिजुवेला गइजेदेर आजुवाया मिस इन्टारनेसनेल, मिस इन्डिया सनालि नाग्रानिआ सिगां रानारआप आरो मिस फिनलेण्ड स्वेइ पाइविकिआ नैथि रानारआप जायो।

★★★★★

सैरोथोन-37

एग्र' इन्डास्ट्रिएलाइजेसनआव दुलाराय बर' आबादआरि आफादनि आगानसे कक्राझाराव पाछावलि डिस्टिलेशन प्लान्ट बेखेवदों.

दुलाराय बर' आबादआरि आफाद (दुबा)नि बैथाव- थांथाव नाजानायाव थांनाय 3-11-03 ई अक्टआव कक्राझारनि चन्द्र पारायाव गंसे पाछावलि थाव फेरेदग्रा कारखाना बेखेवनाय जायो। कारखानि दरजाखौ बेखेवदों लक' सभानि एम.पि. मुसि सानसुमा खूंगुर बैसोमुथियारीआ आरो फेरेदग्रा मेसिनखौ बइलारआव अर फोनांनानै बेखेवदों राइजो सभानि एम.पि. मुसि उरखाव गोरा ब्रह्मआ। लोगोसे 285 के.बि. पाछावलि बिलाइ गोरानजों थाव फेरेदनाय हाबाफारिआबो जागायजेनो। फेरेदनाय खामानिआ मेसिनआव बोर जायो बेनि आदवखौ राइजोफोरनि सिगाइव थख'-थख' दिन्थिनानै होदों NEDFI नि सिनियर सायेन्टिस्ट (R & D) ड: एम आहमेड बिथाइ।

कारखाना बेखेवखानायनि उनाव मुसि बिश्व कुमार ब्रह्मनि दैदेननायाव मोनसे गेवलां मेल जधुमो। बे मेलाल एम.पि. एस.के. बैसोमुथियारि, मुसि इउ.जि. ब्रह्म, NEDFI नि अफिसारफोर आरो बर' साहित्य सभानि आफादगिरि मुसि ब्रजेन्द्र ब्रह्म, दुलाराय बर' फरायसा आफादनि आफादगिरि मुसि रबिराम नार्जारी, नेहाथारि मुसि रोन गोरा नार्जारी, बि.एल.टि.नि सेयारमेन मुसि हाग्रामा बसुमतारी आरो गोबां बर' एम.एल.ए.फोरजों लोगोसे ओन्सोलनि फसंथानफोरनि दैदेनगिरिफोरबो दंमोन।

दुबानि सुलुंनिक्राय मोनथिनो मोन्दोंदि, खनसेनो 800 के.जि. बिलाइ गोरानखौ फेरेदनो हाग्रा बे डिस्टिलेशन प्लान्टखौ लुफुनायाव गासै 6,00,000 (ड'लाख) रां बाहायनाय जादों। मुसि इउ.जि. ब्रह्म बिथाइ गावनि बाहायथि फान्डीनफ्राय बा लाख होदों आरो मुसि एस.के. बैसोमुथियारि बिथाइ गावनि बाहायथि फान्डीनफ्राय से लाख रां होदों। बेनि अनगाबो बे प्लान्टनि थाखाय गोनां जाबावनाय रांखौ एम.पि. आरो ओन्सोलनि एम.एल.ए. बिथांमोननिक्राय मोनबावनायनि मिजिं थिदों। बुहुमनां बाजाराव जायगा आवग्रिनानै लानो हानाय फाछावलि

आबादनि बाहायथि आरो खाबुखौ जायगायावनो मोननो हानायनि थाखाय जायगानि आबादआरिफोरा गोजोननाय फोरमायसोलायदों आरो बे आबादखौ खालामनानै गोबां मुनाम्फा आर्जिनो हागोन होननानै मिजिं खालामनाय जायो। लोगोसे दुबानि मावथिफ्रा बे आबादखौ खालामनानै मुनाम्फा आर्जिनो राइजोनि आबादआरिफोरखौ हांखायदों। ★★

कम्पिउटारनि गोदानसिन सोमो नांथाव दिहुनथाइ

गोदोनिक्रायनो दासिम बिगियाननि दिहुनथाइफोरा सोमो नांथावयै जाबो गासिनो दं, गोमोखोनि कम्पिउटार दिहुननायनि जारिमिनआव फिसानिक्राय फिसा जाबो गासिनो दं। बेफोरनि मादाव दा दिहुननो लानाय पि.सि. मडेलनि कम्पिउटारआ आगानसे सोमो नांथाव महूर नुजाथिनो लाहार-फाहार जाबाय। बे रोखोमनि कम्पिउटारखौ वेरलेस कम्पिउटारनि आदोवजों पकेटआव लानानै दैबायनो हानाय रोखोमनि बानाय जादों।

आगोलनिक्राय दिहुनबोनाय कम्पिउटारफोरखौ जों फारियै मोनथिनो मोनो—इउनिभेक्, पिडिपि-11, पिसि-पेन्टियाम, पेन्टियाम-2, पेन्टियाम-3 आरो दा पेन्टियाम-4, बेनिनो लेप-टपआबो पिसिनो मोनसे बाहागो।

निउ सायेन्टिस्ट खौरां लाइनि खौरां बादिब्ला बे कम्पिउटारआनो बयनिखुइबो फिसासिन आरो मोनसेआवनो गासिबो थाजोबनाय (फुल फिसार) मोनसे आल्ट्रा मडार्न कम्पिउटार। बेजों लोगोसे डिजिटल केमेराबो नांजाबफानानै थाबावगोनसो। बेजों सावगारि दैखानानै इन्टारनेटआवबो फोसावनो हानायनि राहा दं। मख'थावदि, बेनि बेसेना बै रोजा डलार जागोन। बेनि सिरथाइआ 6.2 आउन्स। बेहा गावहानो 4803320 पिस्केलार लेण्डस्केप डिसप्ले स्क्रीनबो दंफाखायो। सानी कम्पानीजों दिहुन जानाय बे कम्पिउटारखौ लेप-टप-इउ. एक्स.-50 मुडै मोनथिनाय जागोन। एसेल' समनि मादावनो बाजाराव दिहुननो हागोन होननानै खौराडव बुंथिदों। ★★

सैरोथोन-40

एफ्र'-एसियान गेमसनि फिथाइ

एसिया आरौ आफ्रिकानि गेजेराव अराय गोजोन खौसेधि लाखिनानै सोलि लांबाय थानायनि थांखिजौं खुंनय गिबि खेबनि एफ्र'-एसियान गेमसआ थांनय 1 नभेम्बर, 2003 अक्ट'आव जोबनानै थांबाय। गासै गं 95 हादोरफोरनि 2,000 एथलिटफोरनि गेजेराव 9 सान जुजि लायनाय आरौ बादायलायनायनि उनाव बि.एम.सि. बालाय 'गि स्टेडियामआव जोबोर जोगा-मागायै जोबनानै थांबाय। गासिबो गेलेनायाव बाहागो लागिरिफोरनिस्मि डः ए.पि. जे.आबुल कालामआ हामब्लाईथि रादाबजौं लोगोसे बे बादायलायनायनि जोबनायखौं फोसाव हरो।

अन्ध प्रदेशनि हाइ-टेक सहर हाइद्राबादआव जानाय बे गेमसआव सिगां सारिनि गेलेग्राफोर बाहागो लाफैनो हायाखैब्लाबो भारतनि गेलेनाय मोजां मोनग्रा राइजो-राजाफ्रा बे आन्तरास्ट्रीय गेमसखौं नाइनो खाबु मोनो आरौ इयुनि थाखायबो भारतआव लामा गेवयो।

एफ्र'-एसियान गेमसआव मेडेल लानो हानाय फारियै मोनबा हादोरफोर :-

हादोरनि मुं	सना	रुपा	बन्ज	गासै
साउथ आफ्रिका	10	11	15	36
करिया	7	6	11	24
आलजेरिया	7	6	9	24
कमबाइन्द आफ्रिका	6	4	0	10
उजबेकिस्तान	7	2	3	12

सानसेखालि मोनसे राजा लामा सेरनि आदडा 'हा आंहाबो! आंबो हारसिनो रावनिबो मोखां नाइआ सालिआव जनानै पल्टनफ्रा गाव गावनि गल्प मारिबाय जासे दावहा थिलिआव आखि-आगदा थुंथि सिबनानै थादौं। बेखौं नुनानै नासिरुदिना बै पल्टनफोरनि सल 'फोरखौं खोनासंबाय थादौंमोन। सल 'नि गेजेरावनो सासे पल्टनआ बुडो-

'धै-थां दावहा नांफुबाय थानायनि गेजेरावनो आं आखाइआव जोनो जोनो थुंथिखौं लानानै एदे बादि बार हुंखा बादि होसो लाडोदि बेखौं नुनानै सुथुरफ्रा जिउखौं आखाइ मोजोमाव हमथुमनानै जाय जैरे मोनो फोरसा-फोरसि लांफेथा होयो.....'

बिनि बिबुंथि जोबस्ताव मोनि गुबुन सासे पल्टनआ बुडो, आधिंखौंसो दानस 'आ?'—सासेआ सोडो। 'मानोना बिनि गोदोनाखौं सोरबा आगोलआवनो दानस' लांबाय।'—नासिरुदिना आ लासैनो फिननाय होयो।

नासिरुदिननि सल



बेफोर बाशाखौं खोनानानै नासिरुदिनआबो दुंगा खानानै बुंनयसै, 'आंबो आंबो। सानसेखालि दावहा थिलिआव सासे सुथुरनि आधिं थौंसेखौं थवस' दानस 'नानै होथारदौं आं।'

नोथाडा बिनि गोदोनाखौं दानस 'आ बालायनो मानोथो

★ ★ ★ ★ ★

रौरोथोन-41

—सोरां मन्जु बर! थियेटारनि बिगोमा मुसि चन्द्रकान्त मुसाहारीजौं दान्दिसे:

गोसो जायोब्ला हारि मोनसेनि हारिमु, राव आरौ धुनलाइखौं जोरसारै लाखिनो एबा जौगाखां होनो, जौ जाय जैरे हागौ एरे मोनफा थि आइदायाव नांथाबनानै सिबि लांनो हायो। हारिनि साननो-हनो गोरौं गोसो गुदुं, सांघ्रां साफ्रोमबो सुबुडनो बेफोर हाबाखो मावलां नांगौनि बिबान दं। हारिमु आइदायाव गोबाव सम 1975 माइथाइनिफ्रायनो दासिमबो गावनि आंगो जिउखौं जात्रा गाननिफ्राय जागाय जेननानै थियेटार मुगासिम गावखौं होसोमनानै सिबिबोनाय सासे मेंनो रोडि 'बर' फिसाखौं 'रौरोथोन' नखरनिफ्राय थांनय



चन्द्र कान्त मुसाहारी

17-10-03 अक्ट 'खालि सा-काजोल गामिनि हाथाइ सालिआव गाफैनाय बर 'नि साबसिन बर' थियेटार 'सोरां मन्जु 'नि बिगोमा मुसि चन्द्रकान्त मुसाहारीखौं लोगो हमनानै नाइजाब दिन्थिफुंनयनि माखासे बिधिंजौं लोगोसे हारिमुनि बागैबो दान्दिसे सावराय लायनाय जादौंमोन। गाहायाव बेनि राइजलायनायनि गुबै महरखौं दैखानानै होनाय जाबाय।

रौरोथोन : नोथांनि गामीआ?

मुसाहारी : आमड' लेछेरा। पाटशाला टाठननि 1.50 कि.मि.सो सोनाबहा। जिलाया बरपेटा।

रौरोथोन : नोथाडा बे आफादखौं गाइसनाया बेसे गोबाव जाखो?

मुसाहारी : आंथ' बे आफादखौं गाइसनाया गोबावसे, 1975 माइथाइआवनो।

रौरोथोन : नोथांनि बे आफादआ जोनोमनिफ्रायनो 'सोरां मन्जु' होननानै मिथि जाबोदौंमोन नामा एबा सोरां मन्जु माबै जाबोखो?

मुसाहारी : अदेबानि गिबिआव दानि बे सोरां मन्जु थियेटारा बै समाव सोरां मन्जु मुडैमिथि जानाय नडामोन। बेखौं सोरां मुडैल 'मोनथि-गौमोन। बै समाव सोराड दानि जात्रा गान बाइदि लांदां-फादाडैनो दिन्थिफुंनयमोन। लासैनो बेखौं सोरां मुजौं लोगोसे मन्जु दाजाब देरनानै 'सोरां मन्जु' आवुं मुं दोननानै मबाइल थियेटारआव महर होनाय जादौं।

रौरोथोन : नोथांनि बे थियेटारखौं गिबिआव बबेद दिन्थि जेन्दौंमोन?

मुसाहारी : शालबारि हालामनि उलुबारि (बरपेटा) गामिआव।

रौरोथोन : मुसाहारी नोथां, बुंनो थाडोब्ला नोथाडा बे आफादखौं गाइसनाया दिनेसिम 29 बोसोर बारलांबाय, बे एफा गिलिर बिबानखौं हाया-



पद्मधर बसुमहारी

हाया लेर लेर बाननानै दिनेसिमबो नां थाबनानै थानायनि बे मैखोम थुलुंगाखौं एबा मोन्थोरखौं सोर होखो? मुसाहारी: (मिनिनानै) आंहा बे हारिमुनि सायाव सेंग्रा समनिफ्रायनो जोबोद इन्टरेस्ट दंखायोमोन। बेखायनो बे

मोन्थोरखौं आंनो रावबो फोरौलाडाखौं। हारिमुखौं सिबिनायानो आंनि साधना।

रौरोथोन : बिदिब्ला सोरां मन्जुखौं लानानै धारैनो नोथाडा माबा मोनसे सिमां दड'मोन नडसे?

मुसाहारी : नंगै, बे सिमांखौं आं महरबो होबाय। आवुं नाइजाब आफाद महरै सोरां मन्जुआ समाजनि गेजेराव सोग्राव-सौसि हाबहैनो हाबाय।

रौरोथोन-42

রৌথোন : বেখী লানানৈ নোঁথাংহা গোজোনায় দনা গৈয়া ?
 মুসাহারী : দঙ'! সোঁরা মনুখী মের হোনো থানায়াব
 আঁ গোবা জেনাজোঁ মোগা-মোগিৰো জাৰোদোঁ।
 থেবৰো আঁ দাসিম জেনানৈ থাদ'আখৈ।
 রৌথোন : আত্সা নোঁথা, জেনা হোনানৈ গুৰৈ নোঁথাং
 মা বাইদি জেনাফোঁৰজোঁ গোঁখোঁঙে মোগা-মোগি
 জাৰো নাঁদোঁ ?
 মুসাহারী : জেনায়া গুৰৈ—নখরনি, রাজখান্থিনি আরো
 রাংখান্থিনি বেফোঁৰনো আরো....!
 রৌথোন : নোঁথাং এসে গুৰৈ ফোঁৰমায়বলা মোজা জাগী।
 মুসাহারী : অ:..... নখরনি জেনায়াবো মোনসে গেদেৰ জেনা।
 বেফোঁৰ হেঁথা থায়েবলা নোঁথাং নোঁথানি থাখিখী
 মের হোনো থানায়া গোঁবাব জায়ে। আঁ গাবনো
 গাব বেফোঁৰ জেনাজোঁ মোগা-মোগি জানাদোঁ।
 লোগোসে রাজখান্থিনি বারআ বর' হারিনি
 খর' সাজোঁ গোবা বারলংবায় আরো দাবো
 বাসগাসিনো দ'। বেবৰো গোবা সমাব খাম্বানি-
 ফোঁৰখী দোনথ' নাংগী জায়ে। আরোথ' রাংখা-
 ন্থিনি জেনাফা দংখাসৈআনো। নোঁথা মোনহা
 ফোঁথাইআ জানো হাগী— আঁ দাসিম সোঁরা
 মনুখী ফোঁথানানৈ লাখিনো বোসোঁৰফা এফা
 ফাননানৈ গাসে ড'জি বিগাসো হা-হু
 ফাননাংবায়। মা খালামনো!
 রৌথোন : নোঁথাং দাসিম সোঁৰখারি মদদ এৰা সোঁৰবা
 আখাই গোলাব মানসিনি রাডারি মদদ
 মোনফোঁৰাখৈ নামা ?
 মুসাহারী : গৈয়া, রাবনিফ্রায়বো মোনফেৰ বোয়াখৈ। রাডারি
 মদদনি বাশ্রাখীথ' দোনদো, খোঁরাংখীনো রাববো
 লাগাড। অদেবানি কক্কাইল লক সপানি
 এম.পি. বিথাঁ সানসুমা খুঁগুৰ বৈসোমুখিয়ারীআ
 বি.টি.সি.নি মাঝখুলিফা আৰু ডেঁ জাপুঁ
 মারোবলা মাঝা মোনসে খালামনো হোনানৈ
 বুঁদোঁমোন।—রাঁ নাংগী, রাঁ নঙাৰলা জেবো জায়া।
 রৌথোন : নোঁথানি নোঁজোঁৰা দানি জাখাংফুৰোনায় বর'
 থিয়েটারফা থানানৈ থানাথনি বাগৈ মা নুয়ো ?
 মুসাহারী : রাঁ— রাঁ নঙাৰলা বিসোঁৰবো জেনায়াব গোঁলেগোন
 এৰা লোঁৰবাঁ জালাংগোন।
 রৌথোন : হারিনি সোঁৰবা এৰা আফাদফোঁৰনিফ্রায়
 বিদিবলা দাসিম.....?
 মুসাহারী : গৈয়া নোঁথাঁ রাববো খোঁরাং লায়খৈ। খোঁরাং লাগা
 রাববো গৈয়া। জাখি জাদোলা নোঁথাঁ মোনহাদি
 ফৈদোঁ আরো আঁখী এৰা সোঁরা মনুখী খোঁরাং
 লাফৈদোঁ বেনি থাখায় সোঁরা মনুনি জানানৈ হাজাসে
 সাৰাইখর!
 রৌথোন : দাসিম রাইজোঁ—রাজানি অনসাউনায়া মা বাদি ?
 মুসাহারী : দঙ', মোজা। বয়বোঁ নাইয়ো, মোজা বুঙে,
 অনসাউয়ো।
 রৌথোন : নোঁথাঁ মোনহা আসামআবল' দিখিযো না
 আসামনি বাহেঁৰায়াববো আঁখারলাঙে ?
 মুসাহারী : আসামনি অনগায়বো ডিমাপুৰ, সোঁৰাব বেংলনি
 হাসিমাৰাফোঁৰ বাইদি জায়াগায়াববো আঁখার
 লানানৈ গাহৈয়ো।
 রৌথোন : নোঁথাঁ মোনহা থিয়েটারখী দানবেসেনি থাখায়
 থিয়ারি জানানৈ আঁখারলাঙে।
 মুসাহারী : গাসে ড' দাননি থাখায়।
 রৌথোন : নাইজাবনি অরগেনাউস খালামনায়াব এৰা
 আফাদনি মানসিফোঁৰখী দৈদেনায়াব
 মাঝাফোঁৰ অসুবিদা ফৈয়োদা ?
 মুসাহারী : ফৈয়ো এখম্বা, নাথায় বেফোঁৰ গেদেৰ জেনা নঙ।
 জোঁনি হানজানি অনজিমায়া গাসে সা ড'জি।
 জোঁ গাবজোঁ গাব বেফোঁৰ জেনাখী সুপাংলায়ো।
 বাশ্রায়া জেবো নঙ 'রাঁ'আসো জেনিবো গুদি।
 রাঁ থায়েবলা গাসিবো জাজোবো।
 রৌথোন : আত্সা মুসাহারী, নোঁথাং থোজাসে রাঁবো
 আখাইআব গৈয়া গোবাং লাঙ-লথর আরো
 হানজা লানানৈ থানাথ জানায় আরো দান-
 বাস্খা হোঁয়ে হোসে সানফা-দাৰফা গিদিনাথ-
 নিখুই বর' ভিডিঅ' ফিল্মখীনো বানায়নানৈ
 ফালাংগি খালাম জায়া হোনলায় ?
 মুসাহারী : আঁ ভিডিঅ' ফিল্ম এৰা ফসলা গানজোঁ

হাৰিনিখী সিবিনো লুৰৈআখৈ। সমাজনি গুৰৈ
 জেনাফোঁৰখী মালাইনি সিগাডাব রোখো রোখা
 বেরখা হোনো হানায়নি, আদব খাইদাখী আঁ
 নাইজাবনি গেজেরজোঁসো দিখিফুঁনো লুৰৈয়ো
 আরো বেজোঁসো রোখা জায়ে হোননানৈ আঁ
 ফোঁথায়ো। বেখায়নো হারিমুখী সিবিনো এৰা
 জোঁগা হোনো নাজানায়াব বেখীসো আঁ হারিনি
 মোনসে গোঁথোঁ হাথিয়ার হোননানৈ সানো।
 রৌথোন : মুসাহারী নোঁথাঁ, নোঁথানি নাইজাব আফাদখী
 আবু মের হোনাংগীবলা নোঁথানো গোনাংথি জায়ে
 —নাইজাব, ফোঁৰোঁয়, ফাঝুংগুৰ, ফাঝুংগুৰি,
 দৈখোঁগিৰি, সাজাংগোৰ বাইদি বাইদি।
 বেফোঁৰখী নোঁথাং বোঁৰ সামবলায়ো ?
 মুসাহারী : অসুবিদা গৈয়া। নাইজাবখী মোনো, ফাঝুংগুৰ-
 ফাঝুংগুৰিফোঁৰখীবো মোনো। সাইখ' নাংগীআব
 জোঁহা নাইজাব ফোঁৰোঁগিৰি বিথাঁ পয়ধর

বসুমতীৰী দংখায়ো। বিথাংজনো গাসিনিবো
 দৈদেনগিৰি। দামনাথ-দৈনাথ, ফাঝ দিখিনাথনি
 সায়াব বিথাংজনো নাইবিজিৰনানৈ বিধোন
 হোনায়নি বিবানফোঁৰখী মাঝফুঁজোবো।
 রৌথোন : আত্সা মুসাহারী নোঁথাঁ, নোঁথাংখীথ' বলবো
 গেলেয়ো হোননানৈ বয়বো মোনথিগী। বেনি সায়াব
 ফৈনৈসো বুংগোন দাৰি ?
 মুসাহারী : নাংগী, বল গেলেনায়া আঁনি হবি। আঁ দাবো
 গেলেয়ো। গান গাহোলা—বল গেলে হোলা,
 জেৰাবনো খাবু মোনো বেবনো গেলেয়ো আঁ।
 (মিনিয়ো)
 রৌথোন : গোজোঁথোঁ নোঁথাঁ! সোঁরা মনুআ সোঁরা সাথি
 জানানৈ থাথোঁ, নোঁথানি জিডআব সোঁরাখী
 হাস্থাংনানৈ জোঁ 'রৌথোন' নখরনিফ্রায়
 ইসোঁৰনি খাথিআব আরজ গাববায়।
 মুসাহারী : গোজোঁথোঁ!


★★★★★

লিৰবিদাং নাংগী:

ফৈবী 2004 ই মাঈথাইনি জানুৱাৰি দানআব জানো গোনাং বঙাইগাব জিলা আফাদ,
 ডুল্লারায়া বর' ফাঝায়া আফাদনি গা নৈথি মাঝ জোঁবথা (অহল্যকৰুইকৰুইকৰুই) জথুমমায়াব
 আফাদনি নৈ বোসোঁৰাফি শুগা লাঙনি 'আয়রাখি' নি নৈথি বিখানখী জোঁগা-মাগা দিহুবনো
 থাখি লানায়া জাৰো।
 বৈনৈয়ায়নো, গোঁদান আরো গোজাম লিৰবিদিফোঁৰখী দেবনাগাৰি হাংগোজোঁ ফাঝ
 বিলাইআবল' বর' রাবনি ঝন্থাং, রায়াথাই, বুঁদ' সল', খিৰিথি গাসে ফাঝথিফাফোঁৰখী
 রোখা রোখা লিৰনানৈ গাঠায়নি থংআব 7 ডিসেম্বৰ, 2003 ই অক্টোবৰি গেজোঁৰ দৈথাই
 ঠরনো থাঝায়া আঁ শুগু আফাদনি জানানৈ গুৰৈয়ে ঝাঝলায়াবায়। বুঁদানায়া জাযোঁদি, শুগু
 আফাদজোঁ সাইখ' জানায় লিৰবিদাংকো আয়রাখিআব গাঝোঁনাথনি ঝস্তু মোজগোন।

লিৰবিদাং হরনায়নি থং:::

Z.D. Basumatary,
 Chief Editor, AIRAKHI.
 ABSU Office, Kajalgaon.
 P.O.: Kajalgaon,
 Dist.: Bongaigaon, B.T.C. (Assam)



गाब सोलाचनाय बेलुन

गुबै : फ्र.बि.मि. फाल्तामि
रा: सो: अजित कुमार बसुमतारि।

गोनां मुबा : गोजा बेलुन, गोथां बेलुन, गरसेल' मसला आरो ससे खुन्दुं

जादु : सोनाब हाददफोराब गाब सोलाइनायनि सोलोफोरा जोबोत मोजां मोनजानाय। आमेरिकायाव बयजोबो मोजां मोनजाग्रा सासे बावनांसा जादुगरआ गावखौनो गाबनि राजा मुं दोनदोमोन। बियो ग्राम 'फन थोरसि, दावगां, रेशम खुन्दुं, बेलुन, सलाइनि खाथि, थुफि बायदि मुवाफोरनि गाबखौ सोलाइ होयो।

बेवहाय नोंथांमोननि थाखाय बिथानि गाव मोजां मोननाय बेलुननि गाब सोलाइनायनि सोलोखौ होनाय जाबाय। जेब्ला नों सोरनिबा जोनोमनि सान रंजा फोबोआव थाडो अब्ला बैयाव दिन्थि फुनायनि थाखाय बेयो मोनसे मोजां सोलो। आखायाव गोजा गाबनि थोबसे देरखांग्रा बेलुन लादो आरो बुंदो 'आब्राकादाब्रा'। आहा! नाइदो बेसेबां गोमोथाव! गोजा बेलुनानो हरखाब थोबसे गोथां बेलुनाव सोलायो। नंगी, बेयो सैथो बाध्रा, नोंथाडबो बेखौ खालामनो हागोन।

होखोमानाय बाध्रा : फ्राय गासैबो गाबखौ सोलाइहोनायनि सोलोखौ मोननो थाखाय मोजाडै हुदा खालामनांगौ। बे हाबाखौ जाफुसार होनाया बेनिनो

सायाव सोनारो। दिन्थिनायखौ जागाइनायनि सिगाडव बे सोलोयाव नोंथाडो गावनो माखासे साखा-फारा जाग्रोनांगोन। बे गोजा बेलुननि सिडव गरसे लं मसला सोहरदो आरो बिनि सिडववनो गोथां बेलुनखौ सोहरदो। बिनिफ्राय मोननैबो बेलुननि गोदोनायाव हमनानै बार सुनानै होदो। लं बेगर मसला सोनानै होनायनि थाखाय मोननै बेलुननि गेजेराव एसे खालि जानानै गोथां बेलुना देरनाय लोगो लोगो गोजा बेलुनाबो गावनो गाव देरबोगोन। बेनिफ्राय गोदोनानि सोरगिदि खुन्दुंजो खादो आरो दिन्थिनायखौ जागायजेनदो।

जेब्ला नों बारजो देरनाय गोजा बेलुनखौ नाइग्राफोरनि सिगाडव दिन्थिगोन अब्ला गोथां बेलुनादि सिडव दं बेखौ विसोर मिथिनाय नडा। दसेनि उनाव आसिनि आसुगुरजो लं मसलाखौ खुसेरमानै होब्ला गोजा बेलुना बेकुरगोन आरो गोथां बेलुना नुजागोन। गोजा बेलुननि थुखाफोरा थबैनो गोदोनायाव फैफिनजोबगोन जायखौ नों नोंनि आसिफोरजो लाखोमानो हागोन।

लंखौ आसिगुरजो जोबोद लासैयै खुसेरनांगोन नडाब्ला थोबनैबो बेलुना बेकुरो हागौ।

★★★★



टेलिफ'न



निनगोया सोरगियारि

रबिबार : बेलसिनि नै बाजि।

थावनि : गोजोनफुरि गामिनि मुंदांखा सानसुमा मेलेमजिबि मानाव गेदेर बिथां नांथाब गोरा इसलारिनि (N.G.I.) द्रयि रुम।

क्रि-क्रि-क्रि

फनआव सोरनिबा रि।

रिसिभारखौ दैखानानै बिथां इसलारिया बुडो-हेल्ल'

: हेल्ल'

: हेल्ल' बबेनिफ्राय बुंदो?

: आ पार्टिनिफ्राय बुंदो।

: हेल्ल' आ बड' पिउपुलस प्रटेकसन पार्टिनिफ्राय बुंदो नेहाथारि जांखिखां नाजिरिया। आनि गारांखौ हमनो हादो नडासै आदाया।

: अलबट: सोर सिनाया जानो फंकाय नोंनि गारांखौलाइ?

: खोथाया नै ओरैमोन आदा, जोनि गेजेराव बिग्रायनायनि मुडै गावजो गाव गावधारलायनाया बांनाइनिफ्राय बांलांधारबाय। बे बादि जोबमोलांनायखौ नुनानै बेखौ थाला-धुला होबथानो जुनै बे बड' पिपुलस प्रटेकसन पार्टिखौ दानाय जादो आरो बेनि हेड कवाटाराव थाबैनो मोनसे सुदुं थुबुरमा खुनो लादो। बे थुबुरमा सालियाव नोंथांखौ गाहाय आलासि महरै लेंनो थिरांथा लानाय जादो। जिखि जादोला दिनें फ'नजो खौरां लाबाय आरो गाबोनहालागै नों नोंथांखौ लोगो हमसिगोन।

: नडा फंकाय गाबोन आहा दोहोरोम आफादनि जधुम्मा दं। ओंखाइनो आं नडाव थानाय नडा। मानोना बाथौ दोहोरोमखौ नागारनानै खिष्टियान, सतसंगि, वैष्णव, बह्म, जांखाव बायदि बायदि दोहोरोमआव बारस्तायलानो लादोसै। बेनिखायनो बे बेलयाव खौसेथि लाबोनाया गोनांधार। आंगो दोहोरोम थाब्लासो आंगो हारिमुआ थानानै थागोन आरो आंगो हारिमुआ थानानै थाब्लासो हारिनि सिनायथिया अराय बेरखांगोन नडाब्ला सिनान दोहोरोम फालांगिरिनि अराय ग'लाम जानानै थानांगोन। बेनि गोनांधिखौ साननानै बै मिथिडाव थानायखौ आं गोनांधि सानदो।

: बिदिब्ला आदा, समनिहा मंगलबारै लोगो हमसिगोन।

: औ ओइदिन खालि बिजो जेनाखौ लानानै थुनलाइ आफादनि जधुम्मा दं। बर' बिजोनि सायाव बर' गोरो गोरा एवा बर' बिजोनि बर' फोरोगिरिफ्रानो गाव गावनि गय' गथायखौ बर' बिजोआव फरायहोआलासै इलिस बिजोआव सोनानै बर' बिजोनि अलखद बोखलायबोदो। नायदो गोरिब-गुन्नानि फिसानेराल' फोथाना लाखिनो हागोनदा बर' बिजोखौ? इलिस बिजोयाव फरायनाय लोगो लोगो आखल-अस्तु आरो राव-फावआ सोलाय लादोसै। आइ होन्नो लाजिना माम्मि बुंवाय, आफा बुंनो लाजिना पापा बुंसै, आदा बुंनो लाजिना ब्राडार बुंसै, आब' एवा आरौ बुंनो लाजिना सिस्थार बुंवाय। बे बादियै बेसेबां सम हारिया हां लानानै थानो हागोन?

रोरोथोन- 46

: हेल्ल' आदा बिदिब्ला बुधबारेलाय माबारे जागोन ?

: ओइदिन खालिबो हारिमु आफादनि जधुम्मा दं। बर' हारिमु आफादखौ नागारनानै सोनाबारि हारिमुखौ बोजवनानै लानाय नुदोंसै। थप मेथाइ, दिस्क' रक बायदि-बायदि मेथाइ आरो मोसानाया बर' हारिमुआव जायगा आवग्रिखन फैनो हमदोंसै। दिनै गोवाडनो खाम, सिफुं, सेजी, जथा, जाबग्रिफोरखौ दामनो लाजिसै।

बैसागु फोबोआव बैसागु मेथाइ एबा बैसागु मोसानाया गेसं जालाबाय। समनि लोगो-लोगो बर'नि खुगा मेथाइ, लावखार मेथाइ, खुदिया बुरखाइनाय मेथाइ, फुथुलि हाबानि मेथाइफोरा लासै लासेनो गोमालांनो हमदोंसै। दख'ना फालिनि सोलाय सुरिदार, मेकसिजोंनो बर'नि गान्नाय जोमनायाव सोलाइनाय फैदोंसै। नखब्ला बर'नि दख'ना फालिआनो बर'नि सिनायथिखौ गोजाननिफ्रायनो होनो हायोमोन। वैसे गिथाव सम सौफैदों। बेव्र नुजाधिनायखौ गोनांथि सान्दों आं।

: बिदिब्ला आदा बिस्थिबारेलाय ?

: ओइदिन खालि आबादारि आफादनि गोनांथार जधुम्मा दं। सुबुं अनजिमानि रुजु जखायै जों दिनैबो आबाद दिहुन्नो हायाखै। जों जोंनो नांनय मैगं थाइगं - बानलु, माइ, सबाइ, वेसर, हाइजें-हालदै, थस'-थारुन, पटल, खुमब्रा, जोगोनार, थाइबें, फांन्थाव, सबाय बिमा, कबि, टिसि, मसुर, सिबिं खेसारि, रहर, थाइलिर, नारेंखल, स्कवास, खमला, आपेल, आंगुर, मौसम्बि, लिस्, राइमालि, खान्थाल, थाइजौ बायदि बायदिखौ बिगियाननि आदबजों फालांगिरि महाराव दिहुन्नथारनांगोन नखब्ला जों वे दुलुरथाइनि बादाइथिलियाव थावरिना थानाया गोब्राब जागोन।

: बिदिब्ला आदा शकुबारे ?

: ओइदिन खालि आइजो आफादनि मिथिलाय। दानि वे बादायथिलियाव बर' आइजोफोरनि बिबाना बांबोबाय। बर' आइजोफोरा दिनै न'सिडवनो हाबसोना थानायनि बोथोर गैलिया। न'खर गायसन्नायनिफ्राय जुरिनानै सोलेंथाइ विधिं, उद्यम फर्सनाय, साग्रि-बाग्रि, वेफार फालांगिखौ

लानानै गासै बिधिंआवनो हौवाफोरजों समान समान दावगालांनो हाब्लासो बर'फोरनि Master race दानायनि सिमाड जाफुंगोन। वे बेलायाव आइजो आफादखौ मदत आरो हेफाजाब होनो जुनै आं वै मिथिडव बयखौबो खावलायगोन।

: हेल्ल' आदा शनिबारेलाय ?

: ओइदिनखालिबो मोनसे N.G.O.नि जधुम्मा बेखेवहैनांगीलाय। जोंनि गेजेराव लाइमोनफोरखौ गाव थानानै थानायजों लोगोसे हारिनि, हादरनि दावगानाय हाबयाव मुखुब जाहोनो N.G.O.आ गोखों गोहोम खोखलैनांगिनि जोबोद गोनांथि दंसै। गरमेन्टखौल' लामा नायालासेनो सोलेंथाइ, मिथिगानि समानथि, मोजां बार हावानि थासारि लाबोनायाव बेबो जोबोद गोनांथि दं।

: आदा, रबिबारेलाय ?

: हाबाब फेबाय! रबिबारे आंहा रनसाइधामाव थांथारनांगी। बेवहाय आंनि देरसिन फिसाज्जलाय नवदया बिद्यालयाव सेमोनसो मुं थिसननो मोनदों। बेवहाय गरजेन मिथिं दं। जोंनि फिसाफोरानोथ' हारिनि, हादरनि धोन। बिसोरखौ जों गोजी सोलेंथाइ लाहोनानै गोजों जिउ लामाजों हाथि होनो हायाब्ला जेरेंबो खाना जाहैनानै बेबो समाजआरि जेंनानि मारखि बेमार जाहैगोन।

: अब्ला आदा, जोंनि बाध्राया मा

: फेबाय, नोंसोर मोनसे खामानि मावदो। गावजों गाव सिथारलायनायखौथ' रावबो हास्थाय। आंबो। बेनिखायनो नोंसोर नाजाग्रो। उनफोराव थासारिआ मोजाडव फैनानै सोलाबबायोब्ला आंबो बाहागो लाहैनो हागोन। बे N.G.I. थामहिनबो Non Government Individual एबा नांथाव गोरा इसलारिआवो जेब्लाबो मोजांखौ हास्थायो आरो जेरावबो नांथाबनानै थाबोदों।

: बिदिब्ला आदा साबायख'र थाबाय

: गोजोन्थों।

नार्जारी, हागजेर, मिस्र बाइदि बाइदि.....

— मोनसिसिं बोराय —

दाखालैसो फंसे बाध्राखौ एसे गोथौवै सानफ्रांदों। नार्जारी, गयारी, औवारी होननाय बर'फोरनि मुनि उनाव थानाय फोलेरनि मुंखौ। बाध्राखौ इराजी रावआव ट'टेम (Totem) होननानै बुडेंगोन। ट'टेमआ मोनसे हारिनि गेजेराव थानाय दालाइ हारि एबा फोलेरनि मुं। गयनि हारि गयारी, नार्जानि हारि नार्जारी बाइदि बाइदि। दा ब्रह्म धोराम लानाय बर'फ्रा गावखौ 'ब्रह्म' उपाधि लानायखौ आंनियाव एसे आग्रा सोंनाय फैदों। ब्रह्मआ हिन्दु धोरामनि मोनसे ट'टेम नख। बियो साननानै लानाय इसोरनि महर। बिबो निराकार, निर्गुन। अब्लाबो मोनसे बर'नि ट'टेम होननानै साननानै गुबुन गुबुन बर'फ्रा गावनि फोलेरखौ दिन्धिनी आन्था 'ब्रह्म'जों हारि दाजाबनानै 'ब्रह्मारी' लिरजाया बियो। बाध्राया आंनि मोनसे साजेसनसो, बोसोन नख।

दासान्दि जोंहा गोदान गोदान सोदोब दानायनि दुहुम जादों। वे दुहुमआवनो नांनयबो-नाडैबो बाइदि बाइदि सोदोब थिसननाय जादों। बे सुजुगआवनो आंबो मोनसे मोननै गोदान सोदोब लाजाथाव एबा लाजाथावयै सावरायनो हंगारनानै होनाय जाबाय। हमनानै लादो 'Ambassador' सोदोबखौनो। बे सोदोबखौनो जों गलाय मोनदेर खालामनानै राजथान्दै होननानै बुंदों। सोदोबआ मोजाडनो जादों। नाथाय 'राजथान्दै' सोदोबआ 'Ambassador' नि ओंथिखौ होजोबनो हादों ना हायाखै नाइनायनि। सेम्बार्स दुयेनटियेथ अक्सफर्ड डिक्सनारीआव बे सोदोबनि ओंथिखौ ओरै बाइदि बुंदों,

"A diplomatic minister of highest order, a messenger, agent." बिदिब्ला 'Ambassador' नि हाबाया मोनसे हादोरनि दैथाय जानाय थान्दैखौल बुंजाया। बियो सोरबा मोननै हानजानि गेजेराव खौरां रोगाग्राखौबो बुंजायो। बेनिखायनो बे 'Ambassador' सोदोबनि ओंथि होनो मोनसे सोदोब दं। बि सोदोबआनो

जादों 'हागजेर'। हागजेर होनोब्ला जों डिमासाफोरनिमोनसे फोलेरखौ आरो ट'टेमखौ बुजायो। डिमासाफोरा 'हागजेर' एबा 'हागेजेर' होनोब्ला मोननै हानजानि गेजेराव थानानै बिसोरनि नांज्जलाय-खमज्जलायखौ सामोल होग्रा एबा खौरां होग्राखौबो बुजायो। एखनब्ला बियो थान्दैनि हाबा मावनायखौबो ओंथि होयो। बिनिखायनो 'एम्बासादर' सोदोबखौ गाहामसिनै 'हागजेर'आ फोरमायनो हासिनो होननानै आं सानो।

आं नाथाय बेवहाय गोदान सोदोब दानायनि बाध्राखौ बुंनो थाडखै। खोथया बोरेंबा ओंखार लांदोंसो। आं बे मानसिफोरनि गिबि एबा उनाव थानाय 'उपाधि' एबा 'टाइटेल' खौसो बुजिनो सान्दों। बर'आव बेखौ फोलेर मुं दोनब्ला गोरोबगोन बाइदि मोनो। बाध्राया गोरोबगोन ना गोरोबा बेखौ देनां गोरोफ्रा बुंनोन। आहमनि राजाफ्रा गोदो राइजो खुंनय समाव राइजोनि साग्रि मावग्रा, सानग्रि, मन्थ्री बयनोबो बिबान होयोमोन आरो बिनो उनाव बिसोरनि फोलेर मुं जानानै थालांदों। बार' एबा जिनैनि गाहायब्ला 'बरा' जौसे एबा 'श' नि गाहाया 'शइकिया', हाजरनि गाहाया 'हाजरिका' बाइदि बाइदि। बेखायनो बे बरा, शइकिया, हाजरिका बाइदि बाइदि फोलेर-मुंखौ असमीयाफोर बांगाल, ब्रह्मण, कसारी, कलित्त बइनियावबो मोनो।

थेवब्लाबो ब्राह्मणफोरनि गव'आ एसे गोमोथावसिन बाइदि मोनो। जों ब्राह्मणफोरनि फोलेर मुं फरायोब्ला भट्टाचार्य, आचार्य, चक्रवर्ती, शर्मा बाइदि बाइदि उपाधि मोनो। नाथाय बेफोर ब्राह्मणफोरनि फोलेरमुं नख। सोरबा सोरबा बिजाब एबा खौरां बिलाइ फराइग्राफ्रा माब्लाबा माब्लाबा भारतनि गिदिर गिदिर रिसि-मुनिफोरनि मुडै गाव गावनि फोलेरमुंखौ भरद्वाज, काश्यप, गौतम बाइदि बाइदि होनानै लिरनाय नुनो मोनो। बेफोर सैथोयैनो बिसोरनि फोलेरमुं। गव' होननाय सोदोबआनो जोबोर गोमोथाव

★★★★

आरो सोमोनांथाव। सासे बाडलिल लिरगिरिआ (मुंखौ बावबाय) बे गत्र' सोदोबनि ओंथिखौ होदों। ग' होनोब्ला संस्कृत रावआव मोसोखौ बुजायो। त्र' खौ थाग्रा एबा बंग्रा होनानां बुजायदों। गोदोनि रिसि मुनिफ्रा गाव गावनि न' आवनो फराइसाफोरखौ फोरोंनायमोन। बे फोरोंनायनि थाखाय बिसोर जेबो रां-बांथा लायामोन। बेनि सोलाय बे फराइसाफ्रा फराइनायजों लोगोसे सरासनम्रायै मोसौ गुमनाय, आबाद मावनाय बाइदि बाइदि हाबाफोरबो मावनाने होनांगौमोन। बे फराइसाफ्रा मोसौ गुमनायनि समाव गावजों गाव सोर मुनिनि मोसौ गुमदों बेखौ सोलाय लायोमोन। बे सोनाय लोगो लोगो सोर मुनिनियार बिध्या सोलौदों बेखौबो मोनथिनो हायोमोन। बेनिफ्रायनो बे गत्र' सोदोबआ फेदों होनानां लिरगिरिआ बुंदों। काश्यप मनिनि फराइसा आरो बिनि फिसा-फिसोफ्रा काश्यप गत्र' जादों। बिसोर काश्यप मुनिनि फिसा-फिसौ नड। मानोना काश्यप मुनिआ गावनि फिसाफ्राखौ गाव फोरोंडा लासिनो गौतम मुनिनि सिडव सोलौनो थिनहरोब्ला बेनि गत्र' आ गौतमसो जागोन, काश्यप जानाय नड।

भारतआव थानाय पार्सी फोलेरनि मानसिफ्रा गाव गावनि फोलेरमुंखौ गाव मावनाय हाबाजोंसो लिरनाने लानायमोन। सम सम बिजाबआव मोनबाय फोलेर-मुं जैर दारुवाला, स्क्रुवाला, इन्जिनियार बाइदि बाइदिआ पार्सी फोलेरनि मानसिफोरनि। इयुन फोरमाइग्रा बेजान दारुवाला, कन्ट्राक्ट मावग्रा नरी कन्ट्राक्टर बाइदि बाइदि। खाइफा खाइफा शिक आरो इसलाम धोरोमारी मानसिफ्रा फोलेर-मुंखौ जायगानि मुंखौनो होनाने लानायबो नुनो मोनो। हिन्दी सिनेमानि मेथाइ लिरग्रा साहिर लुधियानवी (लुधियानायाव जोनोम मोननाय एबा थानाय), सादिया देहल्वी (देहल्वी एबा दिल्लीआव थाग्रा एबा जोनोम मोननाय) बाइदि बाइदि। शिकफोरनाय आरोबाव मोनसे सोमो नांथाव हुदा दंबावयो। बिसोरनि बांसिन मानसिनि मुंखौ नाइनाने हिनजाव ना हौवा साइख'नो गोब्राब जायो। मुं जैर 'अजित'खौ नाइनाने हौवा ना हिनजाव बासिनो हानाय नड। जेब्ला अजितनि उनाव 'सिं' लागायनाने होगोन अब्ला बियो हौवा आरो जेब्ला अजितनि उनाव

'कौर' होगोन अब्ला बियो हिनजाव जागोन।

मालायनिया जायखि जाया आं नाथाय इराज माहारिनि फोलेरमुंफोरखौ बाराद्राय जाब्ला-जुब्ला मोनफ्राडो। बिसोरनि मुं दोननायावबो बाराद्राय गुलाय-गुजाय गैया। हौवाब्ला टम, हेरि, जर्ज, हेनरि, चार्लस्, बाइदि बाइदि। बेखौनो हेनरि से, हेनरि नै, हेनरि थाम, चार्लस्-से, चार्लस्-नै आरो बेसे मुख'नो। फोथाइआब्ला इलेण्डनि जारिमिनखौ नाइदो। मुं दोननायाव बिसोर मेलेमखौ बाहायथायगोन आर बिजों फोलेर-मुंफोरखौ नाइबावदो। दानि आमेरिकानि हाददगिरिनि मुंखौनो नाइदोना। जर्ज डब्लिउ बुस्। जर्जआ गावनि मुं। डब्लिउआ बिफा उइलियामनि मुं आरो बुस्आ फोलेरमुं। खाइफा खाइफा जों बर'फ्रा समाइनायनि सानसुमा खुंगुर बसुमतारीआव खुंगुरखौ होदेरनाने लानाय बाइदि बिफानि मुंखौ थिसननाने लाफायो। बाइजोनि मानसिफ्रा 'नोम्फानि मुड मा ?' होनाने सोंनाडै बाइदि। बे फोलेर मुं बुस्नि इराजी ओंथिखौ डिक्सनारीआव नाइदो। बुस् सोदोबनि इराजि ओंथिखौ एरे बाइदि होदों,

"A woody plant in rise between a tree and an undershrub; ashurb thick with branches; anything of bushy tuftlike shape forest; wild uncultivated country (even though treeless) बाइदि।

बिनि बयनिखुइबो बाहाय जासिनग्रा बर' रावआव थानाय सोदोबआ जागोन जाबथु हाग्रा एबा थुवजा सु गोनां हाइथा-था बिफां।

★★★★



सैरोथोन-49



—गाबोला

'बड'लेण्ड फरायसोम आफाद'नि गोखों बिथोन —“देलाय दैलां बन्द'आव रावबो फोरोंगिरिआ ज'नाने थानो मोना गंफ्रामबो बर' बिजों फरायसालियाव कसिं क्लास लानांगौ हारिखौ 'गेरेमसा रेस' गोखौ दानायानो फरायसोम आफादनि जोबथा थांखि।” थांखि बादियै फरायसा दैदिनगिरिफ्रा इस्कूल-इस्कूल खरा इन्सपेक्शन खालायदों। फोरोंगिरिनि 'एटेनडेन्स्' नि रिपर्ट लादों।

गुन्दामार गोजौ फरायसालिनि टिसार्स कमन रुमावबो फरायसोम आफादनि सखल-बखल दैदिनगिरिफोरनि उथुजुगथार! बे इस्कूलनिनो मंगलसिं मास्थारा 'इलिस सेकेन्ड' फोरोंनो आखाइआव बिजाब लानाने क्लासाव हाबदों। फोरोंनो लानाय आयदाया 'माइ एम इन लाइफ' —आनि जिउनि थांखि। फोरोंगिरिआ बिजाबनि फरा बिलाइआव आसि सोखानाने गोजानाव नाइहरदों। बा बोसोरारि डि.पि.इ.पि. आरो सब सिक्षा आस'निनि आदबजों रोंखा-राखा मंगलसिं मास्थारा फरायाव गोसो बोज'बनो नाजदों। गथ'फोरनिथिं हादे मिनिस्तुयै बाभ्राखौ आवरायनो हयो:

“बुजिबायना ? हा ? फरायसा समाव बयहाबो जिउनि थांखि थानांगौ। जिउनि थांखि गैयाब्ला, मिथिबाय ना ? लैथो गेजेराव कम्पास गैथि जाहाज बायदि जायो। बुजिबाय ना ?”

मंगलसिं मास्थारनि बुंनाय गाराडा सिलिनाय। थें थें फुथिसार हैदोंमोन कमन रुमसिम। गोदोनानि रोदा गोथांआ ब्रां ब्रां नुसारदों।

“देनाय शर्मिला! नोंनो बुंनायसाय, नोंनि जिउनि थांखिया मा ? हे:हे:हे:। मा जानो लुबैयो नों ?” मास्थारा सोडो।

हरखाव मुं खारि जानाय लोगो लोगो गुरलुब बागदावखाडो शर्मिलाया। लांगोनानि स्लिम स्लिम मथरथिडैसो गोसो बिरलांनायाव दसे आंगो सांगो जायो। मोखां सोम सोम दसे सिरि गसडो।

“दे, बुंदो दे।” मास्थारा खेदावयो।

“आं मिथिया सात (सार)।”

“हो!” —दसे गोमोयो मास्थारा।

बोथोरखौ नुखानाने सुस्मितायाबो गिखाडो, शर्मिलानि उनाव गावनिनो फारि। ब्रायनो सुस्मितानियाव सोंमारबाय। “नोहालाय माथो ?”

सुस्मितानि खाफाल थिडैनि खानाइआ गराय साइसुनि खान्दा हास'नाने लानाय। दाय मावनाय बादि दल' गंहाबनाने थानायाव गराय साइसुनि खान्दा सथासे खानाइआ मोखांथिडै दुद्रुबोबाय थायो। खनले खनले दुद्रुनाय खानाइखौ खनखानाने आसि बिमाजों खोमाथिडै नारश्रोद हरबाय थायो। हारसिं थं थं गसंनायाव लाजिनायजों जाबजों सुस्मिताया खुगायाव सुइगाम जानाय बादि माबा

सैरोथोन-50

सावसुबबाय थायो। बांद्रायनाय मोननानै फसे राव ओंखारो:
“आं हानाय नख सात।”

“हाब-बाब! बेव हानाय हायिनि मा बाध्रा दं। बेव
हारा दं ना सु दं? ना अन्थाय दं?”

मंगल मास्थारनि रागायाव नाथांखि फारनैन रोदा
खिंखिआ ब्रेव जाखाडे। अदेबानि गोदान फोरोंथाइ
खान्थिखौ थ'ब गोसो खानायाव रोदाया रुइफिनो। बुडे,
“नोनियालाय अन्थाय गोरा?”

अन्थाय गोराया सिखारनानै सासु मासु बुडे,
“आं मेट्रिक पास जानो सात।”

“थेद! स्टुपिद! आइयौ.....! गावनि जिठनि
थांखिखौनो बुंनो रोड नौसोरो! नौसोर फरायखानानै मा
मावगोन, मा जानो लुबैदो बेखौसो सोंदों। डाक्टर,
इन्जिनियर, प्रफेसर, आरमि अफिसर, लेडि डाक्टर ना
नार्च ना मा?”

दानिया बयबो दावब' बासिनाय सिरि। आरोबा
खायसे मालाय सिरि थानायाव दासो खोमायाव हाबदों,
—ट्रेडन टिसार मंगलसिं मास्टारा माखौ सोंदों।

क्लासनि रल नं से करिश्माया थब सिखारनानै बुडे,
“आं नार्च जानो सार।”

“गुद हामगौ दे।” मंगल मास्टारनि मुजुं खाफाल
खेबनाया गेवसारो। बुंबावयो,

“मोनफ्रोमबो खामानि मावनायावनो मान दं—
‘डिगनिटि अफ लेबार’ —जायखौ बुडे। दे जानांगौ।
रबिना नौनिआलाय?”

रबिनाया फिनो,

“आंबो नास जानो सात।”

“ए नौलाय।”

“आंबो सात।”

“आरो? नेक्सट..... नेक्सट?..... नेक्सट?.....

“आंबो सात..... आंबो नास..... नास सात.....
नास..... आंबो.....”

“जाबाय दे बेफोर गासिबो सुबुंधि सिबिनाय।
बुजिबाय ना?”

मास्टारा हौवासाफोरनिधिं नाइहरनानै सोडे,

“दे दानिया नौसोर बुंदो।”

“आंबो नास जानो सात।” —अन्थाइ गोराया फिनो।

“बरिआ! नौलाय, दानखाव गोरा?.... उरसोम?

.... नेक्सट.....? नेक्सट.....!”

“आंबो सात..... आंबो नास सात..... नास सात.....
आंबो आंबो.....”

फरायसाफ्रा बयबो फिननो हानायाव खुसिजों

मोखांफ्रा बारलां जोबो।

“स्टुपिदस! इडियटस!! गोबोरखि, जुजाइल' दं

नामा, नौसोरनि खर'आव? मा जानो बे बाइदिजों?

हौवाफ्राखि माब्लाबा नार्स जायो? जोमाव

आग्लायनायफोर।”

फोरोंगिरिनि खाफाल गेजेराव रोदाया खेबजुं थुबुर

नांफिनो। सुथुर नुनाय सैमानि फाफिलआव लुमबाव जाखौनाय

बादि मंगलसिं मास्थारनि थिखिनिआबो मेव मेव रेजें

जाखाडे। बिनि रागाखौ नुनानै रावहाबो फेट-फुट गैया।

सिरि, गोथै जानायखौ, सौसिनानै दान्थेगोराया गावनि

फिन्नाया जायो-जाया बुंनो दाद गसडे।

“मा दान्थे! माबा बुंनो नामा?”

“औ सात। आं एम एल एसो जाद्ला

बायनो लुबैयो सात।”

“हे:हे:हे: हा मानो ‘जाल्दा बायनो’

लुबैदोंसै नौलाय?” मंगलसिंनि थिक्किनिआ रुइफिनो।

“दड सात। बुहुत खोथा।”

“हाब! मा मा बुहुत खोथाब्रा? मोनसेसो

बुंजाया होम्बा?

“बुंजायो, बुंभ्लालाय, मोनसेसोखौ।”

“बुंनो दे.....!”

“सात। एमेले-मन्थिफ्रा टाटा सुम' एबा बलेर'

गारिनि दरजा ग्रुम-ग्राम फोनानै आखाइ थाइनेजों आर'नायखौ

समानै वोफलोम वोफलोम हारि सिबिनो दलर-दलर

थाबायनायखौ आं इनायनो फसायनाय मोनथारो सात।”

“एहे:हे:हे:। जाबाय दे, नौं ज'दो।”

मंगलसिं मास्थारा बाध्राखौ बेवनो फोजोबनो
सानबायमोन। फराखौ जुरिनो सानदोंमोनल' —थिक् बे
समावनो बयबो गाव गावनि जानो लुबैनायखौ बुंनो गुरु
मोनानै बांबुला गयारिआ थ'ब सिखारनानै बुडे।

“सात! आं मेलेटारिसो लागोन।”

“मेलेटारिसो लागोन! मा आरमि अफिसर?”

“नख सात। मेलेटारिसो।”

“ए! दे, जाबाय दे। बेबो मोजां। हादोर सिबिनाय।”

दसे सिरि माबा सानानै मंगल मास्थारा सौंफिनो,

“आसुसा! देनाय, देनाय, नौंनि मेगनखौ मेसेबनानै

लानायसाय!”

“मानो सात?”

“मोसेबनानै बुं दे, नौं मानो मेलेटारि जानो

नागिरदों।”

थिननाय बादिनो बांबुलाया मेसेबो।

“दे दानिया बुंदो।”

“औं ...मेलेटारिफ्रा आरमिनि ड्रेस गाननो मोनो.....

मोजां मोजां एके-47 लांबाय थानो मोनो..... मटरनिफ्राय

ज्राम ज्रुम बाब्रुमनो मोनो.....”

“आरो?”

“आरो ... ‘फ्राम् फ्राम् फ्राम्...’ गुलि हगारलानो

मोनो।.....”

मंगल मास्टारा खोनानानै गुरलुब मोनखाडे, गोसो

मोनस्रा मोनस्रा सोडे,

“इन्डियान आरमि ना बर' आरमिखौ होन्दों

नौलाय?”

“इन्डियान आरमि सात।”

“नंगौ ना?”

“नंगौ सात।”

“मानो? बर'फ्राथ' बड'लेण्डनि थाखाय

सोमावसारदों बड' चुक्तिआ फेलें जानांगौब्लाथ' आरो
फिरि गासे सोमावसारनो गोनांबो जानो हागौ। आरोबा
माखासे सेंग्रा हानजाया बोराननानै दंखायो। बिसोरनो

‘सभारेन' बर' हादोद नांगौ होननानै बुंदों। बेल' नंबावआ।

बड'लेण्ड एबा बर' हादोद जानायनि उनावबो मावनानै

जाया मानसिफ्रा हा-हु, खामानि, सोलेंथाइ एबा मानसि

बादि थानानै थानो राहा मोनाब्ला आरोबाव मोनसे बिप्रायथाइ

फैबावगोन। सोमावसारनाया जाफिन नांगौब्ला इण्डियान

आरमिनि आखलखौलाय खोना खाबायदा? मा बादि

अपारेसनआव थांब्ला दाहोना, लावखार, फरायसा, सेंग्रा-

सिखलाफोरखौ गावथार खानायनि उनाव बिसोरनि बिरखुडव

‘उग्रपन्थि’नि मारखा सौनानै होयो? हागोनफ्रा नौं? ‘फ्राम्-

फ्राम्-फ्राम्’ गुलि हगारला बायनो? हारिनि ‘सेन्टिमेन्ट’

लानानै?”

“थेवबो सात। हाबथारसिगौ आं।

“बड'रिजिमेन्ट'आ खुलिब्ला हामथारसिगौ! ओइट्

(viii) पासब्लानो जायोदा, सात?” “मानोथो इसेबां

उधुजुग? फरायग्रोना!”

“आफाया बोराइथारबाय सात, खामब्ला मावयो।

आरो आइआबो जौसो फानो।”

मंगल मास्टारनि खुगाया खलोब जोख्लोबो। आसि

सोनानै लाखानाय बिजाबखौबो जोख्लोब फिननानै दसे थं

गसडे। दसे उनावनो अफिसनि बेलआबो ‘थं’ गाबो।

माबा गोथौ सानबोलावरिआव लोहाबनाय मंगल मास्टारा

बेलनि सोदोबखौ खोनानानै गुरलुब सुथि मोनखाडे।

क्लास रुम सिंनिफ्राय जु जु थै सोबजानानै जयद्रा

जाबोनाय बादि मोखां गिलिरे ‘खलथेब’ ‘खेलथेब’ हावयै

फैथा सोगाब बोनानै थोंगोरि ओंखार बोयो— होंगो-दोंगो

कमन रुमथिडे;सिबाय, मंगलसिं मास्टारा।

★★★★★